

HISTORIAE
BRYTANNICAE DE-
FENSIO, IOANNE PRISEO
EQVESTRIS ORDINIS BRY-
TANNO AVTHORE.



LONDINI,
Impressum in ædibus H. Binneman typographi,
impensis Humfredi Toy.
ANNO. 1573.

THIS TO BE
BRYTANION DE
FEDERAL JOINT TRUST
FEDERAL JOINT TRUST
FEDERAL JOINT TRUST

LOVELL

HONORATISSI-

MO VIRO, GVLIELMO CE-

CILIO BARONI DE BURGH-

LEY, NOBILIS EQVESTRIS

ordinis Gartherij Sodali, summoque

Angliæ Thesaurario, Richardus

Priseus. S. P. D.



V V M historia, lux ve-
ritatis, & humanæ vitæ
magistra, à summis viris
verissimè dicatur, qui de
rectè scribendis historijs
præcepta tradiderūt, pri-
mam hanc legem, me-
ritò mihi videntur sta-
tuere, ne quid vel veri
omittere, vel admiscere
falsi, in rebus gestis nar-
randis, historicus au-

deat. Si enim historiæ veritatem detraxeris, nihil mi-
nus erit, quàm quod dicitur & amisso nomine, Poëti-
cum seu fabulosum figmentum, veriùs quàm historia
dici debet. Et ideo Græcorum historicorum grauissi-
mus, scriptum eleganter reliquit, cum qui de historia
veritatem detrahit, pulcherrimi animantis oculos de-
trahere videri. Iustissima tamen fuit multorum à ve-
tustis sæculis in omni ætate querela, quosdam historia-

¶.ij.

rum

Epistola

rum scriptores antiquos & recentes, in hanc legem commisisse. Alij enim metu, gratia, odio, vel favore personarum aut gentium adducti, alij precibus aut præmijs distracti, alij autem nimia credulitate, errore, vel ignorantia lapsi, multa minus ex fide literarum monumentis, mandarunt. Nec vlla ætate defuerunt historicæ veritatis assertores, qui huiusmodi lesæ aut suspectæ fidei historicos, ingenua libertate coarguere sunt ausi. In hac autem nostra ætate quum Polydorus Vergilius (vir quidem haud contemnenda dicendi facultate præditus, & magnarum rerum scientia instructus) historiam suam Brytannicam, sub auspicijs Henrici octavi felicitis memoriæ Regis, euulgasset, multi statim antiquitatis Britannicæ studiosi, non paucosprehenderunt errores, quibus historia alioqui luculenta, deformatur. Quos quum ille admonitus corrigere nolebat, libris æditis, posteritati testatos reliquerunt. Eorum in numero fuerunt, Leylandus & Balæus, qui in Brytannicis antiquitatibus erant ex diuturna & multiplici lectione exercitatissimi, qui-que ut diligentius eas inquirerent & certius cognoscerent, Salustium & Thucydidem nobilissimos scriptores in hoc imitati, omnia celebriora Angliæ & Cambriæ loca peragrarunt. Insignem quoque in hoc nauavit operam, Ioannes Caius, vir egregia in re medica eruditione, & incredibili in abditissimis antiquitatis arcanis indagandis diligentia, qui in eleganti illo de Cantabrigiæ antiquitate libello, Arthurum à Polydoro negatum, locupletissimis testimonijs, quavis exceptione maiõribus asseruit. Quibus
optimo

Dedicatoria.

optimo iure eximius ille geographihistoricus Humfredus Lhuidus nunc mortuus aggregari debet, qui ob indefessum in historicis & mathematicis disciplinis studium, longiori vita fuit dignissimus. Ioannes etiam Priseus pater meus, amplitudini tuæ (ut opinor) non ignotus, in hoc diligenter cum alijs incumbens, ut historiæ Brytannicæ veritas à Polydoro oppugnata, facta & recta seruaretur, ante annos xx. Cōmentarios aliquot latinè cōscripsit, quos quū morte præuentus, viuus euulgare non potuerit, eam mihi in testamento prouinciam imposuit, ut eos tanquam posthumos suos partus euulgandos curarem. Multa quidem suadebant ut eorum æditionem non negligerem. In his erat veritatis studium, cuius in illis negotium agitur, amor Patriæ, cuius dignitas defenditur, & totius Brytannicæ gentis existimatio, quæ multis verborum contumelijs in Vergiliana historia affecta, ab eius calumnijs vindicatur. Urgebat quoque supremæ patris voluntati parendi necessitas & religio. Quomodo enim paternum quod denuò redire non potuit arbitrium, sine summo dedecore, à filio negligi potuit? His accedebant importunæ nostrorum hominū efflagitationes, qui quotidianis iisdemq; peracerbis querimonijs, me ad editionē maturādam incitabāt. Inter hos maximæ fuit authoritatis egregius heros Gulielmus Herbertus Penbrochiæ Comes, patriæ nostræ præcipuum eo tempore, & sanè summum ornamentum. Is quidem singulari quadam humanitate contendebat, huius rei curam & procurationem ad se maximè spectare, tam propter

Epistola

argumenti naturam, quàm quòd pater meus cum præcipuè delegerat, qui hoc opus Edvardo sexto Regi tunc rerum potiunt, omnibus optimi Principis ornamentis refertissimo, commendaret, & penes quem esset secūdum Regiam maiestatem totius operis patrocinium & tutela. Quis enim eo tēpore Patronus magis idoneus inueniri potuit, qui ea fuit erga patriam animi propensione, vt eius honorem & dignitatem alacritate maiori nemo tueri vellet, ea quoque apud Regiam maiestatem & aulicos primores gratia, vt id optimè præstare posset. Hæ certè rationes magnopere impellebant, nè diutiùs æditio differretur: & ego his valde commotus, semper de ædendo seriò cogitabam. Et tamen aliquæ semper occasiones, impedimentum inferbant, quæ viuo Penbrochiense, institutum meum interuerterunt & retardarunt. Acerba quidem & luctuosa mihi fuit tanti viri mors, qui patrem meum viuum singulari fauore & beneuolentia prosequabatur, & in cuius ego patrocinio post fatum paternum lubentissimè conquiescebam. Hunc autem moerorem meum augebant, reintegrata nostrorum querelæ, qui me tam diu circa æditionem morosum & cunctabundum fuisse clamabant, vt sublato Penbrochiense, vix vllus idoneus patronus inueniri posset, qui nouum hūc partum susciperet, & à maleuolorum impetitione authoritate sua defenderet. Dum igitur seriò, vt morā meam mihi totiès exprobratā purgarem, de alio Patrono parādo sollicitus agitabam, inter multos qui memorię atq; animo tunc obuersabātur, tu præ ceteris ad hanc rem aptissimus mihi statim occurrebas, sub cuius celebrissimo

Dedicatoria.

berrimo & illustrissimo nomine, hoc opus inuulgaretur. Quis enim aptior in locum Gul. Hereberti Comitis Penbroch. suffici potuit, quàm Gulielmus Cecilus, clarissimus regni Baro, qui præcipuus liberorū ipsius tutor, clientum patronus, & vniuersorum fideicommissarius in vltimis testamentarijs tabulis designatus, & tanquam alter ipse relictus est? Et quemadmodum ille ex antiquissima in Demetica nostra Cambria, Herbertorum familia ortus, generis splendore clarus, auctoritate florens, & opibus abundans, magistratus & honores maximos domi ac militiæ gessit, ita tu quoq; nobilissimæ tuæ stirpis originem ad præclaram Sitfitorum familiam, ex eadem nostra Demetia longissima serie verè defers, & excellentium virtutum tuarum merito & commendatione ad altissima dignitatum & honorum in Repub. fastigia exurrexisti. Inter alios autem quibuscum huius operis euulgandi consilium & propositum communicavi, Gulielmus VVightmannus, pro eo quod mihi cum illo intercessit affinitatis & necessitudinis vinculo (vt est dignitatis tuæ studiosus, & admirator virtutum tuarum maximus) mihi præcipuus fuit hortator, vt non solum hanc prolem paternam, verumetiam me ipsum totum amplitudini tuæ dicarem. A testatoris quidem familia ad eius fiduciarij heredis clientelā, commodam esse commigrationem, & naturæ taciteq; defuncti voluntati maximè consentaneam esse discebat. Tarditatem quoq; meam, quam alij mihi vitio culpæq; vertebant, foeliciter mihi celsisse, quòd ea occasione hoc opus in tuum foelicissimum patrocinium incide-

Epistola

inciderit. Quin mihi etiam ipsi, qui ex causis quas antea commemoravi æditionis fœstinandæ miro quodam ardore semper antea flagrabam, mea tam lenta procrastinatio tantopere placuit, ut benè sperare ceperim, libello nec genium deesse, nec defuturam diurnitatem, propter hanc ipsam causam. In mentem etiam mihi veniebat, supra ea omnia quæ in Penbrochienne erant magna, te esse maximarum artium & disciplinarum ornamentis (quarum is laude penitus carebat) excultum, earumq; subsidio, non solum qui patrociniū, verum etiam qui Iudiciū & censuram suscipias, maximè idoneum iudicari debere. Nam is demum est historiarum censor & Iudex idoneus, qui primò in optimarū artium & disciplinarū studijs versatus est, & postea magnarum rerum usu confirmatus, in consilijs principum, & in gravissimis Reipub. deliberationibus, iudicandi prudentiam comparavit. In quorum albo te principem locū in Republica Britannica tenere, vniuersus (penè dixerim) orbis Christianus testis esse potest. Sæpe etiam animo agitabam, eam esse huius argumenti de quo hic tractat libellus conditionem, eaq; esse hominum hoc tempore ingenia, ut tali patrono carere non posset. Prospiciebam enim, ne in varias reprehensiones & calumnias esset incurrendum, quas in omni memoria, is solus & non alius euitare solet, qui nihil scribit. Multi enim futuri sunt, qui non satis probabunt genus hoc scribendi, in quo tantum aliena scripta, præsertim historica reprehenduntur. Licuit semper in omnibus seculis ubiq; gentium historiarum scriptoribus, ea quæ à
maximi

Dedicatoria.

maximis Regibus & potentissimis Imperijs insolenter, perfidè, crudeliter, aut flagitiosè facta fuerunt, ingenua libertate perstringere. Nec post hominum memoriam, vllus historicus, Legis Corneliae quæ in falsos animaduertit, eo nomine insimulatus est, quòd liberius Nationum & Gentium vitia moresque corruptos descripserit. Quibus equidem lubenter subscribo. Quid enim aliud esset, eam libertatem historicis auferre, quàm vniuersam historiarum scriptionem è medio quodammodo tollere? Nullus vnquam Scriptor in veteribus Brytannis aut in nostris Cambris, ea quæ vituperanda videbãtur, maiori libertate quàm pater meus in hoc suo libello vituperauit. In quo Polydorum etiam ipsum (vt par fuit) veris suis laudibus nequaquàm fraudauit. Ecquis credere potest, si quis Q. Fabium, Scipionè Africanum, aut Paulum Aemilium, vel vnquam vixisse, vel Romanos fuisse in historia negasset, Romanos homines conuiuentes silère voluisse? Cur igitur magis mirum cuiquam videri debet, hominem Brytannum à scribendo non téperasse, quum Polydorus non solùm Arthuro & Brenno, duobus clarissimis Brytanniæ luminibus, verùm etiam vniuersa sua historia Brytanniam spoliauerit? Neque verò huius argumenti tractatio, probatissimorum Scriptorum, quum veterum tum recentium frequentissimis exemplis caret. Herodotus, antiquitate & eloquentia clarissimus Græcorum scriptor, à multis sui temporis historicis, non obscurè tanquam vanitatis & mendatij reus laceratur. Polybius, vir Megalopolitanus, magnæ quidem apud omnes authoritatis historicus, Philarchū

Epistola

acerbè reprehendit, quod in historia sua, res gestas Megalopolitanorū, aut ingrato silentio dissimulauerat, aut trigidè ac parū pro dignitate descripserat. Quid verò Capitolinus, qui non veretur Herodianū, tātī nominis scriptorem erroris coarguere? Quid deniq; Strabo, qui Possidonium notat, quod inanes in historia sua rumores, pro veritate tradiderit? Et vt veteres omittā, Ioannes Sleydanus dictionis puritate & fide præstātissimus scriptor, inter alia refert Paulum Iouium in rebus Germanicis describēdis, animi sui morbum prodere, & omnia (præsertim in negotio religionis) incōperta, falsa, calūniosa, & à veritate lōgissima scripsisse. Alius quoq; nostri tēporis acutus, non tam historicus quàm historiarum censor, verè notauit, res Persarum, Turcharū & Arabum, magna ex parte Iouio ignoratas, diligēter & copiosè scriptas, gesta verò in Italia illi cōperta & cognita, leuiter in eius historia esse tacta. Philippus ipse Comineus, historicorum nostri tēporis antesignanus, ob frequētes digressiones, & immodicas Ludouici Regis laudes, à Ioāne Meiero & Ludouico Viue taxatur. Possem equidem alia ad hanc rem comprobādā infinita antiquitatis & memorię nostrę testimonia proferre, sed ex his paucis facilè cognosci potest, hoc genus scriptiois, à veterum & recentīū consuetudine & vsu non esse alienum. Ad eos nunc venio, qui grauissimis (vt putant) rationū momentis, & authoritatibus ex media antiquitate petitis adducti contendunt, nullum vnquam scriptorum de suis hostibus & ciuibus, seu de suę gentis hominibus aut rebus, idoneè aut verè scribere posse. Eam esse causam quòd multi Romani scripto-

res

Dedicatoria.

res scribant, Carthagenenses hostes pleraque crudeliter, turpiter, aut ignauè administrasse, populum Romanum omnia strenuè, gloriosè, & laudabiliter gessisse. Peregrinos igitur & exteros homines, tãquam ambitione, odio, & affectione carentes, ad historiam cuiusque gentis scribendam maximè idoneos esse iudicandos. Et negari quidem non potest, Thucydidem Atheniensem Lacedemoniorũ, Plutarchum græcum Romanorum, Cornelium Tacitum Romanum Germanorum, Paulum Aemilium Italum Gallorum, Froyfardum Gallum, nostratiũ res gestas, magna cum laude & fide bona scripsisse. Ingenuè quoque fateri oportet, Polydorum ipsum, post Normannorum in hanc Insulam aduentum, ex Commẽtarijs aliorum, & publicorum monumentorum subsidio adiutum, historiam minimè malam conscripsisse. Nimum tamen teneræ & delicatæ sunt eorum aures, qui æquis animis audire non possunt, in veterum Brytannorum originẽ & rebus gestis, illum nullibi esse lapsum, quum præcipua monumenta, quibus eorum origines & antiquæ res gestæ continentur, in lingua Brytannica, quam Polydorus penitus ignorauit, sunt cõscripta. Is de quo antea diximus Plutarchus (Deus bone) quàm solidi iudicij scriptor, quàm reconditę in omni disciplinarũ genere eruditionis, quàm probæ contra Græcorũ consuetudinem in historia fidei, in Romanorũ tamen antiquitatibus aliquãdo posterorũ testimonio lapsus est, quòd Latinam linguã non satis intellexit. Cuius ingenuũ cãdorẽ in hoc omnes admirãtur, quòd ipse in vita Demosthenis illud cõfiteatur. Appianus etiã, quo nemo ciuilia

Epistola

Romanorum bella diligentius aut copiosius scripsit, quum vir fuerit Aegyptius, & Romanam linguam non satis calluerit, in Romanorum antiquitatibus, & ipse aliquando dicitur offendisse. Et quamuis peregrini, aliarum gentium historias, sincere & fideliter aliquando scripserint, non possum hoc in loco Nebrissensis sententiam silentio praeterire, qui existimat satis tuto peregrinis hominibus historiae fidem concedi non debere. Nec ob aliam opinor causam, Ferdinandus, Regum sui temporis prudentissimus, maluit homini grammatico Hispano, quam Angelo Politiano, Hermolao Barbaro, aut Pico Mirandulae, hominibus Italis, tunc eruditione & eloquentia celeberrimis, rerum a se & Elizabetha coniuge gestarum scriptionem committere. Ipse quoque Nebrissensis, qui eam historiam puro quidem sermone, & sincera fide omnium testimonio scripsit, in sua ad Ferdinandum diuinatione liberè profitetur, hominem externum ex animo res alterius gentis scribere non posse: resque Hispanicas non minus Italis ignotas esse, quam Hispanis Italicas, & iuxta vulgatum illud adagium, multo callidiorè esse insipientem domi suae, quam sapientem alienae. Sed esto, peregrinum eam historiae partem expedire posse, quae nostrae, patrum, auorum, aut proauorum memoriae homines describit, aut actiones vel res gestas enumerat, istamen eam questionem in historia feliciter explicare non potest, quae de primo regionum incolatu, aut de vetusta gentis alicuius origine tractat. Tria enim sunt, ut Ioannes Bodinus Iurisconsultus & antiquarius nostri temporis perlebris notauit, quibus Gentium origines haberi, & re-

ad

Dedicatoria.

Atque iudicari possunt. Primum est eius nationis de qua queritur historia, alterum linguae patriae & antiquae consentientia vestigia, tertium in regionis situ & descriptione peritia. An autem in his tribus, Polydoro homine Italo & linguae non solum Brytannicae verumetiam Anglicae ignaro, superior fuerit pater meus, qui gentis suae historiam Brytannicè scriptam, & obsoleta quæque linguae Brytannicae vestigia intellexit & obseruauit, quique in Brytannia natus est, & maiorem eius partem oculis perlustrauit, grauissimæ tuæ & aliorum censuræ, iudicandum relinquo. Et prolixius quàm deceret hinc immorarer, iustosque præfationis terminos transilirem, si libellum istum aduersus omnes morosos censores præmunire conarer: quos quum nemo unquam euitauerit, non est cur ego prærogatiuam postulare debeam. Sed quum te tanquam huius laboris Aristarchum & defensorem delegerim, minimè quidem dubito, si tibi probatus fuerit, quin eum doctissimi & prudentissimi quique facile sint exemplo tuo comprobaturi. Hanc igitur meæ erga celsitudinem tuam obseruantiae & studij significationem publicè exhibitam, pro perpetua illa tua in omnes consuetudine humaniter accipe, proba, & protege, tuique nominis amplitudine & authoritate, omnes reprehensorum impetus retunde. Deus optimus maximus celsitudinem tuam Regiæ maiestati, & vniuersæ Reipublicæ Britannicæ, superstitem & incolumem diutissimè tueatur & seruet. Londini tertio Non.

Martij. 1573.

to the Honorable the Lords of the Council
in Great Britain
I have the honor to acknowledge the
kindness of your Lordships in
presenting me with this
copy of the Report of the
Committee on the
Administration of the
Public Revenue
for the year 1875-76
and to express my sincere
appreciation of the
care and attention
which has been
bestowed upon
the preparation
of this Report
and the
information
which it contains
I am, Sir, very
truly, Sir, your
obedient servant,
John Lubbock

¶ Thomæ Brounei Præbendarij

VVestm. in Historiæ Brytannicæ defensionem ornatissimi & doctissimi viri Ioannis
Prisei Equitis aurati, Cambri
Brytanni.

PRise per ora virum volitat tua fama celebris,
Et tua scripta volant Rise per ora virum.
Stemmata, doctrina, multo illustratus honore,
Vixisti, meritò condecoratus Eques.
Nam patriæ columen, Musisq; columna fuisti,
Sedulus, & nullum tempus inane terens,
Aut pius incumbens rebus ciuilibus æquus
Iudex, aut studijs abditus vsq; tuis.
Hinc inter multos cessarunt iurgia, lites:
Pluribus ast illinc fructus opimus adest.
Historias bellè scripsisti, quando vacaret:
Hoc fecit Cæsar, miles & historicus.
Priseus idem fecit monimenta Brytannica voluens,
Cum licuit, licuit vix tibi Rise satis.
Attamen vt licuit, cunctorum scripta reuoluens,
Annales fecit nec sine laude suos.
Veros & veris dulces gratosq; Brytannis,
De Cambriis verus nil nisi vera docens.
Inuidus & mendax fileat Polydorus, & vrbe
Exulet Urbinas, vt peregrinus eat:
Rise Brytanne veni, Cambriorum vera propago,
Veratuos verax gemma Brytanna doce.
Edvardo illustri Cambro, Regiq; Brytanno,
Nauasti hanc operam, principe digna fuit.

*.iiij.

Sed

Sed tenebris liber hic, cæcaque caligine merfus
Obruitur longo tempore luce carens :
E tenebris tandem spissis Burgleyus equestrem
Euocat, insignis nobilitate, virum.
Illi nempè placent sine fuco Annalia vera,
Verus adumbrato ficta colore premit.
Multis nominibus fauit Burgleyus heros
Prise tibi. Primùm Camber & ipse fuit,
Camber & ipse manet, nec se dolet esse Brytannum,
Hoc licet inuisum sit Polydore tibi.
Doctus, honoratus, rebus ciuilibus instans,
Doctis (quod rarum est) nobilibusq; fauet.
Ergo vade liber, tam claro fulte Patrono,
Vade nec incultus fausta per ora virum.

Ri. Vaughani in Authorem.

Q Vid facis, O Camber? cessas antique Brytanne?
Ardua quin Prisi respicis acta tui?
Priseus infesto Polydori vindicat ore,
Res regni validas (Brute vetuste) tui.
Brenne, Brytanne pugil, tibi quis vincendo secundus?
En Romanorum bis quia victor eras.
Tu cum fratre tuo sparsistis nomina latè,
Italia restant, quæ, monumenta, probant.
Arthur & Heroùm princeps, quem personat orbis,
Prisæi casta, perstrepis historia.
Prise perite vale, spectate domiq; forisq;
Iura sciens, æquè dans ea, scriptor, Eques:
Tu quoq; succedis proles gratissima patri,
Qui nobis patrium nobile tradis opus:
Tu patris & patriæ famam per secula seruas,
Et pius es patri tu, patriæq; pius.

Edwardi Grantæ scholæ Westm.

moderatoris, in Historiæ Brytannicæ defensionem, clarissimi viri, Ioannis Prisei Equitis aurati, carmen encomiasticon.

PRæmia larga vides, pretiosi munera Prisi,
Qui fundit patriæ germina pulchra suæ:
Germina pulchra suæ, turgentia palmitē mentis
Lector habes, gemmis confita chare suis.
Cambrorum decus hic, patriæ lux vnica gentis,
Stemmata magnanimum, dat tibi pulchra ducum:
Stemmata clarus eques, diuinæ Palladis arte
Clarior effectus, scripta vetusta legens.
Scripta vetusta legens, patrios cumulauit honores,
Reclutit laudes (terra Brytannia) tuas.
Gloria, fama, decus, floret, volat, æthera scandit,
Cura, voce, πόνος (cambria clara) suis.
Antiquas renouat laudes, tua prælia pandit,
Nomina vera canit, factaq; clara refert.
Opprobrijs merfam recreat, variaq; repressam
Inuidia reficit, crimina ficta docens.
Afferit è tenebris maiortia facta Brytannum,
Insultans pedibus hîc Polydore tuis.
Prælia vera docet phaleratis obruta fucis
Hic pretiosus eques: omnia vera canens.
Quæ prius antiquo iacuit viduata decore,
Rixosi pugilis perterebrata manu:
Militis egregij florescit munere Prisi
Terra Brytannorum, clara propago virum.
Cuius inextinctas nomen memorabile laudes,
Euehet ad nitidi sydera celsa poli.

Ri. Va.

Quid Polydore putas penitus pepulisse Britannos?
Romanosq; facis Dominos, regesq; perennes?
Scilicet, es Polydore pius, tu tollere rectos
Appetis hæredes, aliosq; inducere falsos.
Dat Deus æqua tibi, pro tanta, præmia, fraude.
Inuisos cineres facit & tibi funera dira.
Hæredesque noui, quos tu formare parasti
Romani, totum ius amittere regendi.
Pelluntur penitus, nihil hîc poriuntur auari.
Tuque operam ac oleum, perdis, Polydore Latine.
Semper in extremis verum patet, in tenebris &
Splendescit: Virtus vulnere crescit enim.
Prise sed occurris Polydoro, corripis illum.
Aequus in oblatam Milo descendis arenam.
Prise, quis ascribet tibi quod meruisse videris?
Lædendi Patriam, Polydoro præripis ausam.
Iste facit Dominos Romanos, Italus, esse:
Tu retines iustè priscum Diadema Brytannum.

Bart. C.

Barth. C.

CV M Polydorus homo fuerit, linguæq; Britannæ
Inscius, humanum, lapsus & error erant.

Quæ tua cùm faciat nobis industria Priscæ
cognita, dum veri certa trophæa notas,
Dignus es innumeras, cui tota Brytannia laudes
attribuat, meritis dona minora tuis.

Fo. M.

SEnferat ardentem diuini numinis iram,
Internis, hosti cesserat, acta malis (tuftas

Gens Brytonū. Noua mox clades: Monumenta, ve-

Barbariesq; premunt. Posteritas fatagit,

Ne prius actarum præclarè gloria rerum,

Gentis in euersæ, nomine fixa foret.

Victi bis pereunt: Scriptorum perfidus error,
arbitrio retulit, parta trophæa tuo.

Præsta operam Priscæ tuam, Populiq; potentis
nomen & à blattis vindicet & tinea.

Collige reliquias Danaūm, dum Iupiter æquus:

Ex Dijs propitios inuenies aliquos.

Aedere ne metuas, validæ præconia gentis,

quæ pia percupidè, progenies relegat.

Virtutiq; suæ, quæ gens confidere possit,

alterius nunquam laudibus inuideat.

11

1. The first part of the book is a general introduction to the subject of the history of the United States, and is divided into three chapters. The first chapter is on the discovery of the continent, the second on the early settlement, and the third on the growth of the Union. The second part of the book is a detailed history of the United States, from the discovery of the continent to the present time. It is divided into five volumes, each covering a different period of the country's history. The first volume covers the period from the discovery of the continent to the end of the eighteenth century. The second volume covers the period from the beginning of the nineteenth century to the end of the Civil War. The third volume covers the period from the end of the Civil War to the end of the nineteenth century. The fourth volume covers the period from the beginning of the twentieth century to the present time. The fifth volume is a general summary of the history of the United States.

245

[The page contains faint, illegible text, likely bleed-through from the reverse side.]

PRÆPOTENTI ET
OMNIBVS MODIS ORNATIS-
simo viro D. Gulielmo Penbrochiæ
Comiti, Domino Hereberto Cartaphæ,
honorandi ordinis quem vocant Gar-
therij, Equiti Aurato, apud Regiã ma-
iestatem rei equestris præfecto, atque
ab intimis eiusdem consilijs, Dominoq;
Presidenti consilij ipsius regiæ celsitu-
dinis in finibus Walliæ, Ioãnes Priseus
miles Brytannus, S. P. D.



TSI diu quidem ingēs
me spes fouebat (Vir or-
natissime) Polydorum
Vergilium ab ædita hi-
storia sua, quam gentis
Anglorum inscribit, nō-
nulla quæ ab eiusdē ædi-
tione, doctorum virorum
partim sermonibus, par-
tim scriptis editis, aliter se
habere, quàm ipse in hi-
storia huiusmodi prodi-
disset, comperit, ingenuè correcturum: Nunc verò,
postquàm id se quàm minimè facturum esse multis ar-

***j.

gumentis

Epistola ad

gumentis ostendit, ne prorsus defensionis inopia, tantoque & tam diuturno omnium silentio veritati ipsi praiudicium aliquod generetur, dubiaque pro confectis, & vana pro veris impofterum habeantur, Polydorum ipsum de nonnullis rebus aliter ab eo prodiis, quam se reuera (mea quidem sententia) habuerint, paucis admonere statui. Quo vel ipse met huiusce de rebus admonitus, si qua in hac qualicumque lucubratione nostra non omnino indigna obseruatu videbuntur, ingenuè ob veritatis amorem, & historiae fidem, quæ apud omnes sacrosancta esse debet, obuijs vt aiunt vlnis recipiat, atque agnoscat, vel si id recusauerit, illud saltem alij rerum æqui estimatores dijudicare possint, aliquam ne animaduersionem iure mereantur, quæ in eius historia obseruauerim. Fateor equidem me prorsus infantem, & vsque adeò ingenio & eloquentia vacuum, vt hæc de quibus differturus sum, nullo prorsus verborum lenocinio cuiquam persuadere me sperem, nisi nuda veritas ipsa, cuius vis tanta est, vt vel inuitos ad se trahat, patrocinari videatur. At non hic agitur de verborum sed de rerum controuersia, qua in re veritas non eloquentia requiritur. Porro non sum nefcius, quam delicatæ hac tempestate sint hominum aures, vt nihil arrideat, nisi quod eloquio vsque quaque politum & nitidum sit, plusque ferè laborent in sermonis ornatu, quam in rerum ipsarum consideratione, quorum vt iudicium ceu preposterum non probo, sic & eos qui sermonis nitorem cum rerum grauitate coniungunt, maximopere suspicio atque admiror. Verum non cuius homini (vt est in prouerbio) contingit

Comitem Penbroch.

tingit adire Corinthum, neque vitæ nostræ ratio, quæ negotiorum vndis semper à puero agitata est, id concessit, ut utrumque præstare possemus. Alterum saltem præstare conabimur, nempe rei veritatem atque fidem, non tam nostro, ut verum fatear, genio indulgentes, quàm aliorum complurium flagitationibus (tantum non improbis) deuicti, qui nobis aliquam in rebus Britannicis & earum antiquitatibus notitiam tribuere videbantur, & res tam celebres, tamque perpetuò decantatas, in controuersiam nunc demùm deduci molestè ferebant. Cæterùm, quòd ista latinè utcumque præstamus, & non alio, puta Anglico sermone, quo magis exercitati simus, in causa fuit Latinorum scriptorum turba, ex quibus hac in parte, nonnulla mihi citanda sunt, quæ parum appositè Anglicano contextui interseruntur. Tanta quoque harum linguarum diuersitas est, ut illarum planè ridicula foret coniunctio, perinde ac centonum qui varijs tincti coloribus consuuntur. Neque latinè scribenti loquentiue, responsum peregrino sermone adere còueniret. Cùmque ex nostratibus perpaucos nouerim hac potissimùm tēpestare, qui latinè vel modicè callentes, in rebus Brytānicis simulque prisca Brytānorum lingua aliquatenus exercitati, ad hanc subeundam prouinciam idonei viderentur, etsi in alterutra lingua quamplurimos præstantes agnosco, qui ex hoc nostro commentariolo utcumq; admoniti, rem posthac luculentiùs explicare, ornare atque illustrare possint, mihi tandem hoc verì tuendi munus non tam sermonis eloquio, quàm rei æquitate freto, aggredi visum est. Cùmque tua prudentia potissimùm

Epistola ad


communicare, cui in vtraq; lingua doctos consulere in-
prono est. Ac si quid in altera, nempe Brytannica à me
minus recte assertum sit, facile tuo ipsius iudicio de-
prehendere atq; rejicere licet. Tum vt si qua ad veri-
tatis examen, ex hac mea qualicumq; lucubratione
eruta sint, sub tuæ dignitatis clipeo, ab æmulorum
morsibus & calumpnijs protegantur. Nullum quidem
aduersus iustas verasque reprehensiones, si quibus
occasionem aliquam hac in parte dederim, vt dedisse
tam possibile est, quàm me æque hominem esse atq;
alium quenquam, patrocinium expeto. Liberam de
veritate disceptationem citra partium studia duntaxat
requiro. Neque mihi quaqua uersum circumspicienti,
cui potissimum huius nostræ lucubrationis censu-
ram deferrem, alius quisquam magis idoneus occur-
rebat, quàm tua prudentia, quàm & Brytannicæ lin-
guæ non ignaram, & in rebus dijudicandis sagacissi-
mam esse scio: Nec magis appositus per quem hoc
quale quale est opellæ Regiæ maiestati cōmendaretur,
quàm tua nobilitas, quā & ipsius celsitudini omnibus
modis charissimam, & ex priscis Brytannorum He-
roibus nempe illustrissima Hereberti familia ortam
atq; progeneratam esse exploratum habeam. Ex qua qui-
dem domo, multò plus decoris & nobilitatis omne
Brytannorum genus accepisse, quàm vicissim contu-
lisse fateor. Vtpotè quæ extinctam propè Gentis illius
gloriam veluti ab inferis reuocauit & illustrem reddi-
dit. Verùm & ipsi quidem domui quātumuis illustri,
plus ipse decoris & ornamenti contulisse videris,
quàm accepisse, vtpote qui eam iam per se satis præ-
claram

Comitem Penbroch.

claram multò præclariorem illustrioremq; tua singulari virtute & magnanimitate reddideris. Namq; ad generis claritatem, animi dotes omnes, virtutemq; ipsam omnibus modis absolutam addidisti, adeò prudentiam cum fortitudine coniunctam, modestiamque cum iustitia ita temperatam habes, vt prudentior an fortior, temperantior nè an Iustior censendus sis, haud facile sit dijudicare. Id quod proximis vulgi nostratis perturbationibus insanissimis perspicuum reddidisti, quibus ad extrema, non nisi tentatis prius omnibus, quæ ad summam lenitatem spectarent rationibus, aduersus miseram plebem, sed iniquissimi cœpti mirè pertinacem, progredi voluisti, nec diutius iustitiæ fortitudinisq; seueritatem in miseros homunciones proferre, quàm & summa Reipublicæ necessitas, & Regiæ maiestatis securitas exposceret. Atq; multò prius tua lenitas à sumenda de illis poena, quàm ipsi de promerenda cessare voluit. Sed ne tuæ modestiæ (quam huiusmodi esse scio, quæ laudanda potius facere quàm audire malit) sim molestior, hanc nostram opellulam, etsi omnino rudem & incomptam, æqui boniq; confulas rogo. Eamq; licet omnino rudem, apud Regiam maiestatem tanti, pro asserenda veteris historiæ fide, quanti comptam illam Polydori inuectiuam in abolenda vetustatis memoria, valere procures. Ostenderem enim quàm minimè expediret tot Monarchas huius Insulæ, tot ab hijs terras hinc inde acquisitas, absque aliqua saltem probabili causa suppressi, nisi inde viderer, summorum virorum studia & affectus mihi ad partes meas fouendas plus iusto captare. Sed

Epist. ad Com. Penbroch.

hijis omisissis, ad ipsius rei institutæ disceptationem progrediamur. Hoc vnum à candidis Lectoribus exortum cupientes, vt ne contemptui quid habeant, quod hîc vel ex parum Latinis scriptoribus, vel ex Brytannico idiomate interferitur. Memores, quod non de Romanis rebus regnoque Latino, sed de Brytannico nunc agitur, quod non æquè à Romanis, atque ab huius terræ indigenis, etsi sermone barbaris tenetur atque recolitur.



*AD ILLVSTRIS-
SIMUM Iuxta ac POTENTIS-
simum Principem Angliæ, Franciæ, &
Hiberniæ Regem, fidei defensorem, &
in terris Ecclesiæ Anglicanæ & Hiber-
nicæ supremum sub Christo caput, Edo-
uardum eius nominis sextum, in Hislo-
riæ Brytannicæ defensionem, Joannis
Prisei militis Brytanni Prefatio.*



E C T E quidem in mo-
re apud literatos omnes
(mea sententia) positum
est (Rex inuictissime) vt
vbi quis quicquam in re
literaria recens vel antea
inauditum in lucē ædi-
derit, si quid in eo vitij
aut erroris inesse videbi-
tur, id vt alij quàm pri-
mum excutiant, truti-
nent, ac mox vt vitio-

sum aliquid deprehenderint, in publicum prodant &
deregant, alioquì scripturiētes multatemerè effutirent,
nulla ratione habita quid scripturi ædituriūe sint.

Quod

Præfatio.

Quod, si in quouis doctrinæ genere non est reprobandum, in rerum gestarum monumentis tractandis, historiaque maximè laudabile est. Si enim liberum esset cuiuis, coniecturis duntaxat leuibus innixo, & post multos annorum cētenarios à re gesta collectis, & veterum monumenta suggillare, & nouam historiam ex suo (vt aiunt) cerebro excogitare, reiectis antiquioribus, qui vel suis temporibus res gestas, vtpotè oculati testes, vel paulò ante adhuc recenti hominum memoria vigentes, partim patrio partim exotico sermone scriptis commendarunt, historia (quæ antiquitatis omnis penu meritò censetur) in apertum discrimen vocaretur, vt fidei, qua maximè colitur, funditus iacturam faceret. Hijs itaque quantumuis sermone impolitis, multò tutius fidendum arbitror, nempè qui, si non res gestas, rerum tamen ipsarum adhuc vigentium monumenta, Regumque diplomata, pacta, conuenta, literas, & chyrographa, quibus rerum series explicatur, viderint, aut saltè ex eorum qui ea viderunt fide digna relatione acceperint, quàm illis, qui post monumenta ipsa, aut rerum perturbationibus absumpta, aut temporis omnia exhaurientis vi exesa, de rebus longè ante sui vel cuiusquam æqualium memoriam exactis, incerta tantùm coniectura rerum perpusillarum apicibus, & forsan, nunc vt sunt res, haud facilè credilibus adducti, historiam quantumuis ornato nitidoque sermone concinnent. Multò sanè minorem fidem ei tribuendam censeo, qui non olùm suam præ cæteris historiam in precio haberi velit, verumetiam nullam omnino ex antiquissima huius Insulæ historia efficere studeat,

Præfatio.

studeat, imò mille & amplius annorum curricula quibus hîc imperatum est, perpetuis tenebris & obliuione sepelire conetur. Quod utique Polydorum Vergilium pro virili sategisse in sua, qua res Brytannicas illustrare præ se tulit, historia, quum Romanas reuera victorias atque trophea hac in Insula (homo videlicet Italus) potissimum extulerit, hoc opusculo (Princeps illustrissime) palàm facere institui. Quingentorum porrò aut eo amplius annorum res gestas, terræ huius incolis vtcumque concedit, etsi per ea quoque tempora magna pars gloriæ ipsis deceditur, & Dacis atque Normannis vt plurimum cedit. Quingentos anteriores integros, Romanis plena (vt aiunt) manu tribuit, cæteros qui præcessere millenos & eo plures annos, quibus à Brytannis hîc imperatum est, perpetuis tenebris obruere conatur. Historiam enim omnem quæ per ea tempora res gestas commemorat, vt vanam atque fictitiâ reijcit, & quod ex ea suæ historiæ interserit (quod nimirum facere subinde cogitur, ne dum res Romanas contexere studet, nimis hiulca videatur narratio, si tantum ea quæ Romani authores de rebus Brytannicis scripsere recenseret) id omne vt ridiculum contemptum memorare videtur. Atque eadem omnia reijcienda esse censet, quæcumque apud Romanos authores non leguntur, quasi nihil potius laborarint Romani scriptores, quàm vt omnes omnium gentium annales atque res gestas perinde atque suas excuterent atque illustrarent, quod vt maxime studuerint (id quod non videtur, quia non perpe-

Præfatio.

tuo rerum ordine, sed carptim & subsultoriè de rebus Brytannicis scriplère) multa tamen eos effugere tam procul disitos oportuit: Neque vllò modo credendum arbitror, nihil fide dignum apud reliquos mortales vel de suis vel de aliorum rebus gestis repperiri posse (id enim periniquum fuerit de reliquis gentibus iudicium) si tam barbaræ, tamque stupidæ censerentur omnes, vt nihil vsquam memorabile de suis, aliquo literarum monumento, vel sua, vel aliena lingua commèdatum habere credantur. Atque vt id tandem de aliquibus gentibus existimari possit, vtpotè quæ sedibus suis iamdudum pulsæ, & patriam & linguam vnà cum suis monumentis penitus amittere potuerint, non itidem de Brytannis adeò temerè censendum est, qui vel Romanis ipsis testibus, multos annorum centenarios ante Iulij Cæsaris tempora hinc floruisse dinoscuntur. Quandoquidem hos in Insula natos idem Cæsar refert, adeò vt Aborigines esse credantur, neque vllò vnquam tempore, aut Insula penitus pulsi, aut prorsus exinaniti sunt, quamuis maximas sæpè clades, dispersionemque variam & multiplicem, pars videlicet in Gallias, pars in Italiam, Græciamque Ducibus partim suis, partim Romanis perpepsi fuerint. Præterea eiusmodi hij sunt, qui & linguam suam Brytannicam syncerè, absque alicuius alterius admixtione, aut insigni aliqua immutatione in hæc tempora retinent, & libros habent in eadem tum prosa tum rithmo elegantissimè scriptos, quibus antiquitatis vestigia etiam nunc conseruantur & retinentur.

Atque

Præfatio.

Atque id demùm est, quod ijs ipsis fretus, potissimùm defensionem historiæ Brytannicæ (Brytannorum omnium decus & ornamentum) iam aggredior. Eoque lubentius, quod tua maiestas Regia, non solum ex illustrissimorum Angliæ & Franciæ Regum familijs, sed etiam ex antiquissimis, iuxta ac præclarissimis Regum Brytannorum stemmatibus, veluti ex varijs fontibus in vnum flumen pulcherrimum corriuantibus ortum trahat. Vnde id demùm effectum est vt omnium huius terræ incolarum de Principe ex sua cuiusque gente regioque stemmate habendo, expectationi votoque abundè satis sit factum. Id quod diuinitus nobis contigisse certum est, quo omnes denique controuersia, quæ antehac in Regia stirpe nimis peruiaces & diuturnæ fuere, penitus sopirentur & conticescerent. Nam vt querant Angli sibi Regem ex eorum prosapia, habent omni ex parte nobilissimum, siue Lancastriæ domum spectent, siue Eboracensem, siue Clarentiæ. Vt verò Franci sibi Regem de sua stirpe prognatum desiderent, habent iustissimum, siue successionem currenti naturalem, siue acquisitionem ex iure gentium æquissimam, tum armis, tum populi consensu factam: Vt denique veteres Brytanni Regem expetant è suis antiquis Principibus ortum, habent eundem & maxime legitimum & naturalem. Nam hoc verissimum quidem est (nescio quo fato) at sanè optimo necesse sit, quòd tua celsitudo ab vltimo Principe Brytannorum Venedotorum, qui Ludouicus dicebatur, ter per lineam principatus de Aberfrao (sic enim Septentrio-

Præfatio.

nalis VVallæ principatus dicebatur) deinde à Theodoro cognomento Magno, principe Demetarum, qui Australes Brytanni nunc dicuntur, per lineam Principatus Dineuoriæ quater, & à Meriadoto Principe Povvisiæ per lineam principatus Mathrauaeli bis, originem nobilissimam traxerit, atque horum præclara stemmata primùm in Roderico cognomento Magno, totius Cambriæ (quam nunc VValliam vocant) Principe, & paulò ante ipsum in Cadvvaladero ultimo Rege antiquorum Brytonum & totius Insulæ Monarcha connectuntur. Cuius stemma in tricenos retro Reges Brytanniæ recurrit. Quæ quidem omnia quum ex Brytannicis monumentis sint apertissima, æquo certe animo ferre non potui, ut ea nullius fidei esse credantur. Nec est quod imposterum Brytanni nostri à Bardorum suorum (sic enim suos Vates ut Lucanus olim, etiam nunc vulgò appellant) vaticinijs pendeant. Habent quod votis omnibus expetebant, Regem nempe ex suo non dico sanguine, imò illustrissimo Regum & Principum suorum stemmate prognatum. Vnde quendam nostratum Poëtarum carmine non ineleganter iam olim cecinisse memini, in hanc videlicet sententiam, quòd ex quo focus è laribus Regis Cadvvaladeri sopit⁹ est, orta fuerit scintilla ex Insula Môna, quæ ut Vergilius habet, sopitos suscitât ignes. Hinc est (Rex potentissime) quòd defensionem Brytanniæ antiquitatis tuæ Maiestati dicendam statui, non eò tamen, ut si quid à me fecus ac veritas ipsa patitur, dictū fuerit, patrociniū aliquod errori meo tuæ summæ

Maie.

Præfatio.

Maiestatis prætextu mihi comparem, verùm ut pro eodem Tribunali, historiæ Brytannicæ dicta sit causa atque defensa, apud quam prius traducta atque impugnata fuit. Hoc est, sicuti apud regiam tui parentis illustrissimi maiestatem à Polydoro Vergilio in crimen adducta est, ita & apud ipsius filij illustrissimi æqualem maiestatem defendatur, fateor equidem sub imparibus patronis causam agi. Nullo enim modo me eloquentiæ viribus, dicendiue arte parem Vergilio cenfeo, aut satis idoneum, qui istius rei defensionem aduersus tam facundum criminatorem suscipiam. Spero tamen non tam inferiorem patrociniò, quàm causa superiorem quæ rea peragitur, historiæ euasuram, si de rebus quidem ipsis non autem verborum lenociniò ratio potissimum habeatur. Egrè quidem ferebam, causam tam æquam atque honestam, omnium prorsus destitui patrociniò. Cùm igitur ex nostratibus, qui res saltem Brytannicas teneret, viderem neminem qui in hanc arenam prodiret, perspiceremque antiquitatum nostratium monumenta magis magisque obsolescere obliterarique, in Brytannorum ipse lingua prisca & antiquitatibus iam inde à puero exercitatus, materiam saltèm aliquam ex hijs quæ hætenus extant monumentis, subministratam volui. Ut alij forsàn sermone ornatiores veritatis athletæ, hanc provinciam in se suscipere volentes, rem posthac nitidiori orationis filo contexant, ornent atque illustrent. Humillimè interim tuam maiestatem sacratissimam obsecrans atque obtestans, ut hanc qualemcumque fa-

Præfatio.

multi tui deuotissimi opellam atque studium, boni consulat, lætaque fronte suscipiat, maiora atque meliora utique præstituri, si facultates viresque suppetere, quam quidem non ex rei præstantia, verum ex animi promptitudine (quæ summa est) tuæ maiestati quomodocumque gratificandi, regio quidem animo, tuam celsitudinem expensuram confido, quam orbi Brytannico diu fœlicem atque incolumem tueatur altissimus.

Errata in hoc opere.

- Pagina 8. linea 28. pro siquidem, lege siquidem.
pag. 17. lin. 9. pro suscipiendæ, lege suspiciendæ.
pag. 34. lin. 4. pro nomen claturam lege nomenclaturam.
pag. 35. lin. 18. pro Pollini, lege Pollionis.
pag. 53. lin. 30. pro morum, lege moram.
pag. 64. lin. 12. pro deseruisse, lege disseruisse.
pag. 117. lin. 2. pro quadrigentos, lege quadringentos.
pag. 120. lin. 26. pro byr, lege byrr.
pag. 145. lin. 1. pro cisca, lege circa.

Authores in hoc opere citati.

| | |
|--------------------------|------------------------|
| Aeneas Siluius. | Iustinus. |
| Aluredus. | Iulius Solinus. |
| Antonini Itinerarium. | Ioannes Auellanus. |
| Ammianus Marcellinus. | Iosephus Poëta Brytan. |
| Baptista Egnatius. | Leylandus. |
| Beda. | Ludouicus Viues. |
| Cæsar. | Lucanus. |
| Chayvcerus. | Marsilius Ficinus. |
| Chronica Meneuēs. Eccl. | Martialis. |
| Chron. Lādauiensis Eccl. | Merlinus Ambrosius. |
| Chron. Cātuar. Ecclesiæ. | Merlinus Siluester. |
| Cornelius Tacitus. | Neuburgus. |
| Chron. Glasconiēs. Eccl. | Paulus Diaconus. |
| Chro. Maridu. Cœnobij. | Perrottus. |
| Dionysius Halycarnass. | Plinius. |
| Eliottus. | Polydorus Virgilius. |
| Erasmus. | Polybius. |
| Eusebius. | Pollio Asinius. |
| Eutropius. | Pomponius Mela. |
| Flavius Vopiscus. | Ptolomeus. |
| Gaufredus Monomutēs. | Pomponius Lætus. |
| Geruasius Mon. Cātuar. | Quintilianus. |
| Giraldus Cambrensis. | Radulphus Cestrensis. |
| Gildas. | Strabo. |
| Henricus Huntingdonēs. | Suetonius. |
| Houedenus. | Titus Liuius. |
| Herodianus. | Thaliesinus. |
| Ioannes Saxo. | Trogus Pompeius. |
| Ioannes Anglicus. | V Villielmus Malmesbu- |
| Ioannes de S. Albano. | riensis. |

Autbores in hoc opere citati.

| | |
|------------------------|------------------------|
| Julius Solinus. | Aeneas Silvius. |
| Joannes Boccaccio. | Aluacius. |
| Josephus Flavius. | Ammonius Interpres. |
| Isidorus Hispalensis. | Ammonius Marcellinus. |
| Isidorus Viterbiensis. | Baptista Erythraeus. |
| Isidorus. | Isid. |
| Martinus Friccius. | Cesar. |
| Martinus. | Chrysostomus. |
| Martinus Ambrosius. | Chronica Marcelli Ecl. |
| Martinus Silius. | Chron. Ecl. |
| Nequius. | Chron. Ecl. |
| Paulus Diaconus. | Chron. Ecl. |
| Petrus. | Chron. Ecl. |
| Polydorus Virgilius. | Chron. Ecl. |
| Polydorus. | Chron. Ecl. |
| Pollio Aemilius. | Chron. Ecl. |
| Pomponius Mela. | Chron. Ecl. |
| Pomponius. | Chron. Ecl. |
| Pomponius Tullius. | Chron. Ecl. |
| Quintilianus. | Chron. Ecl. |
| Radulphus Celsus. | Chron. Ecl. |
| Strabo. | Chron. Ecl. |
| Suetonius. | Chron. Ecl. |
| Titus Livius. | Chron. Ecl. |
| Thalysius. | Chron. Ecl. |
| Trogus Pompeius. | Chron. Ecl. |
| Vitellius Maimonides. | Chron. Ecl. |
| | Chron. Ecl. |

Quod Britannia rerum in ea gestarum monumentis nullo

vnquam tempore à primo eius incolatu
caruisse videatur.



T H A E C I N S V-
la Britānia, Albion quo-
que ab antiquis dicta, &
regum illustrium virtu-
te & rei militaris gloria
à posterioribus tempori-
bus claruisse cognosci-
tur, atque ob id toto ter-
rarum orbe, maxima ve-
neratiōe summisq; præ-
conijs multis retro an-
nis celebrata est: Ita & o-

lim non minus credibile est, & si id literis nusquam
proditum fuisset, eam pari semper honore atq; rerum
gestarum gloria iam inde ab initio celebrem & fami-
geratā fuisse: Nec ipsam aut Regibus, Ducibusq; præ-
clarissimis, aut rei militaris gloria vllō vnquam tem-
pore ex quo primū inhabitata est caruisse. Quan-
doquidem & cœli tēperiem & locorum naturas mul-
tum ad parandam animi virtutem, corporisq; vale-
tudinem tuendam conferre à doctis memoratum est.

Qua quidē in re hæc Insula tam cœli quam soli tem-
perie nulli cedit. Quare eorum iniqua iudicia satis
admirari non possum, qui tametsi id constanti & diu-

A.

turna

2 **Historiæ Brytannicæ**

turna rerum fama, & probatis authoribus abundè testatum sit, tam præclaros & excellentes viros in hac Insula floruisse non credant, quales vetusti gentis nostræ Annales nobis depingunt, partim hoc innixi argumēto, quod à Romanis authoribus silentio prætereantur, partim eo quod nulla credant apud Brytānos extare monumēta, quibus huiusmodi Annalium fides innitatur & fulciatur. Cæterum quàm leue sit utrumque illud quod in hoc affertur, facile est perspectu. Quis enim ignorat Romanos scriptores in hoc potissimum incubuisse, ut suorum res gestas potissimum illustrarent: aliorum verò non nisi carptim atq; subsultim nulla perpetuæ historiæ deductione tantummodo perstrinxisse. Ut igitur in rebus quas potissimum tractare profitentur, scriptoribus Romanis quantamcunque poposcerint fides sit adhibenda, de aliorum tamen rebus verba facientibus non æque, cum & eas longinqua atque incerta ut plurimum relatione acceperint, & acceptas leui pede pertransierint, ad suorum res gestas commemorandas properantes, etsi (quod vix credibile est) nihil in suorum gratiam homines non tam opum quam laudis aurari cōfinxerint. Vtri enim maior est in reb⁹ Iudaicis enarrādis fides adhibēda, Corn. ne Tacito authori Romano, qui de Iudeorū origine & incremēto obiter sed perperā scripsit, an Moy si Iudeorum historico simplicissimo quidem illi de sua ipsius gente scribenti? Quod si Tacitus tam locuples alioqui inter Romanos author, tam illustris & notæ gentis originem & progressus vsq; adeo ignoravit, ut de ipsis vanissima prodiderit, Ecquid mirum est

est si Romani authores, Brytānorum (gentis videlicet ab initio nō adeo notē) exordia & progressus ex parte saltem aliqua ignorauerint? Quod vero putant nulla extare inter Brytannos antiqua monumenta, quæ historiæ vulgæ astipulētur, in hoc maxime falluntur. Nam etsi fateri necesse est, artium quas vocāt Libera-
 lium, & reliquarum sciētiarum literarūmq; ipsarū quibus in hac orbis parte utimur adinuētiōes ē Græ-
 cia primū in reliquas gentes presertim occiduas flu-
 xisse, atque à Romanis potissimū post Græcos cultas
 fuisse, non tamen reliquas gentes & presertim Brytā-
 nicam vel nunc monumētis literarum carere, aut vllō
 vnquam tēpore ex quo Insulam hāc adierint, caruisse
 existimandum est. Nec posterius quicquam Romanis
 ipsis (si nō tēporius) literarum vsum accepisse. Quod
 partim ex Romanis authoribus ipsis, partim alijs satis
 probabilibus argumentis planum facere est in prōptu.
 Cæsar enim antiquissimus ex Romanis author, qui de
 Brytannis mentionem fecerūt, asserit Druydum disci-
 plinam in Brytannia primò repertam, atque inde in
 Gallias trāslatam, quam quidem disciplinam non (in-
 quit) fas erat literis mandare, quum ad priuatas publi-
 cāsque rationes literis Græcis vterētur. Plinius item scri-
 bit, Magiam vel suis temporibus tam attonitè in Bry-
 tania celebratam, tantisque ceremonijs, vt dedisse eam
 Persis videri possent. Hinc liquet quod Brytannis lon-
 gè ante Cæsaris tempora non defuerit literarum sub-
 sidiū, quibus suas res gestas posteritati trāsmittere pos-
 sent. Neq; literarū inuētū à Romanis, sed poti⁹ à Græ-
 cis, à quibus & Romani ipsi Brytānos mutuatos esse.

Cæsar. lib. 6. com. 1.

Plin. prohe. li. 3. 304.
Natur. histor.

A. ij.

Nam

T. Livius.

Nam si à Romanis eas accepissent, non utique Græcis, sed Romanis literis tempore Cæsaris vñ fuissent. Atque ideo apud nostros, vel æque maturè vel etiam maturius quam apud Romanos ipsos, vñ literarum extitisse verisimile est. Presertim cum T. Livius scribat, quod ante urbem Romam à Gallis captam rarus esset literarum vñ apud Romanos: Vnde fieret ut ipsorum origines perquam obscurè ad posteros transferint. Hæc ille. Quod si ne suam ipsorum originem Romani ipsi certo calluerint, quid mirum si non tam certa de aliarum gentium originibus & incrementis tradere potuerunt? Atque ut græcis literis quondam vñ fuisse Brytānos credam, & hoc plurimū memoret, quod licet latinis characteribus utatur nunc Brytāni (quod Romanorum aduentu in vñ deduci potuit, qui vna cum imperio suas literas victis populis obtrusisse credendi sunt) totidem tamen numero & eodem sono habēt quot Græci: viginti enim quatuor literas habēt nunc Brytāni, & si olim duodeviginti erāt contenti: cæteras addiderunt postea. Nec plures initio apud Græcos fuisse literas lego. Vocales habebant olim sex, iam dudum septimam addiderunt, nempe duplicem v. Consonantes etiam habent quas in semivocales & mutas dispescunt, & has rursus in tenues, medias, & aspiratas: quæ aliæ in alias in nominum & verborum flexionibus transeunt, idque Græcorum in morem. Quamplurima etiam cum Græcis ipsis communia vocabula retinent. Id quod Giraldus Cambrensis libro quem (ὁδὸς καὶ ἀσπίς) sive Itinerarium inscripsit, longè antehac observavit. Quæ quidem omnia & literis iam
inde

inde ab initio Brytannos fuisse vsos, & à Græciæ ora originem traxisse documento esse possunt. Ad hæc, tam certam & constantem scribendi rationem & orthographiam tenent, vt hac quidem in parte vix Græcis cedant aut Latinis: Cuiusmodi in alijs linguis vulgaribus nō facile est videre. In Anglica & Gallica lingua, quis nescit orthographiam pro scribētium multitudine aliam videlicet ab alia differre, nec nō plerāsq; literas partim alio quam debeant sono enunciari, partim nullum quidem in vsum scribi, quum non pronuncientur. Quæ scribendi inconstantia, vt vitiosam scribendi rationem prodit, sic & inuariabilis & constās ratio inter Brytannos Cambrenses rectam orthographiam ostendit. Quod ipse olim in vtraq; lingua Brytannica videlicet & Anglica luculento experimēto rogatu virorum aliquot illustrium, qui linguam Brytannicam scribi posse dubitabant, manifestum vel ipsismet Iudicibus reddidi. Hoc prius concesso, quod vtra lingua constantius & vniformius scriberetur, ea absolutiorē teneret orthographiam. Iussis enim quatuor Anglice scribēdi peritissimis (erant illi quidem ferè omnes tum ab epistolis Regiæ maiestati, qui vt tum spem de se amplissimam prebebant, ita postea dignis honoribus insigniti sunt) in varias partes secedere, & perbreuem admodum sententiam, me dictante Anglice excipere, id postquam fecere & vna contulerunt, nulli eorum prorsus cum alio per tres aut quatuor dictiones integras vsque quaque conuenit, quin in singulis penè dictionibus aut plures aut pauciores, aut alias quam alius literas vsurparet. Quod vtiq; vitij in Anglica scribendi ratione, tum pri-

mum se obseruasse ingenuè agnouerūt. At id in vetu-
 sta Brytannica minimè fieri, si vel decē scriptores mo-
 do linguę eius scribendę periti in diuersa segregati, quā-
 tumuis longam orationem exciperent, me probaturū
 obtuli. Nec mirum si Brytannicę expertes tam certam
 scribendi rationem & orthographiam in lingua tam
 rudi & tam parum estimata minimè arbitrentur, cum
 paucissimi nostratium alioqui docti suam linguā scri-
 bere aut legere norint, quod hinc fit, quia peculiarem
 exigit scribendi rationem, longęq; aliter pleręque apud
 eos sonantur literę, quàm ab huius ætatis etiam latinę
 sciolis vulgariter pronūtiantur, tametsi ppius illi ad ve-
 terum pronūtiationem accedere, mea quidem senten-
 tia videntur. Id quod ex Quintiliano & Erasmo, do-
 ctisq; alijs, qui ea de re disceptarunt colligere licet.
 Nempe c, & g, vt κ & γ apud Gręcos perpetuò ab illis
 pronuntiantur, non autem vt solent nunc vulgò cum
 e, veli, illis subiungitur. E i & o vocales similiter vt à
 Gręcis quidem semper, & à Latinis quoque nunc vi-
 delicet doctioribus efferuntur. u, vocalis vt in hac di-
 ctione (nunc) profertur, quamuis aliquando affini
 sono cum (ὑψιλῶ) eam sonant, quod eandem fuisse
 olim cum (ὑψιλῶ) probabili est argumento. d, verò
 plerumque vt (δελτα) apud Gręcos solet, pronuntia-
 runt veteres, tametsi recentiores duplici dd, cum sic
 enuntiantur nunc scribunt. Aspirationibus insuper
 abundant, atque id Gręcorum exemplo, adeò vt nulla
 penè consonans sit quin aspiratam recipiat. Nam & l,
 & r, cum aspirata semper in initio dictionum con-
 iungunt, quas duplas ideo scribunt, & id quoad r, cum
 ipsis

ipsis Græcis conuenit: nulla etenim dictio apud alterutros ab r, incipit, quæ non aspirata similiter pronuntietur. L, verò cum aspirata propria est huius idiotismi. Grammaticam insuper habent sanè pro linguæ huius ratione exactissimam, qua & literarum potestates, syllabarum tonos & quantitates, dipthongorum discrimina, verborumque emendatam structuram accuratè satis tradunt, tamque bene ordinata methodo, ut meliori (mea quidem sententia) non possit. Atque ut in hac exercitarentur, gymnasia habebant olim publica, quo patrij sermonis & precipuè carminum componendorum studiosi vndique discèdi gratia, presertim statis temporibus confluebant, & in hæc pene posteriora tempora huiusmodi perdurarunt, ubi & gradus scholastici ad alendam maiorem in huiusce modi studio alacritatem pro cuiusque profectu conferebatur. Deinde carminum compositionem tam attente semper coluere Brytanni, ut nullam putem gentem aliam, vel toto orbe reperiri, quæ tam varios & multiplices metri modos teneant, & qui his struendis excellent, inter eos Bardos appellat, more veterum, ex quibus quamplurimos spiritu quodam venturi præscio afflatos credidit antiquitas: Nec ea prorsus extincta est adhuc superstitio, unde in futuris prædicendis sibi plus cæteris gentibus adhuc curiosa gens, vana quidem spe arrogat. Atque id ex gentilitate, barbaricæque superstitione, quam ante Christianam fidem inter eos viguisse constat, ortum habuisse videtur, teste Lucano in hunc modum loquente:

De Bardis.

Vos

Lucan. lib. 1.

Vos quoque qui fortes animas belloque peremptas
 Laudibus in longum vates dimittitis æuū,
 Plurima securi fudistis carmina Bardī.
 Et vos barbaricos ritus moremque sinistrum
 Sacrorum Druidæ, positis repetistis ab armis.
 Solis nosse Deos, & cœli numina vobis,
 Aut solis nescire datum, nemora alta remotis
 Incolitis lucis: vobis authoribus umbræ
 Non tacitas Erebi sedes Ditisque profundi
 Pallida regna petent: regit idem spiritus artus
 Orbe alio, longæ canitis si cognita vitæ
 Mors media est.

Et eos, qui nunc apud Brytannos carmina colunt,
 Bardorum huiusmodi sequaces esse haud dubium est,
 cū ex nomine, quod adhuc post tot secula ne quic-
 quam luxatū est. Bardus enim dicitur apud eos Poeta
 siue vates, qui carmina egregiè componit. Nec sine
 vena quadam innata cuiquam id muneris concessum
 est, quantumvis studij vel doctissimus in hoc adhi-
 beat. Tum quod laudes virorum fortium predicare in
 more est, his perinde atque Bardis illis antiquioribus
 fuisse Lucanus testatur. Druidas quoque hinc origi-
 nem sumpsisse, atque ad Gallias inde translatos paulò
 ante ex Cæsare ostendi. Et Magiam apud eos vel Plī-
 nij tempore tam attonite in Brytannia celebrari, vt
 dedisse eam Persis videri possent. Fatendum est igitur
 vel ipsis Romanis testibus, Brytannos iam olim ante
 hanc Insulam ipsis cognitam, si quisdem ex his C. Cæ-
 sarem primum eam adiisse, testis est Cornelius Tacī-
 tus & alij, neque literarum subsidio destitutos, neque
 literatorum omnino expertes fuisse, quo minus non-
 nulla

Defensio.



nulla habere potuerint iam olim saltem monumenta de gentis origine & incremento, unde, & si iam non extent, posteriores suas commentationes & historias haurire poterant. Nec igitur de gentis origine tam certa nobis tradere potuerunt Romani authores, quam Brytanni quidem ipsi, qui suorum monumenta alius post alium viderant & studiosè perlegerunt. Hæc, quoad tempora quæ maximè obscura esse videbantur, dicta sunt, videlicet ante salutis humanæ mysterium orbi proditum. An igitur putabimus post tantæ lucis iubar exortum, quum & Christi fides & literarum pariter studia ad omnes mundi plagas, imò barbarie summa eatenus inuolutas diffunderentur, & precipuè inter Brytannos, qui inter primos quos uniuersim fide initiatos legerim, Christi cultum susceperunt, imò post habita cum Romanis ipsis literarum precipuis cultoribus assidua & diuturna commertia, maiores quam antea rerum tenebras extitisse? Id quidem non cōuenit vlllo modo existimare. Etsi iam non extent authores primi temporis, videlicet tam longa diuturnitate absumpti, extant tamen tam antiqui qui illos subsequuti sunt, quam in lingua vulgari alia vquam gentium reperire liceat. Nam à mille plus minus annis proxime elapsis, nullum tempus est videre, quo non aliqui scriptores saltem Brytannici reperiantur, qui de rebus patrijs aliquam mentionem fecerint. In hoc enim potissimum Poetas illos quos Bardos etiam nunc appellari inter eos, quemadmodum & olim superius demonstraui, semper colere non cessarunt, qui & maiorum res gestas & recentiorum genealo-

B.

gias,

gias, atque Heroum laudes tum carmine tum prosa celebrarent, ac scriptis pariter & memoria conseruarent. Cuiusmodi poëtarum, quorundam carmina ante annos mille plus minus scripta in hunc diem apud quamplurimos conseruantur. Et ipse nonnulla huiusmodi habeo cuius videre cupienti ostendere paratus: vt Taliessini & vtriusque Merlini Ambrosiani videlicet & Syluestris, quorum hunc tempore Aurelij Ambrosij à quo & nomen sumpsisse videtur, illum verò Vortigerni, Taliessinum verò tempore Mailgonis regis floruisse constat. Quæ quidem carmina etsi paulò obscuriora videntur, atque à phrafi & horum temporum vsitata loquendi forma paululum discrepent, non tamen adeò dissident ab eadem, etsi ante tot annos ædita, quin à linguæ Brytannicæ aliquousque peritis legi & intelligi possunt. Id quod satis admirari equidem non possum, qui fit vt lingua illa post tot annorum curricula, post tot tamque memorabiles gentis illius clades, antiquum idioma suum citra aliquam saltem insignem eius imutationem in hæc tempora retinuerit, cum id in nulla alia, quàm sciam, lingua vulgari videre liceat. Nam in Anglica lingua ante trecentos plus minus annos, libros exaratos vix est qui intelligere queat. Quod ad abolendam antiquitatis huius regni memoriam, plurimum officere est necessum. Adeò nouandis rerum vocabulis nostri Angli penè omnes indulgent, neque aliquam certam fixamue rationem loquendi aut scribendi patrium sermonem tenent. Atqui in vetusta illa Brytannica lingua longè
alia

Defensio.

H

alia est ratio. Nam & in scribendo rectam & constantem tenent orthographiam, & in loquendo omnem nouandi licentiam abhorrent. Et huiusmodi Poëtas siue Bardos (quos & alio nomine Pryduides appellant, atque eosdem esse conijcio qui à veteribus Druydes dicebantur) inter se ea maximè de causa alunt & venerantur: vt linguæ iuxta ac Brytannicæ antiquitatis omnis, ius & integritatem conseruent & tueantur. Quocirca à Talieffini iam dicti æuo in hanc vsque ætatem, his non defuere Poëtæ siue Bardi huiusmodi, qui & sui temporis Heroum & maiorum suorum res egregiè gestas patrij sermonis carminibus, eisque pro linguæ ratione venustissimis celebrarent, & posteritati cõmendarent, quorum aliquos non solum sua lingua exercitatos, sed Latinis literis atque artibus qui his potissimum traduntur, haud vulgari-ter doctos fuisse, ex eorum carminibus faciliè videtur. Cuiusmodi Talieffinus iam dictus, & vterque Merlinus proculdubio fuere. Atque ex his aliquot insigniores prout alij post alios successerunt hic recensere non ab re foreputaui, quo non generatim atque nulla certitudine innixa videatur à me inducta narratio. Sed vt alij qui veritatem curiosius inuestigare student, hoc ex alijs Brytannis, vera sint an falsa faciliè percontari & cognoscere possint. Post Thalieffinum prædictum, qui Bardorum Coripheus dictus est, subsequuti sunt ex illustrioribus hi: videlicet Daniel quidam, qui tempore Griffini filij Conani Principis Venedotiæ, quæ nunc Septentrionalis V Vallia B. ij. dicitur,

dicitur, videlicet ante annos quingentos plus minus
 floruit. Deinde Oeneus cognomento Keueiliocus qui
 & ipse princeps Venedotiæ erat, carmina quædam cõ-
 posuit peruetusta, id enim studij adeò honestum sem-
 per inter ipsos censebatur. Nec non Ludouicus cogno-
 mine Bardus, circa idem tempus floruit. Hinc Kyn-
 delous cognominatus Poeta magnus, tempore Rhesi
 filij Griffini principis Demætarum & Regis Henrici
 secundi, videlicet ante annos quadringentos floruisse
 cognoscitur. Post hos David cognominatus Penu-
 bras, inde Adamus cognomento Crassus subsequutus
 est, annis ab hinc plus minus trecentis quinquaginta.
 Dehinc quidam Eternus cognominatus Chryso-
 stos à sermonis venustate. Post hunc David cogno-
 minatus Niger ex vico Hiradico doctor. Hij tres pro-
 xime recensiti, carminum componendorum artem au-
 xerunt, & novas quasdam metri rationes excogitarunt.
 Hinc Trahaernus quidam inter Poetas sui temporis
 maximus habitus. Et paulò ante nostra tempora Da-
 uid filius Gulielmi, Iollaus Rufus vulgo dictus, Iollo
 Goch, Rhesus Brechamus, David Nanmorus, Hoelus
 cognomento Surdeuallis, qui theologiæ Bacchalau-
 reus erat, nec non Ieuanus filius Roderici, vulgo ap-
 pellatus Ieuan vab Rethergh, hi ambo impensè docti
 fuerunt, vt eorum lucubrationibus Brytannicis qui-
 dem videtur. Hoelus quoque filius David filij Ieuan
 filij Rhesi, David cognomento canus, filius Ludouici
 filij Griffini, & posterioribus tēporibus Rhesus Nan-
 morus, Theodorus Ayletus, Gerardus Caneubæ, à
 cana Cefarie cognomen sortitus, & alij complures ho-
 mines

mines sanè digni, qui nullo vnquam tempore ob ingeniorum monumenta præclara ab his ædita hominum memoria excidant, nec inter suos, quoad Brytannicæ linguæ ius aliquod constabit, excident. Atque ex horum carminibus, quæ antiquitatis Brytannicæ vestigia ipsa sunt, & quasi testes fidelissimi, nonnulla etiamnum extant proferenda, quæ historiæ receptæ fidei plurimum astipulentur, quorum tam veneranda vetustas est, ut idem mihi ea intuenti, quod Chawcero illi Anglico Poetæ præclarissimo, in Famæ domicilij descriptione vsuuenisse ostendit, videlicet ut eorum nomina & præclara facinora, qui recentiori memoria florere, clarè, apertè, & dilucidè in ipsius domus parietibus scripta forent. Eorum autem, qui olim illustres fuere, quo anteriùs eo obscuriùs eorum res gestæ describebantur, & quorundam vsque adeò priscorum tam obscuræ & tam penè oblitteratæ viderentur notæ, ut vix à quoquam legi aut intelligi possent, temporis scilicet diuturnitate famæ gloriam & splendorem magis magisque pro vetustatis modo obscurante. Sic & in his carminibus excutiendis, mihi prorsus euenire videtur. Nam quorundam tanta vetustas est tum dictionis tum scripturæ, ut ex ipsis literarum apicibus nonnulla colligenda sunt. Quid enim in linguis his vulgaribus per mille annos sic durare videas, quin & in phrasi dictionis, & in notis literarum plurimum detrimenti & innouationis patiatur? Neque hæc eo dicta sunt, ut ex antiquioribus nihil clarum produci posse putem, quod nostro proposito inferuiat, imò plus in illam partem quàm ex posterioribus, sed ut

tantam eorum antiquitatem esse ostendam, ut à recentioribus confingi neutiquam possent. Posteriorum verò post annos abhinc quingentos scripta multò dilucidiora sunt tum lectu tum intellectu, & plurimum lucis prioribus afferunt. Atque ut nullum erat tempus, quo huiusmodi literati inter eos non reperiantur, sic nullum penè doctrinæ genus est cuius non habent principia & canones quasdam generales sua lingua descriptas. Quia præter Grammaticam (quàm ut dixi habent exactissimam) Rhetoricæ, & Dialecticæ, Geometriæ insuper & Arithmeticæ regulas habent generales, & de Astronomia pariter & Cosmographia complures habent commentarios, quibus eorum vates plurimum studij adhibuisse, ex eorum carminibus liquet. In Physicis & re medica habent quamplurima ad methodum tradita. In sacris etiam literis habent etiam nonnulla præsertim compendij in morem desumpta, quæ vel ad historiæ cognitionem, vel ad morum compositionem sufficere videbantur: Leges insuper quibus municipales olim usi sunt, ante sexcentos annos, peruulgatas habent, quibus patriæ mores elucent antiqui. Denique quod maximè ad rem de qua agitur spectat, historias habent tum productiones & fusas, tum breves & contractas chronicorum in morem sua lingua descriptas, non modo à prima gentis origine, usque ad ultimi Regis, ex sua gente videlicet, Cadowaladeri tempora, ubi Gaufredi translatio desinit, verum etiam abinde perpetuò usque in Ludouici ultimi principis eorum ævum, quod in Edowardi regis Angliæ

glia, eius nominis primi tempora incidit. Etsi hac posteriori parte suorum duntaxat calamitates, ruinae, & seruitutes potissimum declarantur, quod fidem eorum, qui historiam edidere, eò magis confirmare videtur, quo non tam laudanda quam vituperanda gentis suae prædicare non verentur. Et in his nonnulla sunt aliter alioque ordine tradita, quam à Gaufrido in sua translatione memorantur, quod non ab eo has quidem historias, sed aliunde acceptas demonstrat. Habent etiam fateor (ut reliquæ gentes omnes) nonnulla voluptatis potius gratia, quam ut fidem à quoquam exigant de Arthuro, Carolo Magno & similibus conficta, quæ à fide dignis historiis facile dinoscuntur. Præterea genealogias habent suorum maiorum ab antiquissimis temporibus in hæc usque tempora perpetua serie deductas, easque tam multifariis diuinationibus dispertitas, & subinde ad stirpes insigniores iterum conuenientes, ut alia alijs fidem necessariò astruant, ac omni prorsus suspicione liberent: Cuiusmodi morem apud eos viguisse vel Giraldi Cambrensis temporibus, idem libro suo, quem (*ἱστοριαι*) inscripsit, testatur: vbi Rhesi, qui tunc Demeticæ regionis, quæ nunc Australis Vallia dicitur, Princeps erat, Genealogiam in multos retro antecessores recenset: quæ quia ante quadringentos annos ab ipso Giraldo memorata, cum ipsis, quæ etiam nunc habentur, genealogijs conuenit, magno sanè indicio est, nihil suspensionis inesse reliquis, quæ pariter apud nostrates enarrantur. Atque hac in parte, videlicet Genealogijs
maiorum

maiorum suorum obseruandis, nemo, qui mores gentis (vel leuiter) nouerit, eos tantum non immodice curiosos, non iudicauerit. Nam & eorum nomina & cognomina ad id obseruandum maximam præstant commoditatem. Nempè, quæ vt minimum Auorum & plerumque Proauorum & Atauorum nomina pariter contineant. Et Bardi sepædicti id maximè curant, vt in suis Encomijs cuiusque quem prædicare student, Genealogiam, ad insignem aliquam ex cognatione familiam deducant: vnde facilimum est, vtpote à domo satis per se nota, ad superiora conscendere. Quod moris, etsi maximè ad antiquitatis notitiam retinendam facere videtur, tamen minus apud eos obseruari summo opere cuperem, vtpote quod plus animorum genti plus satis tumide, tribuit. Atque inde eorum nonnullos huiusmodi vana ingenuitatis siue nobilitatis opinione ductos videas, qui & si ne teruntium quidem siue in ære, siue in censu habeant, ad aliquam mæchanicam artem ediscendam vnde sibi victum suppeditent, descendere dedignantur, vnde tot otiosos inter eos passim reperias, quot nusquam gentium alias facile est videre. Atque hinc tantam hæreditatum diuisionem, vt nusquam rarior fratrum concordia, nullibi census exiliores, nec vsquam de agrorum iure atque finibus peruiaciores aut plures lites reperiantur. Cæterum id moris ad antiquitatem Gentis perpetuandam plurimum (inquam) confert. Quid, quod etiam Ecclesiæ gentis nostræ vel inter primas totius regni extructæ, nec vllò inde tempore aut hostium vi, aut fortuito aliquo casu ex integro deletæ Chronica sibi
pecu-

peculiaria conficiebant, quibus & Ecclesiarum huiusmodi fundaciones, dotationes, & incrementa pariter & detrimenta annotarunt, & res præsertim insigniores obiter in regno incidentes, vna etiam conscripserunt. Quales ex Ecclesia olim Metropolitana, nunc vero Cathedrali Meneuensi, quæ & sancti David dicitur, ab ærarij illius nuper Præfecto, D. Ioanne Lewis mihi pridem delatæ fuerunt. Nec non huiusmodi ex Ecclesia Landauensi sanè antiquitate ipsa suscipiendæ, quibus Ecclesiæ illius fundatio & dotatio, terrarumque ei concessarum dimensiones & collimitationes Brytannicis cuiusque soli terminique vocabulis vetustissimis exprimuntur, ad meas peruenerunt manus. Ex quibus ad hanc quam molimur Historiæ Brytannicæ defensionem, aliqua mihi inferius citanda sunt, quibus multo maior fides adhibenda est (mea quidem sententia) vtpote ab illarum Ecclesiarum collegis sibi inuicem alius post alium succedentibus, prout quidque incidebat, annotarunt, & in vnum tandem volumen redegerunt, quam vni cuiquam quantumuis fide digno, qui aut sui temporis res gestas, aut ab alijs acceptas scripto commendarit. Hæc omnia eo dicta volui, quo omnes planè perspiciant, neque antehac defuisse inter Brytannos, nec adhuc deesse etiam literarum monumenta, quibus antiquitates eorum conseruentur. Et quamuis incredibile sit tam barbaram vsquam, tamque ab omni humanitate remotam fuisse gentem aliquam, quin suæ gentis originem atque progressus, & res denique maiorum præclarè gestas aliqua saltem ratione posteritati transmiserit. Multo mi-

his credendum est gentem illam usque adeo antiquitatis omnis tenacem & tandiu literarum subsidio adiutam, id maximè omisisse. Quis enim ignorat id natura comparatum esse, ut cunctæ denique nationes omni ratione cupiant originem suam à tenebris vindicare, id quod Polydorus ipse fatetur. Hinc Hieroglyphicæ figuræ ante repertas literas, hinc est quod nonnulli maiorum suorum res memorabiles (sicut Ioannes Saxo de suis commemorat) vel saxis & cautibus ipsis insculpere curauerint: Hinc Poëtarum fabulæ sub stupendæ alicuius narrationis inuolucro confictæ videntur, ut eò tenaciùs hominum memoriæ inhererent, libentiùsque cōmemorarentur, quo magis in speciem admirabiles viderentur. Præterea quis dubitet fuisse nonnullos non minus olim inter gentes alias, qui gentis suæ historias suis quique linguis ediderunt fidedignas, quam nuper fuere, qui Gallica, Hispanica, & Anglica lingua suorum temporum historias non minoris fidei quam Romani olim suorum ediderint. Quod si ab aliquo hominum genere (quos Barbaros appellant) observatum sit, fanè id à gente Brytannica minimè omissum esse credibilius est, quippe quæ in rerum antiquarum inquisitione, gentisque & maiorum suorum genealogijs repetendis accurata (nedicam curiosa) semper extitit. Cùmque ad hunc modum se res habeant, vnde potius petenda est rerum Brytannicarum notitia, quam ab ipsis Brytannis, quos primos huius terræ incolas fuisse, & veterum & recentiorum authoritas identidem confirmat, nec literarum subsidio, longè ante Romanorum in
Insulam

Insulam aduentum vel Romanis ipsis testibus, caruisse constat? Ideoque tam certa nobis Romani scriptores, quod ad gentis originem & progressum spectat, quam Brytanni ipsi nobis tradere haud potuerunt. Illi etenim quod recentiores essent Aduenæ, audita tantum literis mandarunt: At hij, cum oculati fuerint testes, certissima fide quæcunque iam inde à primo huius terræ incolatu contigerunt, posteritati suæ communicanda curarunt. Certum quidem est, Brytannos nostros multis hic annorum centenarijs ante Romanorum aduentum floruisse, nec vlllo vnquam tempore sedibus omnes pulsos alio migrasse, quo & linguam suam prorsus amittere coacti sint, atque inde suæ antiquitatis obliuionem capere, quum cæteris nationibus penè omnibus hoc semel atque iterum per id temporis vsu venisse comperiamus: Nam quamuis ex his bene magna multitudo fuerit, quæ acerbioris fortunæ vi impulsæ, pars in Cambriæ, quæ nunc Vallia vulgò dicitur, solitudines: pars in Corinnios, qui Cornubienses nunc vulgo dicuntur, utpote in præsidia multo omnium firmissima, quibus ab extrema penitus gentis internitiæ se tutarentur, pars nouas sibi sedes alijs in terris, ut Brytanni qui nunc Armo-ricam Galliæ partem accolunt, quærere cogentur, tamen non locorum diuersitas adeo originalem dispersæ gentis linguam luxarit, quin post mille & eò amplius annos, eadem apud omnes lingua penè integra, nescio quo fato, in hunc vsque diem

C.ij.

edura-

edurarit, vt alter alterum post paululum commertij
 mutuo habitum loquentem intelligat. De Armorica-
 nis, Corinnijs & Cambrensis Brytannis loquor, ex
 vna gente videlicet Brytānica, hij omnes deriuati sunt.
 Tamenſi Brytannicæ linguæ antiquitas purius apud
 Cambrenſes obſeruatur, vtpote & priſtinis adhuc ſe-
 dibus confidentes & impermixtos. Vnde de hijs qui-
 dem tribus gentis partibus non inſcite quidem vulgò
 dicitur, vnam videlicet earum & patriam & linguam,
 at maiore ſuo compendio quàm damno (mea quidem
 ſententia) præſertim quoad ſoli verſuram amiſſiſſe, id-
 que de Armoricanis intellectum volunt. Alteram, lin-
 guæ iacturam feciſſe non item patriæ, quod de Corin-
 nijs ſubinnuunt. Tertiam verò & patriam & linguam
 adhuc retinere, hoc de Cambris intellectum volunt.
 Cætera autem huius Inſulæ loca, vt primum Roma-
 nis vniuerſum orbem proterentibus, deinde Scotis &
 Piſtis ſub declinatione Romani imperij in loca de-
 fenſoribus vacua irruptiones facientibus, hinc An-
 gloſaxonibus ſub auxilium ſpecie ſuccedentibus,
 inde Dacis, tandem Normannis, & denique Anglis
 ipſis quaſi poſtliminio ceſſere: ita & eorum locorum
 vrbiũque nomina penè omnia ſic inuerſa & immu-
 tata ſunt, ſuis quibuſque linguis nomina indere, vetu-
 ſtæque abolere ſtudentibus, vt ab harum quidem gen-
 tium ceu recentiorum linguis aut monumentis Bry-
 tannicarum rerum antiquitates eruere non tam pro-
 cliue eſt, atque ex lingua ipſa Brytannica, quæ vt ante
 illas omnes in Inſula vigeſcit, ſic & in hũc vſque diem
 perdurat. Hæc igitur præſatu non indigna putauī, vt ſi
 deſſent

decessent penitus Latini scriptores antiqui ad astruendam rerum Brytannicarum historiam, ab ipsis tamen Brytannis Authoribus, satis ad id monumentorum produci posse liqueat, quibus non minus fidei adhibendum est, quam Romanis ipsis, illis præsertim in locis ubi à vetustis probatæ fidei authoribus, usquequaque non dissident, cuiusmodi dissonantiam inter eos minimè reperiri, sequentibus ostendere pro virili conabor.

*Summa totius commentationis
insequentis.*



Ameti de tribus potissimum rebus hacce commentatione nostra differere duntaxat statueramus, videlicet de Bruto Brytanniæque vocabulo, Brennoque & Arthuro huius regni luminibus, qui vel prorsus à quibusdam nuperis scriptoribus ex rerum memoria tolluntur, aut ita frigide agnoscuntur, ut eorum rebus gestis & pro eorum merito decantatæ famæ plurimum detractum iri videatur, qua quidem opinione, etsi aliquot recēiores scriptores ducerentur, quia nemo tamen post homines natos exortus est præter vnum Polydorum (virum alioqui tum doctum tum probum & de re literaria non mediocriter meritū) qui eo iudicii errore teneretur, ut totam penè veterem Brytannicorum regum historiam, pro vana, ficta, aut comentitia haberet: Is enim & quidem solus (quem sciam) suo more

iocans, figmentum esse subinnuit Gaufredi Mone-
mutensis historiam, qui eius tantum operis interpres
& non (quod Polydorus falsò autumat) author fuit,
pauca de huiusmodi historiæ fide & antiquitate mihi
prius sunt dicenda. Hinc de origine nominis tam gen-
tis quam Insulæ Brytannicæ, tum de Brenno huius
regni ornamento non vulgari, cuius res gestas maxi-
ma ex parte eleuari & supprimi intelligo. Postremò
de Arthuro præcipuo huius Regni lumine & orna-
mento singulari, quod non tantum fuerit (id quod à
quibusdam negatur aut frigidè agnoscitur) verume-
tiam talis fuerit, qualis ab historia recepta prædicatur,
Rex nimirum illustris, duxque bellorum multorum
insignis (fabulas de eodem, vt ferè fit de huiusmodi vi-
ris excellentibus, aliunde confictas & adiectas excipio)
argumētis quæ mihi probabilia quidem videntur, pro-
bare & planum facere enitar: Iudicium interim ho-
rum omnium candido & æquo Lectori relinquens.

QVOD

QVOD GAUFREDVS
Monomutensis, historiæ Brytannicæ
quæ sub eius nomine circumfertur, non
Author, sed duntaxat Interpres fuerit,
dèque ipsius Historiæ fide & antiqui-
tate.

ETSI Gaufredo Monomutensi ipsi id in
 Prohemio sui operis attestanti fides ha-
 benda merito esset, se videlicet interpre-
 tis tantum officio functum in historia
 Brytannica edenda: Qui cum ea tunc
 æstimatione vulgo habitus esset, vt Assauensis Epi-
 scopus tandem præficeretur, nec credibile sit eum
 tam audaci facinore in arrogantia ac vanitatis suspi-
 cionem apud omnes, & præsertim apud ducem Clau-
 diocestriae, cui id operis dedicauit, venire voluisse.
 Verum quia hæc quibusdam criticis sufficere non vi-
 dentur, paulò altius repetenda sunt argumenta ali-
 quot, quibus idem Gaufredus ab illa falsa calumnia
 vindicetur. Porro quod ipse primus Author illius
 historiæ non fuerit, vel inimicis testibus facilè cõpro-
 batur. Neuburgus enim ipse Dux Polydori, & Gau-
 freddi primustaxator, Polydoro citante, multa de Ar-
 thuro ex priscis Brytannorum pigmentis sumpta &
 ab se aucta per superinductũ latini sermonis colorem,
 honesto

honesto Historiæ nomine obtexisse Gaufredum scribit. Ex quibus sanè liquet, si prisca huiusmodi pigmenta erant, non tum primum à Gaufredo conficta fuisse. Præterea V Villiclmus Malmesburiensis, qui historiam à Gaufredo editam nusquam viderat, ut neque videre poterat, nempe qui ante Gaufredi tempora floruit, de Arthuro & aliquot alijs in Brytannica tantum historia memoratis honorificam mentionem facit. Sic & Henricus Archidiaconus Huntingdonensis in historia sua, quam ante translationem Gaufredi à se repertam ipsum edidisse constat, multa de Arthuro & alijs à Gaufredo memoratis conscripsit. Habeo item ipse Chronica complura sanè vetustissima, partim Latinè, partim Brytannicè scripta, quorum nonnulla ante Gaufredi tempora fuisse conscripta multis evidentibus argumentis colligere licet. Et hæc quidem omnia historiæ à Gaufredo translatae planè suffragari videntur. Extant deinde apud me Annales peruetusti, sub Gildæ illius sapientis nomine haud obscurè quidem inscripti, quos etsi iustum aliquod opus Gildæ illius esse haud temerè affirmaverim (tamen libellum alium eiusdem Gildæ nomine inscriptum in Regia bibliotheca V Vestmonasterij nuper repperim, qui cum hoc meo libello diligenter collatus, ad verbum penè per omnia respondet) quia temporum in hoc deducta supputatio longè post Gildæ ævum protenditur, ex Gildæ tamen commentarijs per quendam antiquitatis studiosum collectos esse facilè crediderim, eumque qui sic colligerit ante septingentos annos ex temporum supputatione, quæ in scribentis tempora deduc-

deducitur, floruisse censuerim. Is à Leylando qui hunc librum apud me vidit, Nennius esse existimatur. Sanè per antiquum esse, quicumque is fuerit, oportet: Antiquitatem enim tantam tum scriptio ipsa perquam verusta, tum Brytannicæ voces tam propriè interfertæ expressè redolent. Atque ad id comprobandum, hoc vel maximo argumento esse debet, quod author illius libelli verba faciens, de gentium numero, quæ Brytanniam suo tempore coluerint, sic ait: Et in ea habitant quatuor gentes, Scoti, Picti, Saxones, atque Brytones: Hæc ille. Iamdiu verò id tēporis fuisse oportuit, quod Picti in hac Insula inhabitasse sunt cogniti: Cùm Henricus Huntingdonensis Archidiaconus, qui ante annos circiter quadringentos floruit, in historia sua sic scriptum de Pictis reliquerit. Quamvis Picti iam videantur deleti, & lingua eorum omnino destructa, ita ut iam fabula videatur, quod in veterum scriptis eorum mentio inuenitur: Hæc ille. In hoc porro libello siue Gildæ, ut in scripti præ se fert, siue alterius cuiusdam peruetusti scriptoris fuerit, nonnulla de Bruto & Arthuro memoratur, quæ cum Gaufredi translatione consentiant. Est quoque apud me liber de prima fundatione Ecclesiæ cathedralis Landauensis, quo prædiorum omnium, quæ iam possident Ecclesiæ illius ministri continentur concessiones, latinè quidem illæ, terrarum verò & prædiorum huiusmodi limites Brytannicè scriptæ, quæ maximam antiquitatem referunt, inter quos & Arthuri regis aliquot donationes ad verbum ut factæ sunt continentur. Brytannicæ verò dictiones tam vetustæ sunt, ut

D.

haud

haud facile quidem legi, sed multò difficilius ex integro intelligi vel à linguæ Brytannicæ erudito hac tempestate possint. Præterea nemo arbitror dubitabit, quin iam dictum est, quod Sanctus David in Diuorum numerum relatus sit, hoc vel basilica illa Meneuiæ in eius memoriam iam sæculū penè exactum sanè perquam magnificè constructa, si nihil aliud, attestabitur, vbi olim Metropolis totius Cambriæ, nunc vero Cathedralis sedes Demeticæ regionis quæ Meneuia dicitur, consistit. Habemus quidem illius Diui, necnon & Sancti Dubrij illius apud Castra Legionum præcessoris vitas, varijs exemplaribus cū latina, tum vulgari lingua conscriptas, quibus Rex ipse Arthurus sanctum David loco Dubrij suffecisse Episcopum apud Castra legionum, (urbem ad Oscæ fluminis ripā sitam) memoratur. Quodque Sanctus ille David breui post tempore hinc sedem episcopalem, ob perpetuos bellorum tumultus qui illic agitabantur, Meneuiam vbi nunc est, transfulerit, & horum non minus antiqua, certa que & constans habetur Meneuiæ recordatio, quàm Basilicæ illius prima institutio, eiusque antistitis David δαβιδ (sic enim in sua vita cognominatur) in Diuorum numerum relatio. Quod si hæc vera, certa, & indubitata sunt, ipsum videlicet sanctum David Episcopum fuisse, & sedem Meneuiam transfuisse, & illa de Arthuro memorata non minus fidei apud omnes habere debent, quando illa iisdem monumentis quibus hæc declarantur, adferi & confirmari constet. Est etiam apud me libellus perantiquus in modum Annalium latinè compositus, ex ætate Meneuensi à docto sanè viro & antiquitatis Brytannicæ

nicæ studio Ioanne Lewis illius ararij præfecto, qui nuper obiit, delatus, vbi præcipuæ clades, quæ Ecclesiæ Meneuensi eiûsque territorio à prima eius fundatione acciderunt, memorantur. In quo passim habentur nonnulla, & præcipuè de Arthuro breuiter perstricta, quæ in historia Brytannica asseuerantur. Ad hæc, si quicquam Brytannicis scriptis habenda est fidei, extant Annales aliquot Brytannici iam inde à Bruto ad postrema vsque videlicet Ludouici vltimi principis V Valliæ tempora, perpetua quadam serie deducti, quos alios quam ipsum Gaufredū habuisse auctores hinc colligo, quia nullam de Gaufredo mentionem faciunt, & quædam aliter referunt quam in Gaufredi translatione habetur: Et si hi quoque in summa cum historia à Gaufredo traducta cōueniunt. Habemus denique carmina nonnulla antiquissima vatis illius, siue Bardi inter Brytānos famigerati, Thaliessini qui tempore Mailgonis regis floruit, quæ ante annos plus minus mille composita ab eo fuisse nemo est qui inficiari possit, ac id phrasis ipsa satis indicat, & non tam à fidicinis Poëtis que nostris memoriter retinentur, ac per manus tradita conseruantur, quàm scriptis inde libellis quamplurimis posteritati commendantur. Ea quoque testimonio sunt (mea quidem sententia) irrefragabili ad Arthurum præcipuè asserendum, nempe quem suis carminibus ad Vrianum Rhegadum eius militem scriptis passim, vt occasio incidit, miris effert laudibus. Denique vt hæc historia à Gaufredo minime conficta videatur, est quod ex Latinis authoribus maximè præclaris

D. ij.

ad

ad huius historiæ fidem confirmandam adduci possit. Quia videlicet nonnullorum Regum Brytanicorum ab ipsis Romanis scriptoribus passim in eorum commentarijs mentio fit. Qui quidem Reges in hac historia nempe Brytannica, per idem tempus, quo illi floruisse affirmant interseruntur. Nempe à Cæsare Cas-
 fluellauni, Brenni ex Livio & Iustino, Cinobellini à Suetonio, Aruiragi à Martiali, & Lucij Regis ab Eusebio: Carantij verò, Coeli, Constantij, Constantini, Maximij, Aurelij Ambrosij ab Eutropio Pauloque Diacono, & aliorum aliquot ab alijs authoribus Latinis. Tales quidem hic floruisse reges, nemo arbitror, inficiabitur, quia ab his authoribus Romanis, eorum nomina à tenebris vindicantur. Reliqui verò infelices, quod in Romanorum monumenta relati non fuere, Eboracus, Dunwallo, Belinus cognomento magnus, Lud, Londini vrbs instaurator, & postremo Arthurus ille gentis præcipuus assertor tam illustris, ut antiquitas eum inter pares novem ex totius orbis maxime insignibus Heroibus selectos retulerit, ex quorum numero iam solus (nescio quo fato) eximitur ipse Arthurus, tametsi ex reliquis vllum, nemo est qui reiicere audeat. Sed de hoc post plura. Hæc sunt quæ ante Gaudredi tempora planè cōprobent historiam ab ipso translata nequaquā à se originem sumpsisse. Iam ad eam quæ ipsum subsequuta est tēpestatem, veniamus: Quo quidem tempore, si talia fuissent à Gaudredo prodita, qualia ab aduersarijs obijciuntur, cōmodissimum iuxta ac facillimū erat cuius ea statim refellere, ut in lucem edita sunt. Nullum enim humanæ rationis inue-
 tum

tum Euangelicę fidei perinde astipulari videtur, atque quod nullus tam impudens inter tot hostes Euangelij repertus fuerit, qui rei gestę, cū id primum per orbem diuulgaretur fidem eleuare conatus esset. Quod ab Eusebio & Marsilio Ficino pro Christianę religionis defensione adducitur. Sic quoque & pro nostro instituto facere debet, quod nemo repertus sit, quum hæc nostra, quam Gaufridus Monomutensis transtulerit, historia in publicum primum prodiret, qui eam improbare studuerit. Etsi non defuere scriptores aliquot eruditionis (vt ea ferebat ætas) non aspernandę, quum hæc, de qua sermo est, historia Brytannica Latinis auribus redderetur, qui tam recētia & ante prorsus inaudita, ac vno quasi partu (vt Polydori verbis utar) prolata & in orbem effusa, ferre nullo modo potuissent, quin illis continuò vt ædita sunt, palàm reclamassent, imò scriptis æditis contradicere nequaquam pepercissent. A quo tantum abfuerit, vt ea suis libris passim asseuerauerint. Nempè Henricus Huntingdonensis, vt ea quę ante visam Gaufridi translationem historie sue de rebus Brytannicis aliunde acceperat, interfecit, sic & illa quę postmodum ex Gaufridi translatione plenius didicit, adeò non improbavit, vt descriptam inde Epitomen historie postea suę Coronidis vice adiecerit. At ne hinc primum ea accepisse quis putet, quę de origine gentis Brytannicę in historie suę limine prius asseuerauerat, legat qui id discutere volet. Et initium historie ipsius Henrici (quam ante Gaufridi translationem à se visam fuisse editam, tum ex Gaufridi translatione ad calcem, tum ex ipsius Henrici libro de sum-

Henricus Hunting.
ting.

mitatibus rerum, epistola secunda palam constat,) Et ipsum Henricum eadem quæ Gaufredus de origine gentis Brytannicæ asseuerasse, & ea aliunde quàm ex Gaufredi translatione accepisse comperiet. At hic forsitan obijcietur, Henrico Huntingdonensi ob Brytannicæ linguæ imperitiā facile imponi potuisse, ut crederet in Brytannorum Annalibus extare, quæ nusquam reperirentur. Ut concedam Henricum eius fuisse linguæ ignarum, non tamen defuere tunc temporis, alij quamplurimi viri eruditi, qui Latinam iuxta ac Brytannicam callerent, quos ea de re consulere potuisset, quibus fucum facere non æque erat proclive. In his erat doctrinæ non aspernandæ, & in rebus Brytannicis cognitionis eximiæ vir, Giraldus Cambrensis historicus, & ipse rerum Brytannicarum fidelissimus, qui Regi Henrico secundo admodum familiaris, & in expeditionibus in Valliam & Hiberniam perquam necessarius, comes fuit. Hic, inquam, etsi in Gaufredum parum æquus, æmulatione quadam inter eos, nimirum ex mutua literarum contentione gliscente, videretur, ut ex ipsius scriptis satis liquet, historiæ tamē Brytannicæ à Gaufreddo translatae ubique suis scriptis astipulatur. Deinde Alured⁹, Houedenus, Radulfus Cestrensis, Ioānes Anglicus, Geruasius, & quotquot vnquam in historia huius regionis enarranda defudarunt, summo consensu translationem Gaufredi approbare, imò suis scriptis commendare non dubitarunt, quos, vicumque eos Polydorus contemnat, utpote contra eius sententiam scribentes, rejiciendos minimè esse censeo,

sed, nempe ab hijs qui simplicem & nudam rerum
gestarum veritatem cognoscere cupiunt, & non po-
tius sermonis cultum & elegantiam, hi quidem ipsa
regum diplomata, ædicta, fœdera pariter & literas,
ipsa videlicet veritatis symbola, & vt ita dicam, si-
gilla, ad verbum suis historijs intertexunt. Quin
maximè Polydoro suspiciendi, & non sine accurata
honoris præfatione celebrandi iure erant, vtpote è
quibus potissimum suam historiam concinnauit.
Quum grati sit animi his à quibus aliquid mutua-
tus sis acceptum referre, ac id palàm agnoscere, in-
genuèque positeri. At vt ad rem redeam, Dubitari
ne potest iam de historiæ Brytannicæ fide aut anti-
quitate, quam & ante Gaufredi tempora, & ipso
translationis tempore, & post à tot eruditis viris
tamque antiquis monumentis approbatam esse con-
stat? Neque id solum à scriptoribus nostris, ve-
rumetiam ab Anglis pariter ac Latinis authoribus
antiquis, nedum recentioribus. Nam vt de eorum
suffragijs, qui Gaufredum subsequuti sunt curiosior
aliquis dubitet, etsi hoc quoque hominis esset ni-
mium increduli, quid illis objeiet, qui ipsum Gau-
fredum tempore præcesserunt? Nonne & ipsi in
Gaufredi, qui nondum extaret, gratiam, quæ de re-
bus Brytannicis scripsere commemorant? Atque
vt maximè Brytanni scriptores suis rebus fauere cre-
dantur, quid verò exteri? Idem ne illi factitare cre-
dendi sunt, qui quamminimùm Brytannis tribuisse
dinoscuntur? At aduersariorum testimonio nihil lo-
cupletius. Vt hæc omnia ab aliquo in sua semel
con-

concepta opinione pertinaciùs insistente reiiciantur. Quid authoribus Romanis respondebitur? Qui dum sparsim suis libris, de rebus Brytannicis agere se infert occasio, eadem ferè rerum euenta commemorant, quæ in historia a Gaufreddo traducta habentur, planè Gaufreddum ipsius historiæ primum authorem minimè fuisse comprobât. Nemo enim inficiari potest in hac nostra non tam Regum ipsorum vt iam dictum est, quàm urbium & Fluuiorum aliquot nomina & eadem fere rerum euenta recenserî quæ ab Cæsare, Suetonio, Tacito, & alijs quibusdam Romanis authoribus memorâtur. Vt de Cæsaris ipsius in Brytanniam aduentu, quod Cassiuellanus fuerit dux bellorum contra Cæsarem, quod Cæsar ipse primo congressu citra victoriam abierit: quod interea dum redit, Trenouanti Dux Cæsaris fidem sequutus ad eum in continentem venerit eius auxilium imploraturus cōtra Cassiuellauni iniurias: quod fudes perustæ Thamesis alueo defixæ fuerint, quæ Cæsari impedimento essent ne transirent flumen: Quodque tandem Cæsar Insulam vectigalem reddiderit. In ijs quidem omnibus pulchrè conuenit Cæsari cum historia Brytannica, etsi ea quæ labeculam aliquam suæ gloriæ respergeret, Cæsar aliquâtis per immutauit. Nam quod nostri vna cum Lucano, teste quidem Romano, de eius fuga scriptum reliquerunt, ille vi tempestatis adactum se abiisse scribit, tametsi vel ex ipsius commentarijs hoc colligere licet, quod historia Brytannica de eius refert fuga, quando abitum suum (ne dicam fugam) tam celeriter adornasse, tam festinanter se arripuisse scribat, quodque ad primum eius aduentum in Brytanniam non tam prospe-

prosperè ei cōtigerint omnia, quàm ipse refert. Quum
ad secundum aduentum duplo quàm prius instructior
redierit, quod minimè fuisset opus, nisi se viribus infe-
riorem ad primum eius aduentum agnouisset: Nec se-
cundò quidem redijt, nisi postquam Mādubratius dux
Trenouanti eius (vt ait) fidem sequutus est. Potuit ne
ille Dux fidem eius sequi nempè Brytannus, nisi prius
fidem suæ patriæ generiq; debitam deseruisset, nepha-
rius & scelestus proditor? Nōne id planè historiæ no-
stræ suffragari videtur, palàmque ostendit, non tam ar-
mis quàm prodicione & intestinis ciuium odijs & fa-
ctionibus subactam hanc Insulam fuisse? Hæc inquam
Cæsaris etsi paululum à vero detorta, fidem historiæ
nostræ maximè stabiliunt: quæ quidem omnia à Cæ-
sare astutè (quo erat ingenio) inuersa, citra fucum ali-
quem nostra historia apertè dinarrat. Nec Gaufredum
ex Cæsare aliquid horum accepisse, dum hæc & mul-
ta alia aliter quam in Cæsare habentur, relata, tum
præcipuè nominum discrepantia comprobat. Qui
enim Mandubratius & Imanuentius apud Cæsarem,
ij in traducta historia à Gaufredo Androgeus & Te-
neuantius dicuntur. Si ex Cæsare hæc mutuatus fuisset
Gaufredus, sanè in hijs nominibus ex æquo conue-
nissent vtrique. Quorsum enim attinebat in hijs no-
minibus discrepare? Sed luxari (dixerit quis) hæc no-
mina interim potuere. Id potius in Cæsare contingere
potuit, fateor, quàm in Gaufredo, qui eum tot cen-
tenarijs annorum subsequutus est. Ex quo nomina sic,
vt essent apud ipsum Cæsarem, mutilata descripsisset
Gaufredus. At Androgeus à Beda quoque appellatur,
E. qui

Androgil ex
Beda, Mandu-
bratius ex Cæsare
nomina restituta.

Laberii nomen
restitutum.

Sulpitius pro
Simplicio depra-
uata scriptum.

qui à Cæsare Mandubratius dicebatur, quod nomen videlicet Androgij et si propius brytannico sit, luxatum tamen paululum apud vtrumque crediderim. Nam Auarorius, si secundum britannicam nomē claturam ducatur, dici deberet: Atque ad eum modum iam olim à Beda scriptum esse facile crediderim, & à librarijs postea deprauatum. Et si quis attentius consideret, facilem existimabit lapsum, ut n. pro u. d. vero pro a. (ut à Librarijs aliquot non ita pridem paribus ferè formis descriptæ erant) g. vero pro i. similitudine soni decepti transcribentes fumerēt. Quemadmodum & Labienū à Gaufredo pro Laberio mēdose scriptum arbitror. In huiusmodi enim latinis nominibus, Romanis potius authoribus fidendum duco, ut e contrā in Britannicis, historiæ britannicæ & rerum brytannicarum scriptoribus. Sic & Sulpitium apud eundem Gaufredum pro Simplicio, qui Episcopus Romanus tempore Arthuri esset, corruptè legi censeo, id quod ex Eusebio colligo, qui talem circa id temporis Episcopum Romanum fuisse scribat. Sed ut illa nomina, quis maximè suspicax ex Cæsare mutuatum esse et si perperam descripsisse Gaufredum putet, quorsum attinebat in eo dissentire, quod Gaufredus eum videlicet Teneuantium, qui Cæsari Imanuētius dicitur, fratrem Androgij, siue ut Cæsar habet Mandubratij fuisse scribat, quem Cæsar patrem huius fuisse dicit, quando inter vtrumque conuenit, illum ipsum Imanuentium seu veriùs Teneuantium in Trenouantum Ciuitate principatum obtinuisse, & post eum Mandubratium, qui Androgeus à Gaufredo & Beda dicitur, fidei Cassiellauni commissum,

sum, post ob iniurias aliquot sibi a Cassiellauno illatas, ad Cæsarem in continentem traiecisse, & iunctis cum eo viribus in Patriæ suæ viscera gladium conuertisse? Si ex Cæsare desumpta fuissent hæc omnia à Gaufreddo, seu quouis alio, in hijs nominibus, & præcipuè in eo quod Imanuentius pater Mandubratij diceretur, haud dubiè conuenissent. Nam utcumque in rerum euentis fortè, ob quædam gloriosius, quàm se res habuisset in suæ gentis gratiam à Gaufreddo dicta variassent. Quid huius (inquam) retulit in hijs saltem nominibus, cognationisque gradibus variare? Quando vtrumlibet horum verum sit, quod ab alterutro affertur diuersum, nihil in laudem aut vituperium alterutrius gentis sonare videretur? Imo Cæsar ipse lapsus esse hæc in parte existimandus est, qui Suetonio teste, vt post dicetur, Commentarios suos parum integra fide composuisse ex Pollinij Asinij sententia creditur. Quare & illa in quibus conueniunt nomina, rerumque series penè eadem palam faciunt Gaufreddum non ea primum ex suo ipsius cerebro (vt aiunt) excogitasse: Cum ante tot annorū centenarios à Cæsare commemorentur, & hæc in quibus discrepant vna ostendunt Gaufreddum historiæ suæ materiam ab alijs sanè perantiquis authoribus etsi non Romanis sibi subministratam accepisse. Nempè cum hæc iam dicta ex solo Cæsare, Regumque nonnullorum (vt superius commemoravi) nomina, ex tot diuersis authoribus, hisque tempore Gaufredi non extantibus, petenda forent. Vtpotè ex Liuiio, Suetonio, Martiali, Cornelio Tacito, E. ij. Eusebio,

Eusebio, & alijs nonnullis huiusmodi authoribus reconditis. Quis, non dico non verisimile sed impossibile fore non videat, ut Gaufridus illo præsertim sæculo natus, quum hij authores in tenebris delitescerēt, ut eorum habere copiam minimè potuisset, aut si haberet, ea omnia quæ ipsius habet traductio cum Romanis habet communia, tam varia, & tam latè per tot Authorum volumina diffusa atque dispersa tam commodè suis quæque locis & temporibus ferruminare, et in vnum historiæ corpus redigere potuisset? Neque eo tantum opus erat illi, verum etiam tēpora intermedia, quibus Romana silet historia, supplere, Regūque nonnulla tum nomina tum res denique gestas fingere, & tam commodè interferere, ut hijs quæ à Romanis cōmemorātur authoribus adamussim convenirēt. Quod si absurdum quidem sit, ut reuera est, suspicari, quum nonnullos alios Reges & Principes, hos ab invicē tam remotos intercessisse necesse sit, qui à Romanis authoribus pretereantur, vnde illorum res interim gestæ potius petendæ sunt, quàm ex Brytannica historia, quæ tempora intermedia cōmodè supplet, & quæ illis acta fuere recenset? Quæ quidem, ut cetera, si non à Romanis authoribus ut demonstratum est, desumpta fuere, à recentiore quidem scriptore aliquo tam vetusta depromi nullo modo poterūt. Quare reliquū est, ut quemadmodum Gaufridus ex vetusto quodā Brytannico libro hæc hauserit, ita & illius vetusti authorem ex alijs antiquiorib⁹, ea quæ tractat sumpsisse, quæ etsi iam nō extent, tunc quidem existisse haud dubium est, vnde illa eadem nomina & ipsa rerum euenta, quæ à

Cæsare

Ex Gilda mihi videtur transcripsisse pleraque, idque ex chroniceis conicio brytannici, quibus citatur Gildas ad ea comprobāda, quæ cum historia Gaufr. conveniunt.

Cæsare & alijs antiquioribus memorantur, & alia ab eis prætermiffa collegiffe videri poffit. Quæ cum ita fe habeant, adeo ne noua hæc dici historia debet, vt Polydorus vult, quæ à Gaufrido ante annos quadringentos translata eft? Cum prius & vetuftiffimis ante ipfius tempora fcriptis tradita fuerit, & à nonnullis qui eum præceffere & fequuti funt fcriptoribus paffim cōmemorata, neque à quoquam præterquam vno Polydoro ex integro in dubium vocata fit? Sanè & peruetuftam & longè ante Gaufridi tempora decantatam, cuiuscuius fidei habeatur, fuiſſe neceſſe eſt. At ſi Polydorus, vt præ ſe fert, ne quicquam fidei huiusmodi vulgatæ hiftoriæ habendam cenſet, quid eſt quod eam hiftoriæ ſuæ ſcilicet fideliffimæ, contextui interſerit, ac non potiùs à Latinis tantum ſcriptoribus tradita conſcribit? Cur eam ſuis ſcriptis immiſcere dignatur hiftoriam, quàm improbat? Cur ita vera falſis (vt ipſe ſentit) commiſcet? Sanè dum id agit, quibusdam hoc de eo ſuſpicandi dat occaſionem, videlicet id apud ſe cogitaſſe. Si ea tantum commemoraffet quæ ex Romanis ſcriptoribus deſumerentur, quod tunc in hiftoria ſua multa deſideratum iri, videlicet medio tempore acta, quo Romana ſilet hiftoria, nam ea, continua oratione, vel vnius æui res geſtas in Brytannia haud commemorat, ſed ſubſultim & carptim, velut per longa inuicem diſtantia temporum interualla, prout res Romana duntaxat exigebat, perſtringit. Cuiusmodi narrationem, ſi & ipſe inſtituiſſet, ſcopas diſſolutas veriùs quam hiftoriam referre viſus fuiſſet. Si verò totum Brytannorum tempus intactum reliquiſſet,

tantisper dum ad Anglorum tempus ventum esset, tunc occasionem ei prætermissam videbat, quæ suæ gentis, nempe Romanæ victorias, laudisque celebra- re, & sub historiæ huius regni prætextu literarum mo- numentis consecrare posset, quod potissimum toto opere suo satagere videtur. Quare ex utraque historia vnam concinnat, sed sic, ut ea quæ ex Brytannica dun- taxat mutuatur, improbet, quæ verò ex Romana de- sumit tantum probet. At necesse est aliqua (ut supe- rius retuli) medio tempore contigisse, quo Romana si- let historia, ut concedam ubi Romana habetur à Bry- tannica diuersa, illi potius fidem adhibendam quam huic: Etsi hoc quidem inter ipsos latinos authores non satis constat. Nam & Lucanus, ut iam dictum est, fu- gam appellat illum, quem Cæsar recessum suum di- cit, scribens in hunc modum:

Lucanus de Cæ-
saris fuga ex Bry-
tannia.
Tacitus.
Suetonius.

Territa quæsis ostendit terga Brytannis.

Deinde Tacitus, Cæsarem ostendisse Romanis Bry- tanniam potius quam subegisse scribit. Et Suetonius Commentariorum ipsius Cæsaris fidem ex integro vellicare videtur. In vita ipsius Cæsaris de eiusdem

Pellionis Asinij
de Cæsaris Com-
mentarijs censure.

Commentarijs in hunc modum scribens, Pollio Asi- nius parum diligenter, parumque integra veritate com- positos putat. Quum Cæsar pleræque & quæ per alios gesta erant temere crediderit, & quæ per se vel consul- to vel etiam memoria lapsus perperam ediderit, existi- matque rescripturum & correcturum fuisse: Hæc ille.

Quis enim dubitet Cæsarem ex Romanis qui omnes semper laudis auidi fuere, virum quotquot vnquam essent gloriæ auidissimum, ut omnes de eo Romani scriptores

scriptores affirmant, quàm parcissimè de sui ipsius parum prosperè gestis scripsisse, & ea quæ aliqua laude digna viderentur (quo erat ingenio & eloquentia) supra rei dignitatem extulisse? Sed ille omnia, quæ sibi contingere aduersa, verbis immutatis miro artificio obtexit, quum suos perterritos loco celsisse, se verò tempestatis vi adactum, reditum adornasse, idque ob hyemis iam instantis vehementiam maxima celeritate parasse scribat, ubi eum & suos fugam arripuisse & accelerasse, æquus rerum estimator retulisset. Sic & alios Romanos authores ab alijs (vt post dicetur suo loco) non minus fide dignis authoribus, qui propiùs nostris accedant, redargui demonstrabimus. Si hijs igitur quæ ab ipsis Romanis tradita sunt authoribus, non omnino tutiùs fidendum est quàm nostris, quid de reliquis, de quibus Brytannica duntaxat habetur historia, dicendum est? Brytanicę ne historie, quam tam diu scriptam & vulgo receptam fuisse constat, an potiùs coniecturę duntaxat cuiusvis, qui illam post tot annorum curricula iam decursa, in dubium trahere molietur? nemo arbitror tam iniquus fuerit æstimator, qui id dubitet, quin tam vetustę historie fidem catenus habendam esse censeat, quatenus alia fide digniori non discrepet. Sed quia iam satis superque arbitror Gaufredum ea calumnia purgatum, qua putabatur dictam historiam ex suo ipsius (vt aiunt) cerebro excogitasse, ad reliqua properandum esse censeo.

De

Historiæ Brytannicæ

De Brytanniæ Etymologia

Disquisitio.

Aeneas Siluius
de rebus Bohem-
icis.
Lud. Vives de
Discipl.



Primum de Brytanniæ vocabulo, cuius denominationi, videlicet à Bruto Siluij filio deductæ, non tam ab ipso Polydoro, quàm ab alijs aliquot viris eruditis, nempe Aenea Silvio in suo de rebus Bohemicis libello, & à Ludouico Vives suo de disciplinis Cōmentario contradici intelligo, pauca mihi differenda sunt. Non autem id mihi assumo, ut eam nominis Etymologiam autoritate aliqua irrefragabili probẽ. Id enim difficillimum esset post tot millenarios annorum præstare, præsertim cùm literarum monumenta penè omnia præcedat, exceptis forsan hijs, quæ retro accepta, & per manus à tot sæculis tradita, ad posteritatem deuenire: Satis quidem meo instituto factum iri censeo, si ea quæ ab aduersarijs historiæ diuulgatæ contra huiusmodi vocabuli rationem prodita sunt, nihil solidi afferre demonstraui, quo minus vetus & tam diu recepta Brytanniæ Etymologia vera esse possit. Polydorus enim à Bruto eam sic denominari non putat, hac potissimum coniectura ductus, quod tunc potius Brutannia quam Brytannia (Latini sermonis Etymologia id nimirum exigente) dici debuisset, si à Bruto denominaretur. At ego ipsum rursus interrogauerim, cur non consilium potius quam consiliium dicimus, cùm à consulendo deriuetur. Tametsi in locorum hominumque nominibus, præsertim ab exterarum linguarum origine

ne deriuatis, latini sermonis analogia non est tam curiosè obseruanda. Huius tamen vocabuli analogia & ratio satis ad amussim reddi potest. Nam quamuis sic scribatur Brutus tam Latinis quàm Brytannis, non eo tamen apud Brytannos sono, quo apud Latinos effertur, verùm medio quodam inter e, & i, vt in hijs vocabulis Brytannicis (mût) pro muto (vn) pro vno : quod cum hæc à quouis Brytanno proferri audies, clariùs deprehendetur, quàm vt literis explicari possit: Et ideo apud Brytannos Cambrenses, pro y, plerumque vsurpatur v, vocalis, vnde cum sic sonetur Brutus vt (Brytys) hinc conuenienti ratione Brytannia vel Britannia dicta est hæc Insula Latinè, & Brytānicè (Brytain) vt Lyndain, Rhyuain, apud eosdem pro Londino, Roma, pari analogia. Et magna item est apud Latinos etiam harum vocalium v, & i, affinitas, vt optūmus, decūmus, inclūtus, à veteribus dicerentur, quæ nunc optimus, decimus, inclitus dicuntur. Sūlla olim qui nunc Silla dicitur, & innumera huiusmodi alia. Neque nouum est quod alia vocalium in alias transeunt, in eisque sæpè vocabulis, prout temporis mos obtinet, nedum in deriuatis, maximè ab extera quauis lingua. Vnde & Grecè *Βρεταννία* dicitur hæc Insula, per e, in prima, cum Latini per i, & Brytanni per y, primam eiusdem scribant. Quare nihil obstat hæc argutia Polydori, quo minus à Bruto Brytannia dici possit. Instat tamen Polydorus, & ait, quemadmodum Ludouicus Viues obiter suo de Disciplinis libro, vbi de historia tractat, perstrinxit, neque Liuium, neque Dionysium Halicarnassensem, suis libris vllam de Bruto mentio-

Londini & Ro-
mæ vocabula
Brytannica.

F.

nem

nem fecisse, qui Siluij eius nominis primi Latinorum Regis filius foret. At non hinc statim conuincitur, nullum huiusmodi fuisse. Nam vt talem fuisse eius filium non commemorant, ita nullum habuisse filium præter Siluium haud prorsus asseuerant. Quod si alteruter horum affirmasset, id denique pro solido argumento in nos retorqueri poterat. Verum nunc, vt concedam quicquid ab eis affirmetur, pro verissimo haberi, quod ab omnibus tamen concedi non video, vsque adeò tamen eorum authoritati quantumuis magnæ deferendum non censeo, vt quicquid item ab eis circa res de quibus agunt, intactum relinquitur, id continuò vt falsum & fictum habeatur. Quis etiam ignorat hos authores, videlicet Liuium & Dionysium in id potissimum incubuisse, vt eos duntaxat commemorarent, qui è Regia stirpe prognati regnum in Latio obtinuerant, è quibus Romani ipsi genus suum traxisse dicerentur? Nam quos filios liberòsue præterea quisquis habuerit scribere non profitentur, tantæ tamen obscuritatis illud vel tunc temporis erat, vt Siluium ipsum illius gentilis nominis principem, ille Ascanij, hic Aenææ ex Lauinia filium, diuersa inter se opinione affirmet. Deinde Liuius pro certo affirmare non audet, hiccine fuerit Ascanius an Maior quàm hic, Creusa matre Illo incoluminar⁹, qui & Iulius dictus est. Quis enim (inquit) rem tam veterẽ pro certo affirmet? Quod si Regum ipsorũ qui ex Siluiorũ familia oriundi erant, de quibus potissimum scribere instituerant, vsq; adeò ignari fuere, quid mirum si Brutũ Siluij illius filiũ, quem vtpote Latinorũ regno minimè potitum,

potitum, nihil ad rem de qua potissimum agere institu-
erant, facere viderent, intactum reliquerint. Verum ut
Romanis curæ potissimum erat, gentis suæ Principes
enumerare, Sic non absimile vero videtur, Britannos
suæ gentis authores non minori cura obseruasse, & po-
steris per manus tradidisse, vel saltem scripto commen-
dasse. Sed hic nobis obijciat forsan alius: Si vel fama a-
liqua huiusmodi de Bruto, qui Romanus origine fue-
rit, quum Cæsar hic ageret, in ore vulgi agitata fuisset,
id ipsum Cæsarem & rescire oportuit, & hoc Cōmen-
tarijs suis proderet minimè omisisset: Cui sic respōsum
velim: Si Beda & Polydorus, qui in Insula Britannica
perpetuò commorati, tam absurdè tamen lapsi sunt in
primis huius terræ Incolis asserendis, ut à quouis rerū
Britānicarū sciolo redargui possint, (quod paulò infe-
rius manifestū fiet) dum vel vulgares historias vel Bri-
tannorum ipsorum Annales ea in re cōsulere dedignā-
tur, multo potius Cæsar, huius rei de qua nūc agimus,
ignarus esse potuit, tum ob eius in Britannia moræ bre-
uitatem, tum Brytannicæ imperitiæ lingue, atque in-
super ob negotiorum ei⁹ magnitudinē, ut ei neque licu-
erit per id tempus quo hic agebat, aliquos ex Britānis su-
per ea re cōsulere, neque ob eorū, quos Barbaros re-
putabat, contemptū, libuerit tanti æstimare, ut eos tam
familiari alloquio dignaretur, vel quod adhuc verifi-
milis est, memoriæ non occurrebat, omnia percon-
tari quæ ad gentis Brytannicæ pertinerent origi-
nem, dum in Brytannia versaretur, quæ postea suis
Commentarijs testata relinqueret. Verum cum
Commentarios lōgè post abitū suum è Britannia cō-

posuerit, ut ex Suetonio liquet, suam ipsius coniecturam sequutus fuisse videtur, ubi primos Britanniae Incolas à Gallia ortum habuisse testatur: Quod quia & vero non absimile foret, si quis coniecturis tantum agat, & à tantæ auctoritatis viro proditum, Diuus Beda libenter amplexus idem asserere non dubitauit. Deinde aliquot alij hinc maioris erroris occasionem haurientes, non solum è Gallia primos Incolas huc transmigrasse, quod ab historia Britannica non abhorret, verum quum Britannos aliquot in Gallia iamdudum residere intelligerent, ex hijs primos terræ Incolas extitisse ac nomen Britannie Britanorumque tam terræ quàm genti indidisse asseuerarunt. Quod quàm vanum sit & ridiculum statim edocbitur. Verum interim ne quid præteream quod ab aduersarijs in re controuersa obijcitur: Nihil inquit Polydorus tale quod de Bruto iam circumfertur, vel Britannorum Annalibus prodi Gildæ temporibus poterat. Ad quod quidem asstruendum hæc ex suo Gilda subijcit: Illa tamen proferre conabor in medium quæ temporibus Romanorum Imperatorum Britannia & passa est & alijs intulit Ciuiibus mala. Quantum tamen potero non tam ex scriptis Patriæ, scriptorumue monumentis, quæ vel si qua fuerint, aut ignibus hostium exusta, aut Ciuium exilio classe longius deportata, quàm transmarina relatione, quæ crebris interrupta intercapedenibus etiam non satis claret. Quid obsecro causæ est (mi Polydore) quod paulò præcedentia non citas ex eodem tuo Gilda, ubi scribit: Se consultò omittere priscos gentis communes tamè cū ceteris errores, patriæque porteta, vetustosque Immanium Tirannorum annos. Nonne hijs palam proficitur

fitetur se consultò præterire, quæ ante Romanorum tempora gesta fuerant? Neque id ob eorum ignorantiam fecisse inde constat, quòd præcos gētis errores, patriæque portenta, vetustosque immanium tyrānorum annos ait se cōsultò omittēre: Quo pacto errores, portenta, Tyrannos illis exprobraret, nisi talia fuisse apud eos aliquo modo rescivisset? Imò ex eorum monumentis siue scriptis multa hausisse oportuit, si saltem vera scripserit, vbi ait, hæc (de Brytannia loquens) erecta ceruice & mente ex quo inhabitata est, nunc Deo, interdum ciuibus, nonnunquam etiam transmarinis Regibus & subiectis ingrata cōsurgit. Nōne hinc liquet aut se hæc omnia de suo effinxisse aut vidisse historias aliquas huius Insulæ, iam inde à primo eius incolatu, quum dicat, hæc erecta ceruice & mente ex quo inhabitata est? Si talem fuisse reuera sciebat, ex quo inhabitata est, Insulam, id ex scriptis aliquot patriæ seu veterum monumentis eum didicisse oportuit. Non igitur scriptorū inopia, sed consultò, quæ ante Romanorum aduentum contingere, præterijt, ne quid de florentibus facile crediderim Insulæ rebus gloriosum prædicare cogere-tur. Si verò nesciebāt tales fuisse illius terræ mores iam inde à primis incolis, se vanum fateatur oportet quisquis fuerit, qui ea, quorum ignarus prorsus esset afferit: Hæcque omnia de suo commētum fuisse in gentis terreque ignominiam, In altero videlicet sibi nequam constans, in altero mendax assertor deprehensus. De quo postea pluribus. Hactenus de hijs quæ ab aduersarijs contra Brytanniæ vulgatam Etymologiam obijci queant sit dictum. Iam quomodo eorum

de huius vocabuli ratione sententia constet dispiciamus.

Polydori opinionis de primis Brytanniæ incolis conuulsio.

Beda.



Lla enim opinio, quam Polydorus ex diuo Beda colligere videtur, facillimè reijci potest: Beda enim ad hūc modum scribit: In primis autem hæc Insula Brytones solūm, à quibus nomen accepit, incolas habuit, qui detractū Armorico (vt fertur) Brytanniā aduecti, australes sibi partes illius vendicarunt. Hæc verba D. Bedæ, si de traiectu Brytannorū ex ea parte Galliæ, quæ Armorica dicitur, vtpotè aduenarum illac trāseuntium intelligantur, cū veteri Brytonū historia satis conuenire videntur: Nam & hinc Brutum cum socijs primūm traiecisse, & hanc Insulam petijisse eadē affirmat. Cuiusmodi interpretatio multò æquior videretur, vtpotè quæ authores inuicem conuenire faciat, quàm altera. Verūm si quis ea sic interpretetur, vt Polydorus & item Pomponius Mela primos videlicet huius Insulæ habitatores ex Armorici ciuitatibus esse oriūdos, eosdēmq; (quum Brytanni vocarentur) vt frequētiores huius terræ aduenas, nomē Brytanniæ huic Insulæ dedisse, parū mihi vera dicere videbitur: Nam sic Armoricanos longè, priusquā hæc Insula Brytānia diceretur, Brytānos appellari debuisse quis non videt? At id secus se habere compertissimum erit, si quis aduertat, quod hæc Insula Brytānia & eius incolæ Brytāni, longè ante Iulij Cæsaris tēpora, quip-

Pomp. Mela.

pe mille sexcētis ab hinc annis appellabantur, quos etiā idem Cēsar suis temporibus in Insula natos memoria proditum esse affirmat. Cēterū Armorica, nè sexcentis quidem annis à Cēsaris Monarchia, vt eiisdē Cēsaris commētarijs, Ptolomeo & alijs scriptoribus perspicuē liquet, aut vlla sanē Gallię pars Brytannię nomen acceperat. Ast oportebat vt prius essent in Gallijs Brytanni antiqui, quā in hac Insula, vt illi hijs nomen dedisse viderētur, id quod à nullo authore fide digno asseritur. Atq; hoc ipsum virum non minus doctum quā præclarum Equitē Eliotum etiam obseruasse video in sua Eliotus bibliotheca, qua cū prius & ipse essem opinione, idq; tam literis quā sermone, amicis aliquot aperuissem, eò impēsius meo in ea re iudicio fidebam, posteaquam idem ab alijs viris eruditis approbari comperi.

Quod Brytanni continentis, ex huius Insulæ Brytannis, non econtra hij ab illis originem sumpserint.



Erūm nunc locus commodē exposcit, vt quo primū tempore, quæ nunc Brytannia minor dicitur, pars Galliæ dicta est Brytannia, & à quibus ostendam.

Hinc enim & prædicta opinio de Brytannię nuncupatione à Polydoro inducta, clariū conuelleretur, simul & illud demonstrabitur: minimē videlicet admirandum fuisse, nec Brytannorum ignauia commissum esse putandum, quod à Romanis totum orbem proterentibus primū militari robore spoliati, à Scotis

à Scotis, deinde & Pictis afflicti, tandem à Saxōnibus detriti potius quàm deuicti fuerint. Nā qui primū in Armorica sedes posuere Brytanni, ab hac Insula partim Constantini cognomento Magni, partim Maximi Tyranni auspicia sequuti, eò commigrarunt, ac ibi rerum potiti victricis Insulæ nomen, deuictæ Regionculæ imposuerunt. Quod VVillielmus Malmesburiensis ad huncmodum scribens testatur. Constantius (vt aiunt) vir magnæ ciuilitatis, Constantinum ex Helena stabularia susceptum, egregiæ spei iuuenem reliquit hæredem: Qui ab exercitu, Imperator consalutatus, expeditione in superiores terras indicta, magnā manum Brytannorum militum abduxit, per quorum industriam, triumphis ad vota fluentibus, breui rerum potitus, emeritos & laboribus functos, in quadam parte Galliæ ad occidentem, super littus Oceani collocauit, vbi hodièque posteri eorum manentes (immanè) quantum coalūcere moribus, linguāque non nihil à nostris Brytonibus degeneres. Et mox sequitur: Succedentibus annis in eadem Insula, Maximus, homo Imperio aptus, si non contra fidem ad Tyrannidem anhelasset, quasi ab exercitu impulsus purpuram induit: Statimque in Galliam transitum parans, ex prouincia scilicet Brytānia, omnem penè militem abrasit. Constans etiam quidam non multò post ibidem spe nominis Imperator electus, quicquid residuum erat militaris roboris exhaustit. Sed alter à Theodosio, alter ab Honorio interfecti, rebus humanis ludibrio fuere. Copiarum quæ illos ad bella sequutæ fuerant, pars occisa, pars post fugam ad superiores Brytannos concessit.

Ita

Ita cum Tyranni nullum in agris præter Semibarba-
ros, nullum in urbibus præter vètri deditos reliquissent, Forte Semibar-
batos.
Britannia omni patrocínio militaris vigoris viduata,
omni exercitio artium exinanita, conterminarum gen-
tium in habitationi diu obnoxia fuit: Scotorum scili-
cet & Pictorum primò, deinde Saxonum in auxiliũ
contra hos accitorum. Ad hæc Henricus Huntingdo-
nensis ad hunc modum in ipso ferè suæ historiæ limi-
ne ait. Britones vero quos Maximus secum abduxerat
in Gallia Armorica vsque hodie remanserunt, vnde & H. Huntingdo-
nensis.
Britones Armorici vocantur, à quibus spoliata emar-
cuit Britannia. Et constat hunc Henricum cum hæc
scriberet, non vidisse Gaufredi translationem, vti supra
demonstratum est. Deinde Giraldus supra memoratus Giraldus Cam-
brensis.
in descriptione Cambriæ sic ait. Tertia pars Britonum
extãtium, quæ Armoricum australis Galliæ sinum ob-
tinuit, non post Britanicum excidium, sed lōgè ante à
Maximo Tyrãno trãslata est, & post multos & graues
quos Britannica Inuentus cum ipso sustinuit bellicos
sudores, vltimis hijs Galliarum finibus, Imperiali mu-
nificentia est remunerata. Gildæ item libellus de quo
supra memoraui, qui apud me extat, de ea re in hanc
sententiam habet. Septimus Imperator regnavit in
Brytannia dictus Maximianus, (sic enim ab ipso no-
minatur, qui ab alijs Maximus) ipse perrexit cum om-
nibus militibus Britonum à Britannia, & occidit Gra-
tianum regem Romanorum & imperium tenuit to-
tius Europæ, & noluit dimittere milites, qui perrexe-
runt cum eo à Britannia, neque ad vxores suas, neque
ad filios suos, neque ad possessiones suas. Sed dedit illis

G.

multas

multas regiones à stagno quod est super verticem montis Iouis, vsque ad ciuitatem quæ vocatur Cantiguic, & vsque ad cumulum occidentalem. i. Crûcochidient. Hij sunt Brytones Armorici, & nunquam reuersi sunt ad proprium solum vsque ad hodiernum diem, propter hoc Brytannia occupata est, & ciues eius expulsi sunt: Haftenus ille. Hinc Geruasius Monachus Cantuariensis fidelis & diligens historicus, qui co degit Monasterio, quo maxima tam huius Regni, quàm aliorum librorum copia abundabat, ad hunc modum scriptum reliquit. Maximianus itaque nepos Coeli, auunculus Helenæ, sed matre & natione Romanus, quem Beda Maximum vocat, regnum obtinuit. Hic minorem Brytanniam, expulsis indigenis impleuit Brytonibus, eamque Conano Meriadoco nepoti Octauij dedit. Quæ omnia cum recepta historia conueniunt. Deinde Gildas ipse quem Polydorus euulgatum curauit, quisquis erat, postquam de Maximo mentionem fecerat, & quod idem Brytannorum ope secum educta imperium Romanum Gratiano & Valentiniano eripuerat, sic scribit. Exin Brytannia omni armato milite, militaribus copijs, Rectoribus licet immanibus, ingenti iuuentute spoliata, quæ comitata vestigia supradicti Tyranni, domum nusquam ultra redijt, & omnis belli vsque penitus ignara, duabus gentibus transmarinis vehementer sæuis, Scotorum à Circio, Pictorum ab Aquilone, calcabilis, multos stupet gemitque per annos. Quod quum huius libelli Author affirmet, Brytanniam sic militari robore spoliata, mirum est quod id postea vi-

cio

cio genti Brytannicæ vertere non erubuit, quod ab
exteris deuicta postmodum fuerit. Adde quod Ioan-
nes Anglicus, Aluredus, & Radulphus Cestrensis
summo consensu in hoc conueniunt. Ipsi denique
Brytanni Continentis, etiam nunc ingenuè agnos-
cunt, se ex hac Insula oriundos esse, quod & lin-
gua eorum non multum à Cambrica discrepans
palàm facit. In Brytannicis quoque antiquitatibus
in libello qui Triadum inscribitur, hoc habetur.
Quod tres quidem exercitus selectorum hominum
ex hac Insula profecti sunt, qui nunquam rediêre,
Primus sub quodam Irpo extero quidem Duce, qui
miro astu à Brytannis subsidium corrogauit: Se-
cundus cùm Helena Constantini matre & Conano
eius fratre abiit: Tertius, cum Cassiuellauno & Gue-
none & Guauaro exiit, & in Aquitania consedit,
vnoquoque exercitu viginti vna millia militum ha-
bente. Attamen alius recessit (vtibi etiam habetur)
exercitus, vtrisque hijs penè solus comparandus, vide-
licet qui cum Maximo Augusto in Armoricam Bry-
tanniam abiit, & inibi consedit: Hinc quoque Cona-
nus, quem Maximus ille huic turbæ præfecerat, trans-
misit ad Diuotum Cornubiæ principem, vt Vrsulam
virginem eius filiam in sponsam habere posset: Quæ
vndecem millibus virginum comitata, maritimo iti-
nere intercepta, Colonia, vbi etiam nunc earum me-
moriam sacrosancta habetur, Martyrij palmam ob ca-
stitatis fideique excellentiam accipere meruit. Præterea
post hæc, quadraginta millia aliarum foeminarum eò
transmissa fuêre, vt connubio Brytannorum, qui sub

G.ij.

Conano

Conano in Armorica Brytannia degebant, iungerentur, quæ nunquam in Insulam hanc rediêre. De virginibus iam dictis, Ecclesia Brytannica, iam inde ab earum excessu memoriam celebrare non destitit. Cætera verò ex antiquissimis Brytannorum monumentis excepi. Neque hæc tantum Insulæ huius exinanitionis causa fuêre, quin & Romani principes per quadringentos plus minus annos, quibus hæc Prouincia illorum subinde sensit Tyrannidem, infinitam militum manum hinc ad eorum vota, ambitiososque conatus explendos, secum pro libito transtulêre, qui partim bello cæsi, partim in longinqua delati, nunquam rediêre. Quo factum est, vt quamprimùm Romanorum imperium declinare cœpit, adeò vt prouincias suas aduersus barbararum gentium incursus tueri nequirent, non modo hæc Insula, sed & Gallia atque Hispania ciuibus suis strenuioribus spoliata & exanita, barbaris gentibus, qui Romanorum tyrannidem minimè antea sustinuerant, prædæ fuêre. Nam Brytannia Saxonibus, Gallia Francis, Hispania Vandalis & Sueuis, Aphrica item Vandalis & orientis prouinciæ Herulis, Ostrogothis & Hunnis pariter direptæ cesserunt. Germania verò, quæ imperium Romanum nullatenus, vel non in vniuersum perpeffa est, vel si qua eius pars aliquando senferit, delectum ex suis habitum in exteris quidem regiones à Romanis deduci non patiabatur (vt ex Tacito videre licet) suum ius omnino retinuit. Quemadmodum & Scoti, Dani, alięque gentes quæ Romanam dominationem euaserant. Quare non magis hoc Brytannis vitio verti debet, quàm Gallis

Gallis, Hispanis, imò ipsis Italis, qui Longobardos in suas sedes tunc quoque admiserunt. Vsq̃ue adeò Romanorum ambitio & auaritia, quaquaversum imperij fines prolatauerant, dum tyrannidem suam tam grauem mortalibus reliquis tueri studeret, omne omnium prouinciarum robur contriuerant & exhauscerant. Sed ad institutum redeamus. Ex hijs quæ præmisimus satis constat, Brytannos Armoricanos, ex nostris oriundos esse, nec ab illis nostram Brytanniam nomen sumpsisse, neque (si coniecturis tantummodò agatur) verisimile est, vt pars maior, quæ in hac Insula semper Brytannorum fuerit, à minore descenderit. Quare neq; in D. Beda, si ita vt Polydorus interpretatur senserit, refellendo, nec Polydori opinione pluribus improbanda, diutiùs immorari equidem duxerim, maximè cum nemo tam ignarus sit antiquitatis, qui Armoricæ Brytannicæ incolas ex nostra hac Brytannia oriundos esse non videat: Quod quum ita sit, necesse est, vt ratio à Polydoro reddita de Brytanniæ vocabuli origine, minimè probetur, vtpotè, qui asserat ex D. Bedæ autoritate aut sententia perperam intellecta, (quod magis arbitror) Brytannos Armoricanos vt frequentiores aduenas in hanc Insulam, nomen & genti & Insulæ Britannicæ dedisse. Quod si D. Beda alijs quæ eius opinionem sequuti aliquot, in hac Insula oriundi & perpetuò immorantes, de primo terræ incolatu tam manifestè lapsi fuerint, quid mirum si & Cæsar & Cornelius Tacitus, exteri quidem homines, quorum huic nunquam visere solum, illi verò nec morum facere, nec linguam indigenarum addiscere licuit

Tacitus ait Bri-
tannos linguam
Romanam vel
suo tempore
abnuere,

aut libuit, Britannis rursum, teste eodem Tacito, linguam Romanam vel suo tempore etiam abnuentibus, id penitus ignorauerint. Quare refutatis abundè (mea quidè sentètia) hijs quæ ab aduersarijs contra veterem Britannia Etymologiam producuntur, eatenus saltem quaten⁹ nemini videatur vero dissimile, vt à Bruto sic denominaretur, pauca deinceps, mihi iure dicenda esse puto, quibus eam à Bruto nomen desumpsisse, non absurde affirmatum asseuerem, idque argumentis aliquot verisimilibus, quatenus tam vetusta comprobari possint, ostendere pro virili conabor.

Quod à Bruto Britanniam denominari verisimilius sit, etiamsi historia recepta nullo penitus loco haberetur, quàm ex aliqua alia ratione, quæ ab huiusmodi historiæ aduersarijs adducitur.



Ideo equidem nonnullos viros, sanè non minus ingenio quàm Doctrina præstantes, persuasissimum habuisse, eam Brytannia Etymologiam à Bruto deductam minus veram esse, plurimum in hoc ipsum elaborare, vt aliquam rationem aliam commodiorem aptiorèmq; huius vocabuli ex literis partim græcis partim Latinis eruant & in publicam proferant. Verùm quia nihil ob stare quo minus

min⁹ vetusta nominis etymologia vera esse possit, ut
 ut eade redubitent, superius demonstratum est, multò
 certè humaniùs item & rectiùs, tum à me tum ab ip-
 sis factum iri puto, si eò indagacionis nostræ studium
 potiùs inclinemus, quo recepta & tam inueterata no-
 minis etymologia confirmetur, si quo modo id fieri
 possit, quàm cōtra, ut indefensa & omni patrocinio de-
 ferta destituatur. Adeò enim temerè, quæ hominum
 memoria dūtaxat non item literis diu iactata sunt, reij-
 cienda non cēseo. Neq; id quod satagunt, dum ex Græ-
 cis quidem aut Latinis duntaxat, eius vocabuli ratio-
 nem exquirere laborant, cōmodè (mea quidē sententia)
 aggredi videntur: Quum potiùs petēda sit cuiusq; no-
 minis etymologia, ab ea demùm gentis lingua, quæ id
 nomē cuiq; rei primùm indiderit, & non alia. Et certū
 est primos huius terre indigenas vel aduenas priùs no-
 men ei dedisse, quàm vel Romanis vel Græcis cognita
 fuisset, cūmq; constet Brytannos Cambrenses, qui iam
 V Valli dicuntur, primos huius fuisse terræ incolas, &
 multis annorū centenarijs ante Romanorū vel nomen
 auditū hic floruisse, à quib⁹ potiùs est petēda huius vo-
 cabuli ratio quàm ab illis? Præsertim cū eos linguā pri-
 scam p omnia penè incorruptā & impermixtā iam inde
 ab initio retinuisse superius demonstratū sit. Et primū
 Brytannia nè an Albion priùs dicta sit, dubitari video.
 Ego sanè Brytanniam priùs dictam esse quàm Albion
 facilè crediderim hāc Insulā, quod hæc primas obtinet,
 & semper obtinuisse credenda est, ob eius eximiā præ-
 stantiam inter eas quæ vocarentur Brytannicæ. Et hoc
 cōmune vocabulū ut Brytannicæ appellaretur generali
 vocabulo

Brytannia nè an
 Albionis anti-
 quius nomen.

vocabulo omnes, à maxima illustri & præcipua earum mutatas esse. Id quod confirmare mihi videtur Cæsaris autoritas, qui Commentarijs suis hanc Insulam semper Brytanniam, nusquam verò (quod meminerim) Albionem appellet. Et quum Brytania hæc prius dicta sit, tum cæteræ adiacentes hac minores Insulæ veluti huic appendices, vt ex Plinio, Ptholomeo, & alijs liquet, ab hac velut digniore, Brytannicæ dictæ sunt omnes. Deinde hæc ad differentiam reliquarum Albiō speciali vocabulo dici cœpisse videtur, ex aliqua ipsius terræ similitudine vel proprietate præseferente. Atque id maximè, vt credam, hoc etiam inducit, quòd nulla vnquam cæterarum Brytannia dicta sit speciali vocabulo præter hanc solam, quæ postquam idem nomen cæteris communicarit, specialiùs aliquod sibi asciscere necesse habuit, vt à cæteris internosceretur. Nec ideò absurda videri debet verus traditio, quæ ipsam ab albis littoribus sic dictam fuisse affirmat, nihilo absurdiore vocabuli etymologia, quàm qua Alpes, quæ nunc dicuntur Italiæ montes, ab ἀλφειο grecè, quod albus significat, eò quod perpetuis niuibz albescant appellari, & olim Albia etiam dici, teste Strabone, proditum est. Etsi Albionis vocabulum græcam analogiam, quū à Romana potius lingua deriuetur, præseferat. Neque id citra exemplum factum esse videtur. Nam trans Libium erat ager (vt Iustinus habet) qui Albiona dictus est, quod in eo bos alba sacrificari solebat. Qua item nota, hæc à reliquis communi tum nomine appellatis Insulis potius discerneretur, quàm ex ea qualitate siue specie, quæ se primam intuentium oculis offerebat,

nempe

nempè alba? Britanni quoque ipsi etiamnū sua lingua (y wen ynys) .i. albam Insulā inde appellāt: Fabula verò illa de Albina alijsq; eius Sororib⁹ è Græcia huc ap-
pulsis, mihi quidē nō probatur, nec in historia Britānica
habetur: Tametsi satis credibile sit, hāc Insulā ante Bru-
ti aduentum, imò statim à Nauigiorum vsu reperto à
Græcis aliquot, quū ab eis nauigij, vt cæterarū pene re-
rum omnium prima adinuentio (vt plerique affirmāt)
orta sit, potius quā ab alijs inhabitatam fuisse, idque nō
paruo argumēto esse debet, quod Solin⁹ scribit de Bri-
tānia in hūc modū: Oētingētis enim & amplius milli-
bus passuum porrigitur lōga, ita vt eam in Caledonicū
vsque angulū metiamur. In quo recessu, Vlissēm Ca-
lidoniæ appulsum, manifestat Ara græcis literis inscri-
pta voto. Hæc ille. At vt Vlissēm sic & alios simili vel
errore, vel nouas terras indagandi studio ductos, hanc
Insulam statim à Nauigij vsu reperto adiisse, nec tam
vberem & temperatam, incultam omnino reliquisse
verisimile quidem est, nec tam Galliæ accolæ, tam-
etsi eam in conspectu habuerint, quū locorū amplitu-
dine pro libito, vt credēdum est, tum gauderent, quā
Græcos, inter quos (vt sæpè iam dictum est) nauigij v-
sus primum vigere cepit, huc primum appulisse. Quā-
obrem si constaret hanc Insulam prius Albionem quā
Britanniam dictam fuisse, hoc nihil præiudicij receptæ
nominis huiusmodi etymologiæ adferre, quin ab ἄλφος
quod græcè album sonat, vel ab Albi romano vocabu-
lo, Soli albedine id nomen exigente, dici possit. At hic
mirari Subit, vnde Perottus acceperit Albionis voca-
bulum ab Albione Neptuni filio deductum esse, quā.

uis Mela talem ab Hercule in Gallia cefum esse scribat? Nec Plini⁹ id quidē mihi aſtruere videtur quod Eliot-
tus de Albionis vocabulo ſcribit, videlicet quod Albion
antiquius quā Britāniæ vocabulū ſit: Quin potius op-
poſitū, videlicet Britānias has dictas fuiſſe Inſulas om-
nes, priuſquā hæc Albiō diceretur. Plini⁹ enim ad hūc
modū ait: Albiō ipſi nomē fuit, quum Britannia voca-
rētur omnes. Nōne ex hijs verbis hūc ſenſum quis po-
tius eliciat, quod quū Britannia vocarētur omnes inſu-
læ, quæ in mari Britānico vel circa Britāniā ſitæ eſſent,
ad differentiā huius à cæteris, hanc poſtremo Albionē
dictam eſſe, quā vt Albion dicta fuerit, priuſquam
Britannicæ dicerentur omnes? At ſi conſtaret Albionis
nomen quā Britāniæ antiquius eſſe, quod mihi qui-
dem non videtur, mihi tamen recepta vtriuſque voca-
buli Etymologia magis arridet, vtpote quæ & hitoriæ
fidem, & inueteratam vtriuſque vocabuli rationem
ſtabilit: Britanniam videlicet à Bruto, & Albion ab al-
bis rupibus denominatam fuiſſe. Ad quæ quidem con-
firmanda, eſſi ſatis videri debet hitoria ipſa tam diu
recepta, præſertim quando nihil obſtare, quo minus ſic
dici rite poſſit, ſuperius oſteſum eſt. Aliqua tamen ad-
minicula, eſſi non plena documenta ex hijs, quæ paſ-
ſim de ea re ſcripta comperi, in medium adducam. Pri-
mum quidem omnes tam hitoriæ, quā Chronica
Britannica, quæ eſſi cum Gauſfredi translatione non
per omnia omnino conueniant, in hoc tamen ſummo
conſenſu conſonant, quod à Bruto Britannia dicta ſit,
quodq; iſ ex Troianis originem traxerit. Thalieſſinus
item & Merlini Brytānicæ Poëtæ (vt ſupra retulimus)
quos

quos ante mille plus minus annos floruisse constat, suis carminibus Brytannos Troianorum reliquias Brutiq; nepotes subinde appellant. Quod equidem non tam ingentis gloriam cōmemoro (quæ etenim laus à victa sedibúsq; suis pulsa hominū colluuiæ originem traxisse) quàm vt fides veteris historiæ à calumnia vēdicetur. Et ne quis loca desideret vbi hæc habeantur. Thaliessinus quidem in odula quam de suis erroribus composuit sic inscripta Brytānicè (Hānes Thaliessin) videlicet errores Thaliessini, ait, setandē diuertisse ad reliquias Troiæ, videlicet ad Brytannos, sub hijs quidē verbis (Mi a deythymyma at V Vedillhion Troia.) Neq; dubitādū est hoc fuisse opus Thaliessini: Nā præter innumeros codices vetustiss. qui inscriptionem huiusmodi attestētur, nullo reclamāte, null⁹ est recētiorū qui vel phrasim illiustam antiquā, carminisue maiestātē hæctenus assequi potuit. Et ideo sūmus ille vates inter Brytānos cēsetur & nominatur. Certū quoq; est, & ab historijs omnib⁹ in cōfesso habetur, quod à Troianæ vrbs clade, quo totus penè orbis aut subsidij, aut obsidionis gratia confluxerat, homines inde vt apum examina in diuersas mundi partes dimanauerint, & præcipuè Europā nouis accolis impleuerint. Vnde Giraldus sēpè dictus ad hūc modū scribit. Tres etenim populi, Romani Aenea duce, Franci Antenore, Brytones Bruto, post Troianum excidiū reliquiæ Danaūm atq; immitis Achillis ab Asia in Europā varias ad partes profugerunt. Et ad confirmandam originis huiusmodi rationē, mox subdit, quòd gens Brytannica primæua gentis suæ vocabula & originalis linguæ, scilicet Græcæ, proprietatem

Giraldus:

H. ij.

abun-

abundantiùs cæteris retinuerit, qualia etiam nunc inter Brytannos inuenies. Vt Oeneus, Rhesus, Aeneas, Hector, Achilles, Heliodorus, Theodorus, Ajax, Eudæder, Vlisses, Helena, Elissa, VVendoloena, & alia multa in hunc modum antiquitatem redolentia, præcipuèque obseruandum esse dicit, quòd pleræque linguæ Brytannicæ verba, Græcæ proximè accedunt, quod in vocabulìs numeralibus, quæ vtpotè in ore omnium assiduè trita, luxationi minus obnoxia essent, obseruauì: Nam (dec) nostri, quod Græcè δέκα, & (vnde) quod illi, εὐδέκα (deudec) quod illi δάδεκα (vgein) quod illi εἴκοσι, & nonnulla alia huiusmodi quæ à Græca primum deriuari viderentur. Deinde idem Giraldus libro suo de Cambriæ descriptione in hæc verba ait: Brutus etenim mediantibus auo Ascanio & patre Siluio descendens, & Troianorum reliquias qui in Græcia detenti fuerant, in occidentalem hanc Insulam ducens, cum annis non paucis foeliciter regnasset, & tam terræ quàm genti de suo nomine nomina dedisset, in extremo tandem positus articulo, tribus filiis suis regnum Brytanniæ totale dimisit, primo & primeuo scilicet Locrino, medium illud & meditullium inter Humbrum & Sabrinam, quod & ab eius nomine Loegria vocatur, Iuniori verò Albanacto, totam trans Humbrum Insulæ partem, quæ & ab eius nomine Albania dicitur: Medio verò, scilicet Cambro, totam trans Sabrinam regionem, quæ similiter & ab eius nomine Cambria nomen accepit. Hinc igitur propriè & verè patria Cambria, hinc patriotæ Cambri dicuntur vel Cambrenses: Eorum autem, qui, Kymraeg, linguam

Cam-

Giraldus.

Nota vt conuenit cum Thalesino de origine Brytannorum.

Loegria.

Albania.

Cambria.

Cambri vnde dicuntur.

Cábricam, à Cam græco, hoc est distorto græco, propter linguarum affinitatem, quæ ob diutinam in Græcia moram contracta est, dictam asserunt, probabilis & verisimilis est, minùs tamen vera relatio. V Vallia verò non à V Vallone Duce, vel V Vendoloena Regina, sicut fabulosa Gaufredi Arthuri mentitur historia, quia reuera neutrum eorum apud Cambros inuenies, sed à Barbarica potiùs nūcupatione nomen istud inoleuit: Saxones enim occupato regno Brytannico, quoniam lingua sua extraneum omne V Vallicum vocant, & gentes has sibi extraneas V Vallenfes vocabant: & inde vsque in hodiernum diem barbara nūcupatione & homines V Vallenfes, & terra V Vallia vocitatur: Hactenus Giraldus. Hæctam prolixa eò interserui, quod partium huius regni nomina, qua quidque ratione inditum est aperire, simul & illud ostendere libuit, ipsum videlicet Giraldum non adeò æquum fuisse Gaufredo, vt ad eius voluisset errata, sicubi manifestiora deprehendisset, conuiuere, eadèmq; irreprehensa percurrere, quando tam acriter inuehatur in ipsum Gaufredum ob tantillam rem, puta vocabuli huius (V Velch) originem minus verè redditam, quod citra exemplaris sui sententiam ipsum Gaufredum fecisse satis constat, qua in re vt vanum non immeritò illum confutat Giraldus. Polydorus in hoc confutandus & ipse, quòd primus huius etymologiæ author haberi postulat, quum hinc Giraldum ante trecentos annos quàm ipse proderet, eam reddidisse constet. Porro cum scribat Giraldus, quia neutrum horum apud Cambros inuenies, videtur legisse Prothotypon Bry-

H. iij. tannicum

Polyd. plagij
conuictus.

tannicum quòd Gaufredus transtulit, alioquin tam constanter asseuerare id noluisset, quòd tale quid in Cambrorum annalibus reperiri non potuit, quare meritò in hoc taxauit Gaufredum, qui id de suo adiecit, præter exemplaris sui sententiam, & in ea ideo parte, fabulosam eius historiam dicit, quum cætera probet penè omnia, nec vsquam alibi in Gaufredi translationem; nisi loco duntaxat memorato inuehatur. Et quum se Gildam potissimùm imitaturum, idem Giraldus in Prohemio iam dicti libri profiteatur, quoties id congruentis materiæ cursus exigeret, & nihilominus, eadem cum Gaufredo de Brytanniæ ac partium eius nominibus edisserens (quemadmodum ex hijs quæ supra diximus liquidò claret) per omnia sentit, in cæteris ferè conueniens, si quando ea quæ à Gaufredo prodita sunt suis in libris repetit, verisimile quidem est ipsum, & historiam Brytannicam perlegisse, & lectam atque perspectam approbasse, nec eam Gildæ quem se imitaturum profitebatur, contrariam existimasse. Præterea quemadmodum argumentatur Eusebius in præparatione Evangelica, Græcos literas suas mutuatos fuisse ab Hæbreis, eò quod literarum vocabula apud Hæbreos congruum aliquem sensum præ se ferunt, non itidem apud Græcos: Sic & mihi pari iure ratiocinari hac in re succurrit, quod vocabulorum tam hominum quàm locorum huius regni etymologia, à Brytannis potissimùm petenda sit, quippè apud quos ratio eorum aliqua congrua & conueniens reddi possit, non itidem in Latina siue quapiam alia. Quare si nihil præterea esset quod

cò

eò inclinaret, verisimilius quidem est, vt quemadmodum cæteris penè gētibus & regionibus plerisque Ducum, & ea loca primò occupantium nomina ad eorum rei que gestæ memoriæ perpetuandam indica sunt, vt apud Solinum & alios videre licet, Iouicam ab Ioue, Saturnium .i. Latium à Saturno, à Iapyge Iapygas, Tyrrhenos à Tyrrheno, à Phalero Phaliscam, Sicaniam à Sicano, Siciliam à Siculo, & infinita alia huiusmodi, ne singula prosequar, dicta esse constat. Ita & Brytanniam à Bruto gentis principe denominatam fuisse credendum est. Et eò credibilius quoq; est, quòd vel fama tam inueterata, nedum tot receptæ historiæ, huic rei patrociniatur. Non me latet varias quidem de hoc Bruto etiam antiquitus opiniones fuisse vnde videlicet genus duxerit: Vetus quidem libellus de quo supra mentionem feci, qui Gildæ nomine inscriptus, à me in V Vallia dudum repertus est, duas habet eadere opiniones, vnā scilicet vulgatam, quòd is Brutus Siluij posthumi qui quartus ab Aenea apud Latinos regnabat, filij Ascanij filius sit: Alterum, quia Brutum ipsum Hæssicionis cuiusdam filium fuisse dicebatur, qui quidem Hæssicion Alaunij filius, qui Fethebir, qui Ougomum, qui Thoi, qui Boib, qui Semeon, qui Mair, qui Aurthach, qui Eætheæt, qui Oth, qui Abir, qui Ra, qui Ezra, qui Izran, qui Baath, qui Ioan, qui Iabaath, qui Iouā, qui Iapheth, qui Noe filius esset, ex vetustis Brytonū libris etiānum haberi scriptor huius libelli asserit, quē ex tēporū in ea relatorū supputatione ante annos 700. inter viuos versatū esse colligo: Quæ hic int̄serēda ob antiquitatē nō ab re putavi, vt hinc occasio

sio detur alijs, si in antiqua monumēta huiusmodi inciderint, ea cum his cōferēdi, & quod verisimilius quidem illis videbitur præferendi. Parū sanè ad rem referre cenſeo, vtra harum opinionum vera sit, dummodo à Bruto saltē aliquo Brytanniam appellatam fuisse credatur. At hoc quidem plurimū referre arbitror, ad veteris historiæ fidem stabiliendam. Nam si nec Brytannia à Bruto denominata est, porrò nec illius partes ab huius filijs, quibus quaque sorte contigit, nomina accepere. Nec quicquam aliud erit in historia tota recepta, quod pari facilitate reiſci nō possit. Quare hætenus deſeruiſſe ſufficiat de Brytanniæ vocabulo. Nunc de vocabulis aliquot alijs pauca edifferam, ut vnā ostendam, quā turpiter aberrant, qui alicuius nominis etymologiam aliundè petunt, quā ab ea lingua quæ primū nomina illa quibusque rebus indidit.

De

*De Londino, quod idem sit quod olim
Trinouantum vrbs, quod à Polydoro
item denegatur, deque vtriusque voca-
buli etymologia, & quod Augusta di-
cta sit etiam olim.*



Primum de Londino, quod à Lud Re-
ge eius instauratore nomen accepisse vi-
deatur: A quo enim potius sic diceretur,
quàm ab illo, cuius nomen adhuc vna ex
portis ciuitatis expressè retinet, videlicet
porta Lud? Et ciuitas ipsa à priscis Brytannis ipsis Caer
Lud. i. ciuitas Lud, etiam in hunc diem dicitur, & sic
dictam fuisse ante octingentos annos, scripta Brytan-
nicè antiquissima testantur. Nec obstat quod à Poly-
doro affertur, vt videatur aliud esse à Trinouantum ci-
uitate, quod Cæsar nullam eius sub vocabulo Lun-
dini mentionem fecerit, vtpotè qui Trinouanti dunta-
taxat meminerit. Tacitus verò, Ptolomeus & alij poste-
riores Lundinij & item Trinouatij eo loci quo Lun-
dinum nunc est, siti, meminere, quin potius hoc fidem
vulgatę etymologię astruere videtur. Nam cum Lud
ille fuerit frater Cassiuellauni, qui tempore Cæsaris
imperio Brytannico præerat, & si memoriam sui pau-
lò ante in vrbs nomine celebrari iusserat, tam citò in
publicum vsum id deuenire nequaquam potuisse cre-
dendum est: præsertim Brytannis etiamnum agrè fe-

rentibus Trinouanti vocabulum obsolescere, ut aboli-
 et veteri appellatione Trinouanti, in nomen Luditam
 subito, hoc est Cæsaris iam temporibus, transiret, quin
 ut sit in huiusmodi nouis vocabulis paulatim tempore
 succedente, quod in Taciti, Ptolomei, & posteriorum
 tempora incidere, id nominis vires collegisse, & au-
 ctius esse, verisimile quidem est, & ideo ab eis Lundi-
 num appellari ceptum est, utque Trinouantium non
 aliter quam gentis circumcolæ meminerint, nempe
 quæ sunt nomen ex veteri urbis vocabulo adhuc reti-
 nebat: Nec quod Polydorus ex Tacito colligere videtur
 quicquam obstat, quo minus eadem censeatur urbs fuis-
 se Trinouantum, quod postea Lundinum dictum est.
 Scribit enim Tacitus, quod Suetonius domita Mōna
 Insula, transversis tramitibus Lundinum, ut ad tutio-
 rem locum aduolauerit, quod ipsum non facturū fuis-
 se, si oppidum Trinouantum patria fuisset, Polydo-
 rus autumat, quippe qui tūc defecerat: Hæc ratio pri-
 ma fronte cuius leuiter re percurrenti, grauis admodū
 videri potest, sed penitus introspicienti non item. Nam
 ut ad Cæsaris usque tempora Trinouantum firmissi-
 ma in Trinouantibus ciuitas æstimata erat, ut ex ipso
 videre est, sic posteaquam Mandubratio Cæsaris ope
 restituta est, inter ciuitates Cantiorum, quibus præe-
 rat Mandubratius, annumerari cepit, et si Regio con-
 termina Trinouantum nomen non amiserit, quam
 Essexiæ, & Suffolchiæ (ut nunc sunt) limites com-
 plecti, ex Ptolomei descriptione colligo. Qui post
 Ventæ Cimenorum (quam Norwicum esse autumo)
 mentionem factam, sic inquit: Et magis orientales pe-
 nēs

Vet. Cimenorū.

nès Thameſais æſtum Trinouantes ſunt. Hæc Ptolomeus: quod palàm facit, Polydorum plurimum in hoc errare, vbi ait conſtare, Trinouantes ipſos non habuiſſe ſedes ſuas citra Verulamium municipium, quum Ptolomeus eos penès Thameſis æſtum, & citra Verulamium omnino conſtituat. Deinde Antonini Itinerarium Verolanium viginti duntaxat millibus paſſuum à Lundino ponit. Ad hæc Ptolomeus, poſt Caleuam Attrebatum (quam Oxonium aut aliud circiter eo loci oppidum fuiſſe puto) ab eo memoratam, ad hunc modum ſubiicit: poſt quos maximè Orientales Canci à Caſſiuellano, Andregio, qui Mandubratius à Cæſare dicitur, conceſſum fuiſſe refert. Quare cum Ptolomeus Trinouantes ad Thameſais æſtum citràq; Verolanium conſtituat, conſtat eandem fuiſſe eorum ciuitatem primariam tempore Cæſaris, quæ poſtea Lundinum dicta eſt: Cumque ſtatim à Cæſaris temporibus in Cantiorum ciuitatibus annumerata ſit, vt ex Ptolomeo liquet, nihil obſtabat, quo minùs in Trinouantium defectione Suetonius Lundinum cõfugeret, vt potè in ciuitatem Cantiorum firmiſſimam, tum ipſis Rebellibus oppoſitã, nè ſi longiùs inde cõſtituiſſet, defectione lati⁹ graſſaretur. Nec quis admodũ mirari debet ſic inuerſa fuiſſe à tot ſæculis vocabula, quum legatur item apud Marcellinum, rerum geſtarum libro 28. quòd idem Lundinum Auguſta olim dicta ſit, vbi ad hunc modum ſcriptum reliquit. Theodoſius verò dux nominis incliti, animi vigore collecto, ab Auguſta profectus, quam veteres appellauère Lundinum, cum milite induſtria comparato ſolerti, verſis turbatiſque

Polydorus lap-
 ſus in ſitu Trino-
 uantium.

Aliàs Aurore.

Brytannorum fortunis opem maximam tulit. Hæc ille: Quod nomen videlicet Augustæ, quia Romani frequentes eò loci indies confluebant, sortitam esse ciuitatem verisimile est. At vt Northamptona oppidum sit, quod olim Trinouantum, præterquam quòd neque Regionis latitudo nec longitudo à Ptholomeo posita id pateretur, quàm absurda sit coniectura Polydori qua de nomine quod nuperrimè à Saxonibus inditum est, sic appellatum esse colligit, quis non videt? Nam hoc vocabulum Northampton, totum ex Saxonica lingua, quæ multis centenarijs annorum post Cæsaris tempora in hac Insula vigere cæpit, compositum est Northampton, si latine ad verbum reddideris, Aquilonaris Hamonis vrbs diceretur. North enim Aquilonare, ton, semper pro vrbe in huiusmodi vocabulis ab anglis vsurpatum esse quis ignorat? At huiusmodi lapsus necesse est hijs euenire, qui vocabulorum rationem aliquam ex lingua alia, quàm ex ea, à qua nomina huiusmodi originem traxerunt, ducere satagunt, qualia sunt & illa quæ de Ordonicibus, & de Mona Insula, ac etiam de Cornugalliæ vocabulo, Polydorus simili ductus errore coniectat, cum hæc Insula Man, illa vera Ciuitas Norwiche, ab Anglis lōgo post tempore dici ceperint, de quibus mox plura. Iam post varias Recētiorū cōiecturas de hac re labefactatas, quid obstat, nisi qui sint qui vulgata omnia fastidiāt, quo min⁹ recepta de vtroq; vocabulo Etymologia admittatur, Trinouātū videlicet à Troia noua, & Lundinū à Lud rege eius instauratore dictū esse? quod quia cū vulgata & antiqua huius regionis, historia rec-
taque

raque ratione constare video, præ commentis quibusq;
nouis approbandum censeo. Caterùm quòd Trino-
uantes per b, à quibusdam veteribus scribitur, id qui-
dem ea occasione factitatum arbitror, quia b, vt ù,
consonantem Græci pronuntiant. Et nonnulli No-
tarij recentiores, v, & b, adeò consimiles depingere
solebant, vt alteram ab altera vix dignoscere possis,
vnde Eboracum nunc scribitur, quod olim Euoracum
vulgò dicebatur, nempè Euerwick ab Anglis non ita
pridem, eodem penè modo, quo nunc apud Brytan-
nos, Euoraûg appellabatur, nunc verò tantillo tem-
pore vsque adeò immutatum est, vt vix vllum anti-
quæ appellationis remaneat vestigium, quippè, Yor-
ke, appellatum, tribus videlicet syllabis in vnâ con-
tractis, vt ferè factum est in omnibus Anglicæ lin-
guæ vocabulis, quæ in eum modum monosyllaba fa-
cta sunt, quum olim productiora forent: vt pro Lo-
uerd, nunc Lorde, pro pouer, nunc poore dicatur, &
infinita alia huiusmodi. Haftenus de Lundino & Tri-
nouantio dixisse sufficiat: Nunc ad reliqua.

De vocabulis aliquot Britanniae locorum priscis etiam nunc antiquitatem ipsam redolentibus, eorumque Etymologia.



Tque ut superius demonstratum est, nō tam commodæ sunt nominum Etymologia ex linguarum, quibus sic appellantur peritia desumptæ & historiæ receptæ congruentes, quàm absurdæ illæ videri solent, quæ nulla linguarum huiusmodi ratione habitæ, à quibusdam excogitantur. Usque adeò à veritate ipsa & Antiquitatis omnis traditione abhorret. Quale est illud quod de Ordouicibus Polydorus censet, hanc videlicet Ciuitatem solam, præter Londinum, antiquum nomen videlicet Ordouicum, in hæc tempora retinuisse, quod de Norwico Ciuitate, nunc ad orientis Insulæ extremū latus posita innuit, cum Ptholomeus Ordouices planè ex Diametro, videlicet ad extremum occidentis Insulæ Britanniae constituit. Nec ipsa loci longitudinis aut latitudinis vllō modo ratio patiatur eos, vbi Norwicum est, constitui: Nec dum tempore Ptholomei Saxones, vnde hoc vocabulum Norwich, dubio procul originem traxit, in hanc Insulam applicuerant, videlicet à (North) & (VVich) quod latine sonat Aquilonaris vicus, quod Polydorum minime obseruasse plurimum admiror. Ordouices etiam non Ciuitatis sed Gentis nomen erat. Nec omnino
verum

Polydori circa
Norwici vocabulum,
fædus error redargutus.

verum est, quod cætera loca omnia, sua antiqua nomina penitus amittere, ut Polydorus in sugillationem historie receptæ asserit. Quippè Mōna Insula quam Angli nunc Anglesey appellant, etiam nunc antiquum nomen inter Brytannos Cambrenses retinet, nempe (Mōn) dicta: Tamen Polydorus ob linguæ Brytannicæ ignorantiam, & quia alia non multum distans Insula (Man) apud Anglos nunc vulgò appellatur, illam videlicet Mōnam eadem quam (Man) nunc Anglicè vulgò appellant, fuisse putat, interim nescius, quod & hæc quæ (Man) Anglicè dicitur, Monoada olim à Ptolomeo & antiquis, & nunc etiam à Brytannis (Manaw) affini vocabulo vulgò dicitur: Vnde videre est, utramque Insulam antiquitatis expressa vestigia adhuc retinere apud Brytannos. Sed dum ipse Polydorus huiusmodi nominum rationem ex linguis recentioribus cōminiscitur, necesse est ut in huiusmodi errores facillimè impingat. Sunt & alia nonnulla loca, flumina, & oppida, quæ antiqua vocabula in Brytannia etiam nunc retineant, quamvis ut ingenuè fatear, pleræque obsoleuerint, quod tot gentium subinde interuentu præcipuè accidisse reor, quæ veteribus nominibus oblitteratis, noua nomina ex suis quæque linguis indidère, ad perpetuandam Principum memoriam, videlicet post Brytannos, primùm Romani, deinde Saxones, tum Dani, denique Normanni. Verum quæ antiquitatē adhuc redoleant, sunt huiusmodi: Lūdinum quippè quod London: & Eboracum quod nō ita pridē Euerwick: Vēta, V Vinchester: Trisātonis hostia, Sowthāpton: Cantū, Kēt: Sabriana, Seuerne: Corinnij.

Coriinnij, Cornishemen : Dannonij, Deuõshiremen :
 Thamesis, Thames : Maridunum, Caermardin : De-
 metæ , quorum regionem Demetiam Latinè , & Dy-
 uet, Brytānicè dici constat, quæ nunc Australis VVal-
 lia dicitur: Tauæ æstus, Aber Tawy .i. ostia Tawy: To-
 bij fluuij ostia, nunc Towy: Inwerna à Ptolomeo, quæ
 Hibernia nunc dicitur, Iwerdon brytannicè, proprius
 ad Ptolomei traditionem appellari video, quæ vt pa-
 lām faciunt non omnia, vt Polydorus censet, huius
 Insulæ loca, sua antiqua nomina penitus amisisse, ita
 & me in non paruum admirationem adducunt, quòd
 non & reliqua saltem plerāque ad eundem se habeant
 modum . Nam cum historia vulgata vrbes & loca
 nonnulla eadem accepisse nomina, ante Romanorum
 aduentum referat, quæ etiam nunc habent: Miror fa-
 tiè, quòd Romani, qui medij interuenere, eorum non
 meminerint, aut si ante Romanorum aduentum, no-
 mina huiusmodi in desuetudinem abiissent, quī fa-
 ctum sit, quòd nomina huiusmodi post Romanorum
 imperium in vsum denuò recepta fuerint . Nisi fortè
 Romani ab se indita nomina durante eorum imperio
 celebrare, & interim nihilominus Brytanni, sua inter
 se vocabula retinere studuerint: quæ post excussum
 Romani imperij iugum, denuò in publicum vsum re-
 stituere studuerint, abolitis, quæ Romani locis indi-
 derant, nominibus: Cuius rei argumento non leui est,
 quòd ex Ammiano Marcellino libro vicesimo octauo
 adnotaui, nempè quandam huius Insulæ prouinciam
 quandoque Valentiam appellatam fuisse, quæ nunc
 Scotiam dici aliundè ipse colligo, videlicet, ex Giraldo
 sæpè

sæpe dicto, cuius verba ne prorsus vt alia huiusmodi vetusta intereant, hîc inferere non ab re putauî. Ipse enim in Dialogo, quem de sudoribus suis circa sedis Meneuensis archiepiscopalem dignitatem asserendam assumptis composuit, ad hunc modum scriptum reliquit. Ad instanciam itaque Lucij Regis Britonum, missi sunt ab Eleutherio Episcopo Romano, qui quasi quartus decimus fuit à beato Petro, duo nobiles Prædicatores in Britanniam maiorem, Faganus scilicet & Duuianus, qui fidem Christi per vniuersam Insulam à Mari vsque ad Mare plantauerunt. Et iuxta Prouinciarum numerum, quas tempore gentilitatis habuerat Insula, quinque Metropoles, singulas duodecim vrbes, sicut olim, habuerat, & Suffraganeas Ecclesias totidem subiectas habentes, ordine & numero competenti distinxerunt. Iuxta Tomum enim Anacleti Episcopi Romani, sicut in Põtificalibus Romanorum gestis & Imperialibus continetur, directum Galliarum Episcopis, iuxta statum Gentilium ante Christi aduentum, Britannia habuit prouincias numero quinque, Britaniam primam, Britaniam secundam, Flauiam, Maximiam, Valentiam: Prima dicta est occidentalis pars Insulæ, quia primum in illo Britones Bruto & Corineo ducibus applicuerunt, eaque primò à Corineo & suis occupata est, & inhabitata. Britannia secunda, Cancia, quia secundò à Bruto & suis inhabitata fuerat. Tertia Flauia, hoc est flaua, quæ dicitur & Mertia, quasi mercibus abundans, cuius caput est London. Quarta Maximia. i. Eboraca ab Imperatore Maximo dicta. Quinta Valentia, ab Imperatore Valente nuncupata,

Giraldus de Sedis Meneuensis dignitate.

K.

Albania

Albania, scilicet, quæ nunc abusiue Scotia dicitur. Sicq; ordinatum à viris Sanctis prædictis duobus fuerat, vt in occidentali Insulæ parte, quæ & nunc adulterino vocabulo V Vallia dicitur, propriè verò Cábria à Cambro Bruti filio dicta, Vrbs Legionū Metropolis fuerat, duodecim suffraganeos habens. Dorobernia quæ nunc Cantuaria dicitur à (Dûr) Britannico, quod est aqua, quoniam aquis abundat, sic nuncupata, Metropolis ab Australi Thamisiæ fluuij parte, duodecim suffraganeos habens. Lōdonia Metropolis: duodecim suffraganeos habens. Eboraca quæ nunc dicitur Eboracum, Metropolis, duodecim suffraganeos habens. Et vrbs quæ nunc Sancti Andreæ forsan dicitur, totidem suffraganeos habens, olim Alba dicta, vnde & Albania dicta prouincia, vel potius ab Albanacto Bruti filio nuncupata. Cùmq; hoc ordine distincta, ducētis annis & pluribus Britannica Ecclesia floruiſſet, superuenit gens Saxonica quæ nūc Anglica dicitur, à Britonibus inuitata, vt eis cōtra Pictos, & Scotos qui boreales Insulæ partes occupauerant, Britonum stipendijs militarent. Tandē verò cū viribus & numero creuissent, iuncto cum hostibus foedere, & ipsi quoq; peiores hostes effecti, miris proditionibus Incolas vsq; ad occiduas partes Insulæ propulerunt, totāq; terrā residuā, quam & Angliā postea vocauerunt à natali suo Saxonix solo, quod lingua corū (Engelout) vocabatur. i. Angularis terra, Britanniam occupatam sic nominantes, necnon & Scotiæ partem nō modicam destructis Ecclesijs ritu gentilitatis, qui gentiles erant foedaerunt: Britonibus nihilominus Christi fidē in occiduis Insulæ finibus incōcussē seruātibus. Hactenus Giraldus.

Vrbs Legionum
nunc Caerleon
dicta.

Alias Dorouernia in D. Beda legitur, quod aqua Paludis Alueæ Brytanice interpretatur.

duſ. Hęc igitur nomina Prouinciarũ à Romanis tẽpo-
re Lucij indita, adeo obſoleuerunt, vt pleraq; earum nẽ
apud authores quidem alios vſquã memorata legerim,
quod in alijs Romanorũ vocabulis vſu veniſſe potuit.
Ceterũ, vt antiquiſſima fuiſſe ea vocabula credã, quæ
in Britannica celebrãtur hiſtoria, vel hoc me plurimũ
mouet, quod à Normãnorũ & Saxonũ primo aduẽtu
ea vocabula ſẽper vſurpata ſint, nec corũ aliquod, quo-
rum Etymologia ab hiſtoria redditur vulgata, citra id
tẽporis originem accepiſſe, Saxonũ, Danorũ, & An-
glorũ aut Normãnorũ res geſtę teſtãtur, cuius quidẽ
tẽporis certiſſima creditur haberi hiſtoria. Nã ex Beda
conſtat nõnullas vrbes eadẽ ſuo tempore nomina ha-
buiſſe, quę nunc in vſu ſunt, niſi quod quædã propiũs
Saxonicã linguã, quæ tunc vigeſbat, ſapuerẽ. Quare ſi
Saxonũ tẽporibus ea nomina minimẽ indita ſunt, ſanẽ
aut Romanorũ aut Britannorũ temporibus ſic fuiſſe
oportet. Sed à Romanis minimẽ fuiſſe indita cõſtat, &
quædã ante Romanorũ aduentũ, nomina huiusmodi
in vſu erãt, id quod ſubinde hiſtoria teſtatur Romana.
Quare à Britãnis oportet originẽ ſumpſerint, & ideo
ab eis ipsis eorum Etymologia meritò petẽda eſt: quod
verò iam nuper addita fuerint huiusmodi nominibus
Vrbium, Burgh, Cheſter, wech, ton, & conſimilia, id
à Saxonibus vel Anglis factum eſſe conſtat, qui vr-
bes, caſtra, vicos, villas, huiusmodi vocabulis ſignifi-
care conſueuerunt. Hęc eò dicta ſint, quò non
omnia huius Inſulæ vocabula antiqua, prorsus in
deſuetudinem abiſſe demonſtretur, quod in ſugil-
lationem hiſtoriæ vulgatæ relatum eſt à Polydoro.

K.ij.

Quare

Quare refutatis (vt arbitror) abundè opinionibus eorum, qui Brytanniæ vocabulum à Brytannis Armoricanis traxisse putant, vel qui aliter de nominis huiusmodi origine quàm in recepta habetur historia, senserint, rerumque Brytannicarum antiquitate ex parte asserta, demonstratâque, tum congrua & conueniente aliarum regni partium nuncupationis ratione, quid obstat quò minus Brytanniæ nominis aliorumque vocabulorum, quæ nunc vulgò in vsu sunt, etymologiæ vulgò receptæ, tantisper fides adhibeatur, dum alia commodior & conuenientior ab aliquo reddi possit. Cùm itaque hæcenus Polydori errata recensuerim, in quæ prolabi potuit, siue ex inscitia linguarum vetustarum huius Insulæ, siue ex nimia ositantia in rebus huiusmodi discutiendis, potius quàm partis alicuius studio aut aliorum odio. Nunc animus est commonstrare, quæ loca, quasque sententias veterum authorum sic depravatè & corruptè citauerit & recensuerit, vt non alio hoc animo fecisse videatur, quàm vt tum Brytannorum honorem imminuat, eleuet, & deprimat, studio in hoc quàm maximè adhibito, tum Romanorum gloriam ipse quidem Italus genere, & ideo in Romanos propensior, in cælum vehat atque extollat, quorum altero vt ipso venia dignum censuerim, sic in hoc à doctis omnibus iure reprehendum censeo, qui veterum monumenta historiæque fidem, quæ apud omnes ceu sacrosancta esse & haberi debet, corruperit, & vitiauerit, neque id in verbis ambiguus, aut exigui vel nullius momenti, sed quæ ad rem de qua agitur, maximè spectent atque pertineant. Eo
enim

enim pacto nihil vsquam antiquitatis integrum ad posterum dimanabit, si eorum verba & sententias ad cuiusvis libitum licebit inuvertere. Sed nunc videamus quibus in rebus id fecerit Polydorus, ut inde coniecturam facere lector possit, quam facile quamque lubens historiam Brytannicam, ubi silent Latini Authores, aut leui pede pertranseunt, vellicare & sugillare studeat.

Quod Polydorus Virgilius nonnulla de Brytannis à classicis authoribus honorificè memorata, ex cōposito eleuare & imminuere studuerit, alia verò in eorū contumeliam inclinantia, & plus æquo intenderit, & studio adhibito, hinc inde conquisierit.



Hæc autē quæ superius à Polydoro contra historię vulgatæ fidem perperam adducta commonstrauī, vel ex rerum Brytannicarum imperitia, vel ex quauis alia occasione minimè volūtaria, ipsum prodidisse, candidè interpretari quis possit: Verum illa quæ mox subiiciam, non alio protulisse animo à quoquam videri debet, quam ut gentis Brytannicæ gloriam & honorem, data quàm maximè possit in hoc opere, imminueret. Quod vel hoc vnico argumento

K. iij.

perspi-

Tacitus peperam
à Polydoro ci-
tatus.

perspicuū esse poterit. Polydorus enim de quodā Carantaco Brytāno, quem Cornelius Tacitus miris effert laudibus, verba faciēs, quæ apud Tacitū de eodē leguntur Carātaco, sub hijs verbis recēset. Ita Carātacus homo valēs apud Ordolucas, loco ad prēlium sumpto, vbi ardui mōtes cuncta hostibus difficiliora redderēt, suos hortabatur, affirmās illā diem, illam aciē aut recuperandæ libertatis, aut æternę initiū seruitutis fore, vocabatque speciatim nomina maiorū, qui Iulio Cæsari se opposuissent. Hęc Polydorus. Cū Tacitus loco ibidē citato, sic habeat ad verbū : Qui Dictatorem Cæsarē pepulissent, quorum virtute vacuā securibus & tributis intemerata coniugum & liberorū corpora retinerent. Quid est quod Polydorus, sic Authoris etiā Romani, qui quamminimū tribuisse Brytānis credendus est, verba sic inuertit, vt pro hoc verbo (pepulissent) quod habet Tacitus, reponat (se opposuissent?) Plurimū enim interest pepulerint ne Romanos Brytanni, an se illis opposuerint. Tanta est quoquē vtriusq; verbi discrepantia, vt hīc librarij lapsum causari nullus possit. Qua quidem in re potissimū, vis cōtrouersię totius consistebat. Vtrum Cæsar aliquando à Brytannis pulsus fuerit an non? quod ab historia Brytānica affirmatur. Verū hanc sententiam Polydorus sic inuertit vt vides lector. Iam audi quid eiusdem Authoris sententię alibi addiderit, vbi de Brytannis scribens Tacitus in vita Iulij Agricolæ hæc verba habet. Olim Regibus parebant, nunc per Principes factionibus & studijs trahuntur. Polydorus verò in prohæmio libri secundi suę historię, id ad hunc modum refert: Brytānos olim paruisse

paruisse regibus & post vectigales factos per Principes factionum, ita diuersis studijs tractos esse, vt ad propulsandum commune periculum, vix duæ tresue ciuitates conuenirent: vbi hanc clausulam adfuit de suo præter Taciti sententiam (videlicet, post vectigales factos) quum incertum sit ex Tacito, à quo tempore sic coeperint Brytanni factionibus distrahi, sed hoc adiectum ab illo, tum vt vectigales factos Romanis, & semper à Cæsaris temporibus eousque perseuerasse, tum consequenter sine Regibus interim fuisse ostēdat, quo semper historiæ nostræ fidē eleuet, qui Reges habuisse continenter, eos partim ex Romanis, partim ex Brytannis ostendit. Quòd si Regibus quidem Brytannis non paruuisse dicat, intereadum Romanis dicto audientes non erant. Nam hoc ex ipso Tacito constat. Quibus tādē alijs paruere? Nunc aliud quid detractū à Polydoro ex Taciti loco iam citato audies, vt nullum genus artificij prætermittere videatur in tractandis Authoribus, quo & gentis Brytanicæ splendorem imminuere, & Romanæ efferre posset: Hæc enim quæ Tacitus habet eò loci, videlicet: Nec aliud aduers⁹ validissimas gētes pro nobis

Verba ex Tacito
omissa.

utilius, quàm quod in cōmune non cōsulunt: Hęc verba (nec aliud aduersus validissimas gētes pro nobis utilius) dedita opera trāsire videtur, ne mica laudis aliqua sibi vel imprudēti in Brytānos elaberetur, aut cōmoditas aliqua ex intestina ciuium seditione Romanis præbita videretur, Britānos subigendi citra apertas vires. In Cæsare citando idem fecit Polydorus: vbi ait Cæsar, se ad primum ipsius digressum ex Brytannia numerum obsidum, quem ante imperauerat duplicasse, eosque in

Cæsaris loca mutata.
Cæsar libro. 3.
Comment.

Conti-

Continentē adduci iussisse. Et paulò post scribit: Dum in Belgis ageret eò duas omnino ciuitates ex Brytānia obſides miſiſſe. Polydorus autem refert, Cæſarem ad primum reſeſſum duplo maiori accepto (non tantum imperato) obſidum numero, pacem pro tempore Inſulanis dediſſe, quum maniſeſtiſſimum ſit ex ipſo Cæſare eò loci, ſe non expectatiſ neque acceptiſ, ſed tantum imperatiſ obſidibus Gallias repetiſſe, quod ingentem ad reditum ipſius feſtinationem declarat: Vt nè quid maius dicam, etſi fugæ ſimiliùs quam digreſſui videretur, vt Lucanus habet. Deinde vbi Cæſar ipſe ad ſecundum eius aduentum, poſtquam mores gentiſ, vt tunc quidem fortè erant, recensuerat, hæc verba ſubiicit: Equiteſ hoſtium (Brytannorum ſcilicet) Eſſedarijque, acriter prælio cum equitatu noſtro in itinere conſiſerunt, ita tamen vt noſtri omnibuſ partibuſ ſuperiores fuerint, atque eoſ in ſiluaſ colleſque compulerint, ſed compluribuſ interſectiſ cupidiùs inſequuti nonnullos ex ſuiſ amiſerunt: At illi intermiſſo ſpatio, imprudentibuſ noſtriſ atque occupatiſ in munitione caſtrorum, ſubitò ex ſiluiſ ſe eiecerunt, impetuque in eoſ factò, qui erāt in ſtatione pro caſtriſ collocati, acriter pugnauerunt, duabuſque miſiſ cohortibuſ à Cæſare, atque hiſ primis legionum duarum, cum hiſ intermiſſo perexiguo loci ſpatio inter ſe conſitiſſent, nouo genere pugnae perterritiſ noſtriſ, per medioſ audaciſſimè proruperunt, ſeque inde incolumeſ receperunt. Eo die Quintuſ Laberiuſ Duruſ Tribunuſ militum interſicitur, illi pluribuſ ſubmiſiſ cohortibuſ repelluntur, & quæ ſequentur: Aſt hæc omnia

nia, utpotè quæ & Brytannis honesta erant, & Cæsaris gloriam obscurare videbantur, omnino subterit Polydorus, aut immutatis verbis in alium sensum detorquet, scribens ad hunc modum. Non multo post eum equitatu Cæsaris appropinquante in itinere præliari acriter incipiunt (Brytanni scilicet) à quo paululum repulsi, agmine occultè circumacto in castra hostium impetum faciunt, pugnatum est pro vallo acriter, fuitque id certamen anceps, & Romanis laboriosum, in quo multi interfecti sunt, castra tamen defensa: hæc Polydorus: Vbi attentè advertere quemlibet velim, qua arte Polydorus, quædam prorsus intacta transiliat, quædam in Brytannorum partem inclinantia in aliam detorqueat, & quæ adeò plana & aperta essent, ut id commodè non liceret, sic obscura & dubia reddit, ut in quam partem inclinent, lector non intelligat. Nempè perterritos Romanos nouo quidem genere pugne nonnullos ex suis amisisse, Brytannosque per Cæsarianorum medios, etsi post duas à Cæsare illis missas subsidio cohortes, easque ex primis legionum duarum audacissimè prorupisse. Hæc ex integro omittit Polydorus. Cumque Cæsar ibidem aiatur, quod Brytanni subito ex siluis se eicientes impetu in eos (nempè Cæsarianos) qui erant in statione, facto, acriter pugnaverint. Id sic inuertit Polydorus, & ait: Pugnatum est pro vallo acriter, ut potius Romanos illic acriter pugnassee, quam Brytannos innuere videatur. Cum Cæsar clarè, à Brytannis eò loci acriter pugnatum asserat. Deinde ubi Cæsar luculentissimè aiatur, se eo conflictu nonnullos ex suis amisisse, id

L.

indiffe-

indifferenter & perplexè Polydorus effert: Scribens in hæc verba: In quo multi interfecti sunt, at qua ex parte non profert. Quamuis ex Cæsare ipso liqueat, se nonnullos ex suis amisisse: & ubi ait (compluribus interfectis) obscurius quidem illud de suis tamē quos amisisse ait, potius intelligeretur. At utcumq; hoc intellectum sit, sanè nonnullos ex Cæsaris parte occubuisse, manifestè ex Cæsare ipso liquet, quod Polydorus omninò subticet, satis sibi fore arbitratus huiusmodi euentus quos sibi aduersos Romani sensere, aliquo ancipiti & generali dicto inuoluere & obscurare, quale est quod ait, fuitque id certamen anceps, & Romanis laboriosum, in quo multi interfecti sunt, castra tamen defensa. At ubi quid huiusmodi Brytannis aduersum incidit, hoc demum quàm fusissimè explicare & producere non omittit, historicus scilicet æquus, ne videatur in Brytannos, quorum historiam componere præ se fert, aliquo modo propensior. Verùm ab ea suspitione tantum abest, quod ingenuè fatendum est, ut in ipsos parum æquus videatur, qui de eorum rebus gestis historiam concinnet, præsertim ubi res inter eos & Romanos, ex quibus se esse ostendit, in controverso est. Quòd si nostri non satis fide digni videntur Authores, qui de suis scribant, sanè nec ipse de suis: quod vel hoc loci manifestum reddit. Præterea quum Tacitus in vita Iulij Agricolæ, Brytannos se inuicem cohortantes in hunc modum referat. Illis (nempè Romanis) avaritiam & luxum causas belli esse, recessuros ut D. Iulius recessisset, modo virtute maiorum suorum æmularentur. Nonne hæc palàm

palàm ostendunt, Cæsarem plus sibi tribuisse quàm suo merito debuisset, & quàm minimum Brytannis concessisse? At Polydorus nè id quidem illis concedit, quod ipse, etsi de seipso verba faciens. Quòd si nè aduersariorum de suis etiam rebus agentium, de Brytannis testimonia non admittit Polydorus, non est quòd speremus nostrorum hominum testimonia de nostris approbatum iri. At inimicis testibus nihil est locupletius. Cæterùm vt iniquissimum est primò omnia Brytannorum, Anglorum, & aliorum huius Regni scriptorum monumenta pleraque omnia reijcere, deinde ea quæ Romani ipsi de rebus Brytannicis sed carptim perstrinxerunt, partim imminuere, partim inuertere, & quæ aduersarij quidem ipsi suis laudibus decidere dignantur, ipsisque Brytannis tribuere, præsertim ab eo, qui res Brytannicas illustrare instituisse, ita multò quidem æquius fuisset existimare, primo Cæsarem ipsum, & huiusmodi scriptores de se & suis scribentes, quamminimum gloriæ suis aduersarijs, etsi non infra, nihil tamen supra meritum concessisse, nec adeò Romanos nostris scriptoribus præferre, omnis vt illis, nulla autem hijs fides adhibeatur: Verùm vtrorumque testimonia sic candidè interpretari, & simul conciliare, vt quòad fieri possit, in tam diu & tam vniuersim receptis rebus convenire viderentur. Et non ita in diuersas eos distrahere partes, vt quammaximè ex diametro dissentire, imò neutri eorum vera loqui videantur, dùm sic inuicem pugnare facit vel inuitos. Saltem suis Authoribus, nempe Romanis, fidem saluam & integram

gram conseruasset Polydorus, nec minora de se scripsisse, quàm eorum res prosperè gestæ exigerint, censuisset. Imò multa suppetebant Polydoro vel ex Latinis authoribus ipsis, vnde aliquid saltem laude dignum in Brytānorum gratiam desumere licuit, quum Tacitus superius aiat, nihil aduersus validissimas gentes (nempè Brytannicas) pro Romanis vtilius, quàm quòd in commune non confulebant. Herodianus etiā de Seuero scribens ad hunc modum, de Brytannorum in re bellica virtute, ait: Cæterum prouidus homo ac sobrius, nonnulla suspitione tenebatur de Brytannicis exercitibus, maximis videlicet & pugnacissimis, quibus præerat vniuersis Albinus. Et paulo post libro tertio, hæc de Brytannis idem habet: Sunt autem bellicosissima gens, atque audissima cædis. Lucanus verò rationem ostendit cur tam prodigi vitæ fuerint, vbi de Druidibus quos in Brytannia tum maxime floruisse constat, verba facit sic scribens:

Vobis authoribus vmbraë,
 Non tacitas Erebi sedes Diisque profundi
 Pallida regna petunt: Regit idem spiritus artus
 Orbe alio longæ canitis si cognita vitæ,
 Mors media est: Certè populi quos despicit Arctos,
 Fœlices errore suo, quos ille timorum,
 Maximus haud vrget læti metus, inde ruendi
 In ferrum mens proflua vitis, animæque capaces
 Mortis, & ignaum est reditura parcere vitæ.

Deinde tanti censuerunt Romani semper vel pauxillum rei fœliciter gessisse in Brytannia, vt Vespasiano ob Insulā Vectem adiectam imperio, triumphus publicè

publicè à Senatu Romano decretus sit: Quid quòd
Brytannici agnomen, inter maximos honores sibi
ambiebant Imperatores Romanorū. Præterea Bren-
ni, Belini, Dunwallonis, & Carantaci, quem Tacitus
tantoperè prædicat, nec non Aruiragi, & Constan-
tini Magni (quem materna ex parte, eaque potiori,
nempè à qua Christianam pietatem potissimū hau-
sit, nostratē vindicamus) & similium, qui à Roma-
nis ipsis celebrantur, commemoratione, aliquid laude
dignum à Brytannis gestum, à Polydoro referri pote-
rat. At ut nihil tale de his dici meritò posset, quod lau-
dis aliquid ipsis tribuere videretur, fanè quamplurima
passim occurrebant, quæ dedecus subactionis eorū im-
minuant, si attentius considerentur. Quòd nimirum à
Romanis subacti sunt, etsi id quidem ipsis & gentibus
alijs illustribus commune fuit, hoc tamen magna ex
parte ciuium proditori & intestinis dissidijs acceptū
referri meritò poterat. Cū Cæsar Mandubratij
Brytanni ope, Cassibellaunum se deuicisse fateatur, &
Tacitus nihil æquè aduersus validissimas gentes Ro-
manis profuisse, quàm quòd Brytanni in commune
non consulebant. Deinde quòd à Saxonibus tandem
deuicti sunt, id quidem tot delectibus ex Brytannia ha-
bitis tribuendum est. Nam & Villielmus Malmesbu-
riensis id testatur loco superius citato, ubi ait à Con-
stantino Magno, primū magnam Brytānorum mi-
litum manum hinc abductam esse, deinde Maximum
qui Gratianum Imperatorē deuicit, ex Brytannia om-
nem penè militē abrafisse. Deniq; Constantem quen-
dam spe nominis Imperatorem allectum, quicquid re-

fiduum erat militaris roboris è Brytannia exhaustisse. Cui Henricus Huntingdonensis, Giraldus Cábrensis, Radulphus Cestrensis, & reliqui scriptores vetusti astipulantur. Imò Gildas ille Polydori, quisquis erat, id vel inuitus agnoscit, atq; idcirco Brytanniam omni armato milite, militaribus copijs, Rectoribus, licet (inquit) immanibus, ingenti Iuuentute spoliata, Gentium conterminarū Tyrannidi obnoxiam factam esse scribit. Hæc saltem, gentem Brytannicam omnis ignauiae probro eximere debuissent, quòd tandem post mille annorum curricula, quibus rerū potiebantur, loco cedere coacti sunt. Atq; id vltione quidem diuina, qui ob hominum scelera, regna & imperia de alia in aliā gentē transferre solet, magis quā populi ignauia aut vecordia, scriptores vetusti omnes prædicant. Imò magis reprehendēdos fuisse Brytānos nostros cēsuere, quòd post tot Gentis clades, & aduersa bella ipsis illata, tāta peruicacia rebellare non cessarent, quòd internicionē gentis omnis incurrere nō sunt veriti, potius quā seruitutis speciem aliquam subire sub alienæ gentis Duce. Quò factum est, vt nunquam ab excidio Brytannorū libenter Anglorum Imperio paruerint, quòd Principem è sua gente sortiti sunt, nempè Henricū septimū, qui ex eorum regali Principū progenie haud dubiè prognatus est. Atq; inde non tam metu quā amore, libeter cōmuni vtriusq; gentis Principi parere cœperūt. Quæ quidē peruicacia non tam ignauia eorum arguit, quā fortitudinem & animum erectum, ac seruitutis omnis impatientē, neq; humanæ imprudentiæ potius quā diuinæ vltioni id acceptum referre conuenit, quòd

quòd tandē subacti sunt. Hoc enim scriptores omnes antiqui in causa fuisse censent, quòd accisæ sunt Brytannorum vires, neq; ego id etiam inficior. Constat enim ex veterum scriptis, & Principum insolentiam, & populi mores corruptissimos, insignem dei vindictam tunc meritò exegisse. Nec Romani Authores ipsi, qui de rebus hic gestis quicquam scripsere, usquā id gentis ignaviæ adscribunt. Quare neq; ex illis quidem aduersarijs Brytannorum, quisquam satis acerbè inuectos esse in Brytannos videtur nostro Polydoro. Verum solus ipsi arridet quidam obscurus & planè incertus scriptor, nescio quis Gildæ Brytanni nomen ementitus, à Polydoro nuper typis excusus, qui de Cæsaris aduentu verbis ad rem amplificandam affectatè conquisitis, declamantis in morem, & quandam in Brytannos inuectiuam adornantis, sub hijs verbis loquitur. Sed transfretans (scilicet Iulius) Insulæ parendi Leges nullo obsistente, aduexit, imbellemq; populum sed infidelem, non tam ferro, igni, machinis, ut alias gentes, quàm solis minis vel Indiciorum concussionibus, in superficie tantum vultus, pressò in altum cordis dolore, sui obedientiam proferentem edictis subiugauit. Sed hæc vel Cæsare ipso teste quàm falsæ sunt, facilè quivis perspiciet. Etsi miro artificio Cæsar & suorum incommoda excuset, & Brytannorum oportunitates efferat, tamen quiddam, dum in Britannia ageret, fugæ simile fateri cogitur, atque si quid laboriosum ei fuerit, cum aduersariorum commoditates, tum suorum incommoda miris artibus exaggerat. Cuiusmodi est hoc quod suis Commentarijs

rijs habet. Militibus autem (subinnuit suis) ignotis locis impeditis manibus, magno & graui onere armorum pressis, simul & de nauibus desiliendum, & in fluctibus consistendum, & cum hostibus erat pugnandum, quum illi (subinnuit Brytannos) aut ex arido, aut paululum in aquam progressi, omnibus membris expediti, notissimis locis, audacter tela conijcerent, & equos insuefactos incitarent. Quibus rebus nostri perterriti, atq; huius omnino generis pugnae imperiti, non omnes eadem alacritate ac studio, quo in pedestribus vti prelijs consueuerant, utebantur. Et ad eundem modum fugam suorum paulò post sic excusare videtur. Tum dispersos, depositis armis in metendo occupatos subito adorti (videlicet Brytanni) paucis interfectis, reliquos incertis ordinibus perturbauerant, simul equitatu atq; effedis circumdederant. Et post pauca de huiusmodi genere pugnae ex Effedis memorata, quo Brytannos insigni mobilitate & audacia tum vsos fuisse prædicat, hæc subiungit. Quibus rebus, perturbatis nostris nouitate pugnae, tempore opportunissimo, Cæsar auxilium tulit. Namq; eius aduentu hostes constiterunt, nostri ex timore se receperunt, quo facto, & ad laceffendum hostem, & committendum prælium, alienum esse tempus arbitratus, suo se loco continuit, & breui tempore in castra Legiones reduxit. Hæc ille. Nonne hijs omnibus simile quiddam fugæ adumbratur? At id palàm fateri veretur vir non minus dedecoris fugiens quàm gloriæ auidus. Cæterum quòd ipse suos perterreri, perturbari, cecinisse receptui, idq; ex timore, & ad committendum prælium alienum

alienum esse tempus se arbitratum scribit, ab alijs forsan veritatis studiosis, fugisse aut terga dedisse, disertis verbis dictum fuisset, quod à Luciano ingenuè factum est vbi ait:

Territa quæsitis ostendit terga Brytannis.

Adde hijs, quæ ex Cornelio Tacito superius memorantur, sub persona Carantaci exhortantis suos acriter ut dimicarent, ad instar maiorum suorum, qui, ut aiebat, Dictatorem Cæsarem pepulissent, quorum virtute vacui à securibus & tributis, intemerata Coniugum & Liberiorum corpora retinerent: Et paulò post, recessuros (videlicet Romanos) ut D. Iulius recessisset, modo virtutes maiorum suorum æmulerentur. Quid expressius dici potuit ad exprimendam Cæsaris fugam, quàm quòd ipsum à Brytannis pulsum, recessisse dicat, idq; citra graue aliquod iugum ipsis impostum, quò adijciat hæc: Quorum (videlicet maiorum) virtute, vacui à securibus & tributis, intemerata Coniugum & liberorum corpora retinerent. Ex hijs liquido apparet, si Cæsar omnia hic ex voto assecutus recessisset, nò dixisset Carantacus, Romanos qui ipsius tempore hic agebant recessuros, ut D. Iulius recessisset. Alioqui cum maxima hinc gloria recessissent. Aut si Cæsar graue aliquod iugum Brytannis imposuisset, non dixisset Carantacus, maiorum suorum virtute Britannos à securibus & tributis Romanorum, intemerata, coniugum & liberorum corpora retinere. At hæc, inquiet forsan alius, in persona Carantaci hominis Brytanni dicta sunt, Tacito referente. Verum: sed qua tandem ratione incitaret suos ad maiorum virtutem

M.

imitan-

imitandam, falsa ne an ingloriè per eos gesta prædicando? Nihil sane minus. Nec Tacitus illi Carantaco alium sermonem tribuisse credendus est, nisi qui ab eodem iure & merito optimo dici potuerit. Præterea, nonne idem Tacitus, tantum littore positum Cæsarem, Insulam posteris ostendisse potius quàm tradidisse alibi scribit? Præterea Baptista Egnatius de Cæsare hæc verba habet. Primus hic perpetuam Dictaturam inuasit, debellata omni intra decennium Gallia, tentata tunc primùm Brytannia, & Germanis insulas & paludes suas compulsis. Denique hæc omnia ita reuera se habuisse, ut Lucanus & Tacitus asserunt, vel ex ipsius Cæsaris commentarijs sagax lector facile odorari potest, si celeritatem ipsius in apparando reditu modumque obseruet, & qualiter non expectatis obsidibus, quos ei (ut ait) polliciti fuerant Brytanni, paulò post mediam noctem naues soluerit, Galliam remeaturus, & quemadmodum duplicatis viribus, & numero nauium adaucto, Brytanniam secundò redierit, quod minimè necessarium fuisset, nempe viribus duplo auctioribus, si tam leui negotio ad primum eius aduentum (ut Polydorus vult) ipsos subegisset. Quæ omnia, si quis attentius consideret & excutiat, is historiam receptam & à Gaufrido latinè proditam, minimè à vero aberrare hac in re facile perspiciet, aut hoc saltem, utcumque iniquus rerum æstimator fuerit, hanc Insulam non tam leui negotio à Cæsare subactam fuisse, exploratum habebit, quàm à Polydoro vel ipsius Gilda asseritur, ut solo vultus terrore & nutu, quod minus est, iugum seruitutis.

uitutis Cæsar huic Insulæ imposuerit. Quod, Cæsar ipse et si Romanus & omnium quotquot vnquam post homines natos extitère gloriæ auidissimus, de seipso scribens, non audet asserere, imò contra, multo negotio, ingenti discrimine, nec citra sanguinem, se Insulam vtrunque vectigalem, reddidisse scribat. Quandoquidem Q. Laberium tribunum militum (qui idem est vt ante memorauimus qui corruptè Labienus in vulgata legitur historia: Nam vt Romana vocabula potius ad Romanorum Commentaria, sic contra Brytannorum ad Brytannica corrigenda esse duco) ac nonnullos prætereà milites, à Brytannis acriter prælio cum equitatu ipsius in itinere conflitantibus, se amisisse scribat, causatus obiter suos minus aptos esse ad illius generis hostem, de Essedarijs id sentiens: Cæterum quòd ille vtpote Orator disertissimus de suis detrimentis atque incommodis, verborum inuolucris quàm parcissimè scribit, id ab alijs explicatis dictum est. Neque arbitror quenquam eo iudicij errore teneri, vt credat Cæsarem minora de se prædicasse, quàm ipsius res geste exposcunt. Quamobrem satis admirari nequeo, quòd quisquam inueniri potuerit tam in Brytannos malucolus, vt plus Cæsari tribuat quàm ipsemet sibi, aut Polydorus in conferendis authoribus tam oscitabundus, aut studio aliquorum, vel aliorum odio incitatus, tam iniquus arbiter repertus sit, vt eum quoque potius sibi proposuerit imitandum, Gildam illum dico, quem ex orationis phrase probè sciat non historiam sed potius declamationem quandam de excidio Britan-

M. ij. norum,

M.ij.

norum,

norum, quæ eorum scelera & mala omnia vndique
coaggerat, affectata eloquentia cōposuisse, quàm alios
probos authores, rerum gestarum historiam seriò
scribentes, aut Cæsarem ipsum de se prædicantem, et-
si Lucanū, Tacitumq; nullo loco haberi vellet. Cùm
itaq; Polydorus, ea quæ probro & contumeliæ Bry-
tannis esse, aut sic interpretari quisquis posset, tam an-
xiè conquirat, illa verò quæ in eorum laudem hono-
rémue à quoquam memorata sint, sic imminuat, de-
primat, imò verbis authorum inuersis adulteret, vt
illa magis contumeliosè, quàm reuera à primis au-
thoribus memorentur, hæc minus laudabiliter dicta
videantur. Nonne se plurimum Brytannis suspe-
ctum præbet, qui de rebus Brytannicis historiam con-
cinnat? Cùmque in antiquos aliquot scriptores, qui
plurimis annorum centenarijs ante ipsum scripsêre,
& aliter de rebus Brytannicis quam ipse sensêre, tam
acriter inuehatur, vt in Henricum Huntingdonen-
sem, Radulphum Cestrensem, & alios fide dignos
scriptores, ipsum fecisse constat, meritò posterioribus,
si quid secus de hijs rebus ac ipse senserint, se for-
midandum exhibet, ac nonnullam de se præbet alijs
malè suspicandi occasionem, se hæc omnia vt faciat
ideò animum inducere, quia nunc iacent præci illi
Brytanni, vt nec ei gratificari neque officere vllò
modo possint: Aut quia literarū studia inter eos adeò
refrixisse putat, vt quantumcūq; veritati antiquitatum
suarum detrahat, nemo inter eos reperiatur, qui id re-
fellere sciat vel audeat, tanti viri & eloquentiæ viribus
tā instructi, odio se obijcere. Verùm quæcūq; demū ea
fuerit

fuerit causa, nullam sanè idoneam reperire potuit, ob quam in vniuersam gentem inueheretur, aut tam anxie ex omnibus qui de Brytannicis rebus scripsere, eos duntaxat congereret, probaretque qui infamie aliquid, siue genti vniuersæ, siue priuatim aliquibus ex eadem, impingere studuerit. Quandoquidem nulla omnino gens sit, tam in vniuersum bene instituta, quæ non permixtim boni ac mali inhabitent. Eo enim pacto nulla erit vsquam tam laudata gens, quæ non si quis eius tum priuatim tum publicè errata siue vitia duntaxat conquirat, virtutes verò & laudes vel omnino transiliat, vel saltem imminuat, infamiae notâ subire cogatur. Si quis turpem fugam Romanorū ad Alliam, Cannensem cladē, & similia in aceruum cōgerat, nonnè pulchrum scilicet encomium in illos cōponeret? Quid quòd memoratus Tacitus ait, provinciarum sanguine, Provincias à Romanis acquisitas, potius quàm propria virtute. Verùm non tam parcus est Polydorus, in laude Brytannis debita præstanda, quàm effusus est in Romanorum, nempe suorum victorijs celebrandis. Nam id potissimùm satagere videtur toto suo opere, vt Romanorum tempora, quibus hîc per aliquot annos subinde, non tamen perpetuò, dominati sunt, illustret, cætera verò coronidis vice adiecisse videtur. Ast vt sua laudare nulli non est liberum, ita sanè aliena vituperare, absque probabili saltem causa, ingenuum non decet: vt interim non dicam quàm absurdum sit ac inhonestum, temerè à communi veterum historicorum consensu, præsertim absque vrgenti, nedùm probabili causa dissentire: neque id tantum, sed acriter in vetu-

stos authores inuehi, qui quicquam aliter quàm ipse, scripsere, sensereue, quasi nemini sit liberum aliter sentire, quàm ipse senserit, vel opinione quauis duci, quàm ipse non approbet. Verùm vt liberè dicam quod sentio, historijs illorum quantumuis impolitis, multò citius fidendum esse ducò, quàm huius quatumuis nitidæ & elaboratæ. Illi enim rerum complurium oculati testes fuere, alijs autem rebus propinquiores fuere, trecentis ut minimum annis, quàm Polydorus, Regūque diplomata, necnon contractuum, rerumque gestarum monumenta ipsa, ita vt reuera gesta sunt, viderunt, & suis historijs ad verbū interseruerunt: At interim exclamat Polydorus, nihil occultius, nihil incertius, nihilq; ignoratius rebus Brytannorū esse. Verùm ipse interim, author huiusmodi tenebrarū primus est, dum dedignatur authorum huiusmodi vestigia insequi, aut quod in latinis authoribus obscurius quidem habetur, aut explicatius, benignè interpretari, vt cum historicis Brytannicis conuenire possint: Quod quia non dignatur, in huiusmodi tenebras necessariò se conijcere videtur. At si eos conciliare studeat, facilè videbit, quàm clara & aperta sint omnia, & quàm pulchrè vtriusque inter se conueniat. Sed mauult omnia incerta dubiaque reddere, quàm tritam ante se viam ingredi, aut priorum historicorum vestigijs inharere, ne quid non nouum in sua historia reperiatur. Ille tamen suam (si dijs placet) vt antiquiorem, eorum verò, qui ipsum quadringentis annis præcessere, historiam nouam, & quasi iam recens æditam, censerit vult. Scribit enim in hunc modum: *Vitas Regum*
quos

quos ista noua historia repentè & vno quasi partu genuit, in orbemque effudit, non sine stomacho, vt scribit, Reges illos se recensere ait, quos tam leui pede pertransit, quasi omne tempus sibi perire arbitretur, quoad suæ gentis res gestas perueniat illustrandas, ampliandasque. Quo fronte (mi Polydore) tanto vetustiore tua, nouam appellare audes illam historiam, si inde ei fidem negare studes, eo nomine, quod non sit antiqua, eadem opera & tuæ multo magis derogas, nempe, quæ quadringentis annis, vt minimum, illam subsequuta est? Verum audio, id forsan dicis, quia ex Romanis auctoribus non hauritur, vt tu quidem ais. Tuam verò historiam ideo censeri antiquam vis, quia ex antiquis decerpta est: quatenus id facis admittimus. Hoc & Brytanni Authores similiter asserunt, se ex antiquis suam conuinnasse historiam. Et tu solos Romanos vis censeri antiquos? Quid igitur ante Romanorum aduentum, in quod tempus hæc illis incognita erat Insula, de Brytannia eiusque incolis censendum est? Nihil nè quicquam hic gestum esse credendum est? Omnia nè vt Chaos aliquod existimanda sunt, quæ vsquam contingere, priusquam ad Romanorum notitiam non peruenerunt? Si id verum est, ô ter, quaterque foelicem Brytanniam, quod Romanorum iugum aliquando senserit, alioquin perpetuis in tenebris sepulta fuisset. Ad hæc, vbi vociferaris hanc nouam historiam nouo partu tot Reges ædidiße, quis non multo magis id exclamasset, tùm quum noua hæc, quam appellas historia primùm æderetur, si tot Reges ante inauditos

ditos quos recenset, repentè & vno quasi partu, vt tuis, adidisset, tunc enim temporis non immeritò quivis admirari potuisset, vnde tot Reges tam subito exorirentur antea inauditi, si id tùm primùm auditum fuisset: Tibi verò qui post quadringentos annos, ab historiæ sæpè dictæ additione ortus es, nihil novi esse debet, quod tam in ea & in compluribus alijs præcedentibus historijs, quàm subsequenter diuulgatum est, vnde in tantam admirationem incidas. Sed vt illi nihil novi audientes, nisi quod in ore omnium iactabatur, nulla admiratione afficiebantur, tu contra qui eadem per tot annos, atque ex tam multis fide dignis authoribus, non tantum literis prodita, sed & vulgò iactata accepisti, nulla ex causa in tantam prorumpis admirationem, vt omnes quotquot vnquam hîc floruerunt Reges ante Cæsaris aduentum, ab hac noua, etsi vt minimùm quadringentaria, repentè & vno quasi partu genitos affirmes, præter vnicum Brennum, quem nobis ex omnibus qui Cæsarem præcesserunt solum relinquis, quod etiam Tito Livio debemus, Romæque excidio ab eo patrato, alioquin cum cæteris municipibus suis, ex Polydori sententia, perpetuis tenebris delituisse: Adeò nihil admittitur à Polydoro, nisi quod Romanorum monumentis consecratum est atque relatum, verùm neque ipse Brennus vsquequaq; à calumnia immunis euasit, nam & ipsi maxima pars gloriæ quæ ei debetur, adempta est à Polydoro, quod nunc opportunum est demonstrare.

De

*De Brenno, quòd idem fuerit Brytan-
nus, & qui Romam cæperit, & qui
Gallos in Græciam & Macedoniam
deduxerit.*



Olydorus enim, de Belino & Brēno fra-
tribus germanis, scribens, etsi cogitur fa-
teri, Brennum natione Brytannum Al-
pes transisse, Romamque cœpisse, de
quo Liuius abundè tractat libro quin-
to ab vrbe condita, admonitum tamen vult lectorem
non eundem esse Brennum, qui Gallorū alteram ma-
num primum in Græciam, deinde in Macedoniam du-
xerat. Cū ille & Gallus fuerit, & post 110. annos quā
Roma capta est, à priore Brenno (vt dicit) floruerit. At
ego, nisi quis Romam à Gallis bis captam ostenderit,
sub duce etiam Brenno, quod nisi semel factum me le-
gisse nusquam memini, manifestum reddam, ex Titi
Liuij & Iustini collatione, eundem fuisse Brennum,
& qui Romam cœperit, & Dux fuerit Gallorum in
Græciam & Macedoniam, quamuis Liuius testetur ip-
sum Brennum, qui Romam cœpit, cum suis ad inter-
nitionem vsque iuxta Romam occubuisse via Gabi-
nia, adeò vt nenuncius quidem cladis superesset, qua
quidem in re, Iustinus cum Liuiō nequaquam conue-
nire videtur, quemadmodum neque cum Poly-
bio. Iustinus enim ad hunc modum libro vicesimo

Iustinus lib. 24.

N.

quarto

quarto scribit, ex Trogii Pompeij historici gravissimi
 autoritate. Namque Galli (sic enim transalpinos om-
 nes tunc appellabant) abundante multitudine, quum
 eos non caperent terræ quæ genuerant, trecenta milia
 hominum ad sedes novas querendas, velut peregrina-
 tum miserunt. Ex hijs, portio in Italia confedit, quæ
 & urbem Romanam captam incendit, & portio Illiri-
 cos sinus, ducibus auibus, per strages barbarorum pe-
 netrauit, & in Pannonia confedit, gens aspera, audax,
 bellicosa, quæ prima post Herculem, cui ea res virtu-
 tis admiratione & immortalitatis fidem dedit, Alpium
 inuicta iuga & frigore intractabilia loca transcendit,
 ibi domitis Pannonijs, per multos annos cum finiti-
 mis varia bella gesserunt. Hortante deinde successu, di-
 uisis agminibus, alij Græciam, alij Macedoniam, omnia
 ferro proterentes petiuere, tantusque terror Gallici no-
 minis erat, ut etiam Reges non lacefsiti, vltro pacem in-
 genti pecunia mercarentur. Haftenus ille: Et mox
 adiicit: Quemadmodum ea pars Gallorum, quæ duce
 Belgio Macedoniam inuaserat, Ptolomeum regem Ma-
 cedoniæ, pacem ab eis redimere abnuente, bello vice-
 rit, caputque ipsius amputatum lancea fixum, tota
 acie circumtulit: Vbi hæc obiter adnotandum duxi,
 quod pro Belgio, Belio, legendum deberi censeo.
 Nam à Belino, apice expuncto, facilis erat lapsus, ut
 Belgio primùm pronuntiarent: nempe i, sonog, ut à
 posterioribus temporibus solebat, & deinde scribere-
 tur g, pro i, dum i, consonantem ut g, corruptè pro-
 nuntiant. Nam ex Brytannorum historia liquet, Be-
 linum vnà cum Brenno fratre suo, post sopitam inter

eos

eos discordiam, post Gallias subactas, Alpes transisse, urbemque Romam ccepisse, plurimasque regiones alias deuicisse, atque hijs patratjs, Belinum in patrias sedes, relicto post se fratre, remigrasse. Cætera, ut potè extra hanc Insulam ab eis gesta, Author historiæ Brytannicæ ad Romanam refert historiam. Deinde idem Iustinus ait. Interea Brennus, quo duce portio Gallorum in Græciam se effuderat, audita victoria suorum, qui Belgio duce Macedones vicerant, indignatus, parata victoria, optimam prædam, & orientis spolijs onustam, tam facile relictam esse, adunatis centum quinquaginta millibus peditum, & quindecim millibus equitum, in Macedoniam irrumpit, quum agros villasq; popularentur. Occurrit ei cum instructo exercitu Macedonum Sosthenes. Sed pauci à pluribus, trepidi à valentibus facile vincuntur. Itaque cum victi se Macedones intra muros urbium condidissent, victor Brennus, nemine prohibente, totius Macedoniae agros depredatur. Deinde sequitur: Quemadmodum Brennus templum Apollinis Delphis positum, regijs muneribus opulentum, natura munitum, auri cupiditate ductus oppugnarit, in eaq; obsidione occubuerit. Sed ex Liuij lib. 8. de bello Macedonico videretur, quod hoc

Liuius lib. 8.

templum tandem expugnauerint, spoliauerintque iidem Galli, in hoc tùm sibi ipsi, qui eos in via Gabina pariter occubuisse asseribat, tùm Iustino, qui in oppugnatione Delphici templi Brennum cæsum fuisse dicat, cōtrarius. Nam Cn. Mālius consul, in oratione sua pro triumpho habita, ex bello quod in Asia cōtra Gallos gesserat, sic ait: Verū etiam Delphos quondam com-

N. ij.

mune

Justinus lib. 20.

mune humani generis oraculum, umbilicū orbis terrarum Galli spoliauerunt. Ex hijs quæ præmisimus satis constat eundem fuisse Brennum, qui & Romam cœpit, & in Macedoniam postea irrupit, & Delphos spoliavit: Atque hoc planius etiam efficit, quod Iustinus libro vicesimo in fine scribit de iisdem in hunc modum. Sed Dionysium gerentem bellum, legati Gallorum, qui paucos ante menses Romam incēderunt, societatem, amicitiamque petentes adeunt, gentemque suam inter hostes eius (nempe Crotonienses) positam esse, magnoque vsui ei futurum vel in acie bellanti, vel de tergo intentis in præliū hostibus, affirmant. Grata legatio Dionysio fuit, ita postea societate, & auxilijs Gallorum auctus, bellū velut ex integro restaurat. Ijs autē Gallis causa in Italiam veniendi, sedesque novas querēdi, intestina discordia, & assidue domi dissentiones fuere, quarum tedio, quū in Italiam venissent, sedibus Tuscos expulerunt. Et Mediolanum, Comum, Brixiam, Veronam, Bergomum, Tridentum, Vincetianum condiderūt. Haftenus ille. Ex quibus, tria ad hanc rem de qua agimus spectantia, licet obseruare. Primum, minime verum esse, Gallos ipsos qui duce Brenno urbem Romā cœperint, ad internitionem vsque in via Gabinia deletos esse, ut Liuius habet, sic ut ne nūcius quidē tantæ cladis superesset: quo prælio Romani Camilli auspicia sequuti, cum illis dimicabant, cum & hij fuerint iidem ipsi Galli, qui Romā cœperint, quorū tantus supererat numerus, ut Dionysius Rex eorū societate non cōtemperit. Secundò, non intercessisse tantum interuallum tēporis, quantum Polydorus affirmat, puta 110. annos inter

inter Romæ excidium à Brenno, & Gallorū in Græciam irruptionē, quū Iustinus aiat, hos Gallos antè paucos menses, quā hæc cum Dionisio gesta sunt, Romam incendisse, & alteros Gallos, quorum vna pars Belgio duce Ptolomeum Macedoniae Regem superauit. Altera duce Brenno, Sosthenem Macedonū ducem fudit, circa idem tempus hoc fecisse asseueret. Tertio, ex hijs verbis Iustini apparere, eandem fuisse Gallis migrandi ex natali solo occasionem, quæ in historia Brytannorum recepta habetur, videlicet, intestinam discordiam, & assiduas domi dissentiones, quas inter fratres Belinum & Brennum fuisse satis constat, de quibus & eorum gestis, præter historiam traductam per Gaufredum, sunt nonnulla antiquissima carmina in eorum laudem Brytannicè conscripta, quæ Brytannis, vt oracula quædam, ob maximam antiquitatem adhuc & memoria retinentur, & conseruantur literis. Neque huius erroris Polydorum vsq; adeò insimulare velim, quòd alium atq; alium fuisse Brennum asseueret, qui Romam cœperit, & qui in Græciam irruperit, quia Titus Liuius ei aliquam occasionē præbuisse videtur. Sed vnde errorem illum hauserit, Brennum ducem Gallorum in Græciam, alterum illum qui Romam cœperit non annis subsequutum esse, quum potius haberet contrariæ opinionis authores, qui affirmant nonnullos Celticæ prouinciæ Gallos, ducentis annis ante nostrum Brennum Capitolinæ arcis expugnatorem, Alpes primum transisse. Ex quibus Liuius eodem loco, quo de Brenno mentionem fecit, ad hunc mo-

dum ait. De transitu Gallorū in Italiā hæc accepimus. Prisco Tarquinio Romæ regnante, Celtarū, quæ pars Galliæ tertia est, penès Bituriges summa Imperij fuit, ij regē Celtico dabant. Ambigatus is fuit, virtute, fortunaq; tū sua tū publica præpotēs, quòd imperio eius, Gallia adeo frugū hominūq; fertilis fuit, vt abundans multitudo, vix regi videretur posse, hic magno natu ipse iam exonerare prægrauate turba regnū cupiens, Bellonesū, & Sigonesum sororis filios, impigros iuuenes missurū se esse, in quas dii dedissent augurijs sedes, ostendit: quantū ipsi vellent numerum hominū excirent, ne qua Gens arcere aduenientes posset: & cætera quæ ibi insequuntur, vbi nihil de aditu eorum in Græciā, (nam in Italia consedēre omnes) differit, vbi lectorē attentū esse velim, quo modo sibi cōstet Liuius, quū paulò ante scripserit ad hunc modum de Gallis, qui sub Brenno Romam cœperint, loquens. Eam gentem traditur fama dulcedine frugum, maximeq; vini, tum noua voluptate captā Alpes transisse, agrosq; ab Hetruscis ante cultos possedisse. & c. Si ij primum noua voluptate capti Alpes primum transierunt, non item alij prius transierunt, sed ijdem ipsi erant, qui sub Brenno vno eodemq; Alpes superarunt, neq; eos in via Gabinia omnes, vt ipse Liuius ait, occubuisse, vt nuntius quidem cladis non superesset, eodem Liuius alibi referente constat. Nam de bello quod auspicijs Cn. Manlij in Gallogræcia gestum est, libro octauo de bello Macedonico scribens, sic ait. Galli magna hominum vi, seu inopia agri, seu prædæ spe, nullā gentem per quam ituri essent, parem armis rati, Bren-

none

none duce in Dardanos peruenērunt. Ibi seditio orta, & ad viginti milia hominum cum Loumorio ac Lutaris regulis à Brennone in Thraciam iter auertunt, vbi cum resistētibus pugnando, pacem petentibus stipendium imponēdo, Bizantium quum peruenissent, aliquamdiu oram Propontidis vestigalem habendo, Regionis eius vrbes obtinuerunt. Cupido inde eos in Asiā transeundi, audiētes ex propinquo quantū vbertas terræ eius esset, capit. Et mox sequitur: Quemadmodū in Asiam transierint, Zibiamq; Bithiniæ regem deuicerint, vbi hæc adiicit. Profecti ex Bithinia in Asiā processerunt, non plus ex viginti milibus hominum quàm decem armata erant, tamē tantum terroris omnibus, qui cis Taurum incolunt, Gentibus iniecerunt, vt quas adiissent, quas nō adiissent, pariter vltimæ propinquis imperio parerent. Quæ omnia quadrāt cū hijs quæ ex Iustino superius retulimus, eosq; ipsos ex eorū sobole fuisse, qui Romam cæperint, ex oratione dicti Consulis quæ proximè sequitur constat, quum de ipsis Gallis exercitum Romanum alloquens ait. Semel primo cōgressu ad Alliam olim fuderunt maiores nostros. &c. Ibiq; constat Gallogræciam ab iisdem Gallis nomē, & Gallogræcos primū genus traxisse, vt identidem apud Iustinū legere est, ad quos, videlicet Liuiū & Iustinum ne longius in hac re immorer, lectorē remitto. Vnū hoc addens ex Suetonio, quo illud incertū esse apparet, quod de auro ablato à Gallis, interuentu Camilli superius à Liuiο refertur. Ipse nempe in vita I. Cæsaris sic scribit. Drusus, hostiū duce Drauso comminustrucidato, sibi posterisq; suis cognomē inuenit.

• Traditur

Traditur etiam pro Prætor ex Prouincia Gallia retulisse aurum Senonibus olim in obsidione Capitolij datū, nec (vt fama est) extortū à Camillo. Hinc liquet quòd hæc, Titus Liuius fama tantummodo, incerto quidem, authore relatum scripserit, de qua eleganter Virgilius. Tam ficti prauiq; tenax quàm nuntia veri. Ex hijs quæ superius memorauimus, abundè satis argumentorum colligere possit ille, cui studio est Britannicas res pro dignitate illustrare, quum ad a-struendum quæ Gulielmus Neuburgus de his irridendi gratia perscribit, tum ad Gaufredi dicta constabilienda, si is quidem quod per ludibrium ei obijci-tur, Britannis nostris aliquam, si non parem Roma-nis vel Macedonibus ipsis laudem tribuerit, quippe quos constat vtranq; hanc gentem multis prælijs fu-disse. Verum quum ipsum Brennum qui Romam coeperit fuisse ducem eorum, qui in Gratiā se ef-fuderunt Gallorum, ex Iustino satis probatum sit, eosque ibidem varias gentes, Reges, Ducesq; subiugasse, adeò vt totam Asiam sub se tributariam vecti-galemq; per multos annos tenuerint, satis hinc ma-teriae subministrabatur Polydoro, etiam ex authori-bus Romanis, quos solos admittit, quo de gente Bry-tannica aliquid laude dignū prædicaret, nisi Gildam suum tam auide sequutus, vituperare illam potius quam laudare maluisset. Nam quid vnquam magis laudandum in re militari de vllō Principe dici potest, quàm quod de hoc Brenno, inimicis testibus, agnos-citur, & prædicatur, quando Alpium inuicta iuga ip-sū penetrasse, per stragesq; gentium interpositarum
iplos

ipſos Romanos rerum dominos iuſta acie fudiſſe & proſtigaiſſe, ipſamque tandem Romam, tum armis tum viribus florentem adiſſe, cœpiſſe & ſubiugaſſe. Ac poſt Macedones, Græcos, Aliaticos, cæterasque quaquaueſum tenderet nationes deuiciſſe, veſtigalesque feciſſe, ex prædictis ſatis conſtat. Si hæc de Romano quopiam dicerentur, deum immortalem, qua verborum vi, quo orationis eloquio ea exornaret & explicaret, adeo vt quod à Flauio Vopiſco in vita Probi aſſeritur, verum eſſe comprobetur, videlicet, omnes omnium virtutes tantas eſſe, quantas videri eas voluerint eorum ingenia qui vniuſcuiusque facta deſcripſerint. Si quis de Romanis ſcribere inſtituens, viris ſine dubio rei olim bellicæ gloria maximè illuſtribus, dedita opera ea tantum percenſeret, ac in literas referret, quæ parum vnquam foriter ab illis ac miſus ſtrenuè geſta ſunt, omiſſis quæcunque ad famæ ipſorum ſplendorem attinerent, nonne pulchrum, ſcilicet & egregium de eis encomium compaginare poſſet? Quid tam laudabile vnquam fuit, quin extenuando ea quæ laude, & exaggerando ea quæ aliqua vituperatione digna eſſent, vitioſum appareat? Quale eſt hoc quod Titus Liuius de fuga Romanorum ad Alliam dicit: In altera acie nihil ſimile Romanis, non apud Duces, non apud milites erat, pauor fugaque occupauerat animos, & tanta hominum obliuio, vt multo maior pars Veios in hoſtium urbem, quàm Tiberis arceret, quàm recto itinere Romam ad coniuges ac liberos fugeret, parumper ſubſidiarios tutatus eſt locus, in reliqua acie ſimul

O.

eſt

est clamor, proximus à latere, vltimus à tergo auditus, ignotum hostē prius penē quā viderent, non modo non tentato certamine, sed ne clamore quidem reddito, integri intactiq; fugerint, nec vlla cede pugnatum fuit, terga cæsa suomet ipsorum certamine in turba impediētiū fugam. Circa ripam Tiberis, quò armis abiectis totū sinistrum cornu defugit, magna strages facta est, multosq; imperitos nandi, aut inualidos, graues loricis, alijsq; tegminibus hausēre gurgites, maxima tamen pars incolumis Veios, profugit, vnde non modo præsidij quicquam, sed ne nuntius quidē cladis Romā est missus. Confer hæc cum eo quod ex Gilda Polydorus adfert de Cæsaris in hanc Insulā aduentu. Et videbis par pari relatū. Sic enim scribit Gildas ille: Etenim reges Romanorū quum orbis imperium obtinuisēt, subiugatis finitimis quibuscūq; regionibus vel Insulis orientem versus, prima Parthorum Indorum confinium parta pace, qua peracta, in omni penē terratū cessauere bella, & potioris famę viribus firmassent, non acies flammæ quodammodo rigidi tenoris ad occidentem ceruleo Oceani torrente potuit vel cohiberi vel extinguī, sed transfretans, Insulæ parēdi leges nullo obsistente aduexit, imbellēq; populū sed infidelem, non tam ferro, igni, machinis, vt alias gentes, quā solis minis, indiciorūue concussionibus in superficie tantum vultus, presso in altum cordis dolore sui obediētiā proferentem, edictis subiugauit. Nonne hinc apertissimē liquet Gildam (si tamen Gildas is fuerit) de industria vituperationē gentis instituisse potius quā historiæ alicuius concinnationē? Et quāuis Polydorus
huius

huius rei haud sit inscius, tamen hæc à Gilda minus verè dicta suæ historiæ interferit, non tam in gentis Brytannicæ ignominiam, quàm in suæ gentis, scilicet Romanæ, gloriam. Videlicet quæ de Brytannis laudabiliter scripta sunt, aut eleuando, aut ea quæ de Romanis referuntur supra modum amplificando, adeò vt non Brytannicæ, sed potiùs Romanæ gentis historiam condere videatur. Nam si huius Insulæ historiã texere in animum induxisset, laudanda iuxta ac vituperanda, prout ordo rerum exposceret, pro meritis cuiusq; more fidelis historici enarrasset. Non verò ea tantum quæ vituperio probròue digna viderentur, vndiq; conquirendo exaggerasset, vt famosum potiùs carmen quàm gentis huius historiam condere videatur. Eo enim modo nec Romani ipsi quantumuis laudati à probro se vsquequaq; tuebantur. Si quis ea omnia quæ à Romanis minus strenuè aut infelicitè gesta sunt hinc inde ex eorum historicis conquirat, atque inde Corollarium concinnet, nulla vsq; adeò Gens reperietur, eo vsq; parte ex omni rebus præclarè gestis absoluta, de qua nihil reprehensione dignum prædicari possit. Verùm vt hæc semel præteream, quæ ex Latinis authoribus à Polydoro partim inuersa sunt & partim immutata : nunc ad illa quæ à nostris tantum scriptoribus memorata, ab ipso vel penitus reijciuntur, vel tali saltem scommate eluduntur, vt vana & fictitia prorsus lectori videantur, modo eius tantum sententiæ acquiescens, ultra, rem minimè excutiat. Quale est illud quod de Arthuro Rege illo Brytonum illustrissimo & toto

orbe decātato, ab ipso Polydoro memoratur. Abhinc (inquiens) paucos annos positum fuit Arthuro in Glasconienſi Cœnobio ſepulchrum opere magnificum, quo poſteriores intelligerent illum omnibus ornamentis dignum fuiſſe, quando Arthuri tempore Cœnobium illud non dum eſſet conditum. Nonne hijs palam videtur ſubinnuere non poſſe Arthurum illic ſepeliri, vbi nullum tempore ſuo Cœnobium extractum fuiſſet, quod credulo lectori, & non vſquequaq; intento ſatis fore putabat, vt Arthurum nunquam inter viuos verſatum fuiſſe, totamq; eius hiftoriam vanam & fictitiā fore crederet. Quare vt huic de Arthuro quæſtioni, non à Polydoro tantū (vt verum fatear) iam primum excogitatæ, verū ab eo vt alia omnia quæ Britannorum decori aliquatenus detrahere videantur, propoſitæ respondeam. Eſſi à quibusdam alijs tum noſtri temporis tum ſuperioris ætatis ſcriptoribus, & poſtremo à Leylando noſtro huic ſcrupulo abundè ſatiffactum eſſe videā, pauca tamen quæ ex Britannorum tum Annalibus tum antiquitatibus de Arthuro acceperim, hijs adiicienda ſtatui, atq; nōnulla quæ in hoc à me iamdudum parata ſunt argumenta, eſſi ab eodem Leylando memorata, partim quo ſepiùs transcripta minus obliuioni obnoxia ſint, partim quia prothotypa ipſa vnde ea & ipſe accepit dum hac de re vltro citroq; dies aliquot ſermonem vnā conferremus, penès me pleraq; ſunt, vnde fides certior hijs facienda ſit, hīc denuò repetere non ab re fore putauī.

De

*De Arthuro Brytonum Rege
illustrissimo.*



Etsi Polydorus ipse, hunc apertè ex Regum Brytannorum catalogo non reijciat, adeò vt quibusdam simplicioribus, qui in ipsius historiæ lectionem incidunt, immeritò inter eos qui Arthurum impugnent, censendus esse videatur, obliquè tamen ipsius famæ & gloriæ immortalì detrahère deprehenditur. Ait enim: Sepulchrum illud quod in Cœnobio Glasconiensi Arthuri nomine insigne adhuc visitur, eidem positum fuisse paucos abhinc annos, quādo Arthuri tēpore Cœnobium illud nōdū (inquit) esset cōditū. Hoc scilicet precipuum est iaculum, quod in Arthuri manes veluti ex insidijs contorquet Polydorus, sed quā irritò nixu, mox patebit. Tametsi enim certum est sepulchrum illud quod nunc Arthuri nomine Glasconiae visitur, non iam inde ab Arthuri tempore, verū ante quadringentos abhinc annos extructum esse, ex occasione tamē vetustioris ipsius Arthuri sepulchri tum demum reperti, id nouum & magnificum erectum esse constat, adeò vt vel hoc solum operis, ea qua extructum est occasione duntaxat pensata, ad Arthurum ipsum è tenebris tetraque obliuione, qua etiam Polydorus ipse & alij obruere conantur, asserendum satis esse debet. Modus ipse quo Arthuri ossa eò loci quæ sita atque reperia sunt, à Giraldo Cambrensi libro distinctionum sua-

Polydori de Arthuri sepulchro cauillus.

Giraldi.

rum cap. 18. qui rei totius oculatus erat testis, describitur. Rex item Henricus secundus, tum occasionem rei explorandæ dedisse, tum ossibus Arthuri in id loci, quo nunc reposita sunt, transferendis, & sepulchro tam magnifico honorandis author assignatur. Restam publicitus gesta, tamque locupletibus asseuerata testibus, nullius fraudis excogitationi, obnoxia esse potuit. Deinde tam vetustum Epitaphium, quod in sepulchro Arthuri repertum est, vetusta plumbea lamina inscriptum his verbis:

HIC IACET SEPULTVS INCLITVS REX
ARTHVRVS IN INSVLA AVALLONIA CVM
WENEVERA VXORE SVA SECVNDA,

palam ostēdit, ex ipsarū literarū antiquitate, rem nullo modo effingi potuisse, ut quis vel maximè suspiciosus, cō temeritatis audacięq; prouectum quenquam existimet, qui talem imposturam tam metuēdo Regi obtrudere auderet, aut tam absolutū artificem, qui tot sagacium prudētiumq; virorum qui dum ossa Arthuri exhumarentur spectatores fuēre, oculos perstringere potuerit: verū de hoc postea fusiū. Nunc ostendamus omnino vanū esse, quod hīc Polydorus obliquo dictorio huic rei obijcit, vbi ait: Nondum Arthuri tempore Cœnobium illud conditum fuisse, quasi hoc Enthymate legentibus subintelligēdum innuat, si hoc verum est, quod Cœnobium illud ipsius tempore nondum erat conditum, neque eius corpus illic humari verisimile fuit, quando Christianos, cuiusmodi erat Arthurus ipse, in loco sacro sepelire mos erat. Cui quidem cauillo, etsi Polydorū ipsum sibi ipsi alibi satisfecisse liquet, vbi ait locum illum, quo nunc Cœnobium illud situm est,

est, à Iosepho Arimathiensi celebratum fuisse breui post Dominicam ascensionem, quod vnicum antiquitatis Brytannicæ testimonium approbare videtur, neque verisimile sit locum aliquem, vbi Christi cultores tam diu iam olim versabantur, aliquo saltem phano, Sacello, siue Cœnobio in Arthuri vsque tempora caruisse, quorum aliquod si tum temporis fuerit eo loci extructum, satis idoneus videbatur Christianorum sepulturæ, imò vel Principum virorum, ob summam loci antiquitatem. Tamen & Cœnobium ingens, quãuis non tam magnificum ac nunc est, nedum Sacellum, inibi Arthuri tempore extructum fuisse facile videbitur, Arthurumque inter præcipuos illius beneficos connumeratum. Hoc ostendunt regia Diplomata illic in hæc ferè tempora adseruata, & præcipuè regis Henrici secundi sub hijs verbis. Quæcumque enim à prædecessoribus meis Gulielmo primo, Gulielmo secundo, & Hérico auo meo, sed ab antiquioribus videlicet Eadgaro patre sancti Eadueardi, ab Eadmūdo & à patre ipsius Eadvvardo, & Ealfredo auo eiusdem, Brinvvalchio, Kēvvino, Baldredo, Iua, Cuthredo, & Arthuro, & multis alijs regibus Christianis. Sed à Kenvvalchio Rege pagano, quorum priuilegia & chartas diligenter feci inquiri, & coram me presentari & legi. Hactenus ex Diplomate illo regio. Graue sanè testimonium est tanti regis asserentis, se vidisse Arthuri ipsius inter aliorum huius regni principum virorū chartas & priuilegia, hoc vel in foro (vt aiūt) contētioso, vtpotè satis authenticum, fidem huic rei, de qua agimus, abundè facere debet. Sed dixerit quis, hæc verba tantum ad explendam

dam formam in huiusmodi instrumentis cōfirmatorijs addi solere, vel Rege inconsulto, cuius nomine emanârunt. Verùm absque priorum huiusmodi Diplomatum inspectione per regios officiales, talia addi non solère, testes erant scriuiorum regiorū custodes, quos Cancellariæ clericos appellant, si secus fecerint, non impunè illud fore. Atque huiusmodi nōnulla alia producit Leylandus ille antiquitatis Brytannicæ conquisitor curiolissimus (quem ob eam animi propensionem Rex Henricus, eo nomine octauus, ad bibliothecas huius regni omnes perscrutandas suo Diplomate regio commendatum amandauerat) pro antiquitate ecclesiæ siue Cœnobij Glasconiensis asseueranda, quæ persuadere cuius debent, eam esse non minus antiquam, quàm Christianæ religionis in Brytannia primam plantationem, quam non plus centum quinquaginta sex annis à Christo seruatore nato hîc propagatam esse, constat. Habeo item ipse quandam Coronidem adiectam historiæ D. Bedæ à quodam Cuthberto eiusdem D. Bedæ contemporaneo, quod ex epistola eiusdem Cuthberti ibidem addita de morte D. Bedæ cui se interfuisse ait, manifestò liquet: vbi inter cætera, de locis sepulturæ sanctorum Angliæ, hæc verba habentur. Beatus igitur Aidanus, sanctusque Patricius, & alij plures cum eis requiescunt in loco qui dicitur Glastingaberi, qui quidem Patricius obiisse dignoscitur, sub annum Domini quadringentesimum septuagesimum secundum, & sepultus in ecclesia Glasconiæ dicta vetusta, quod ex vetustissimis monumentis verum esse liquet. Quibus asseritur, eundem D. Patricium Hiberniensium Apostolum

Itolum æditum fuisse anno incarnationis Domini trecentesimo sexagesimo primo, & missum à Celestino Episcopo Romano ad suggestionem Sancti Germani, ad Hibernos fide Christiana imbuendos, anno Domini quadringentesimo tricesimo. Ex cuius etiam epistola in hæc ferè tempora Glasconia adseruata, cuius præthotypon Leylandus se vidisse ait, atque ego illius exemplar iam olim exscriptum habeo, in vita illius D. Patricij, constat eundem Patricium monasticam vitam triginta perpetuos annos Glasconia egisse, seque ibidem ad primum sui aduentum repperisse duodecim viros Heremiticam & solitariam degentes vitam, quod pluribus confirmare possum monumentis antiquissimis, nisi satis esse existimarem vnius Bedæ prædicti familiaris epistolam siue Coronidem, qua asserit D. Patricij corpus Glasconia sepultum esse, quod Ecclesiæ celebritatem vel Arthuri temporibus satis abundè asserit, vt satis credibile sit Arthurum eo loci sepultum fuisse iuxta historię receptæ assertionem. Quare Polydori de ea re obiectioni abundè responsum esse arbitror, cum & sua ipsius & aliorum veterum assertionem probatum sit Cœnobium aut saltem Ecclesiam, vbi Christiani obeuntes sepeliri possent, longè ante Arthuri tempora eo loci extitisse. Ad hæc, quum Gildæ nomen in Brytannicis monumentis celebre haberetur, ipsiusque de Arthuro silentium in libro, qui eius nomine ad presens circumfertur, nuper Polydori opera, eo potissimùm nomine typis excusus, pro validissimo aduersus Arthurum argumento depromitur, nempe à quo & cæteri, qui subse-

quiti sunt Scriptores præsertim Latini aliquot, qui Brytannica scripta siue ignorantes siue contemnentes ea tantum quæ Latinè prodita essent, memorarunt, suum hausisse errorem & de Arthuro silentium deriuasse videntur. Atque cum in Brytannicis monumentis, tum apud Giraldum Cambrensem legerim, vel suo tempore decantatum fuisse, quod Gildas aliqua prius gloriosè de Arthuro prædicauerit, & deinde ob eadem Hoëli eius fratris ab Arthuro parratâ ea suppresserit, aliaquè non tam laudanda de ipso emisit & disseminarit, ingenti fateor studio æstuabam, Gildæ ipsius aliqua saltem scripta videre, vnde vetustissimas bibliothecas tum Cœnobiorum & ecclesiarum huius regni publicas, tum priuatas aliquot amicorû curiosius perscrutatus, in binos tandem Gildæ nomine inscriptos libellos incidi: Alterum in Brechonia Demetarum, quæ nunc australis V Vallia dicitur, vrbe, natali quidem solo mihi charissimo, ex Cœnobio Monachorum, quod ibidem erat Benedictini, quem vocant, ordinis desumptum: Alterum longo post tempore in regia bibliotheca videre licuit, adiectum historiæ cuiusdam Ioannis de Sancto Albano, quem cum illo priori diligentissimè collatum per omnia penè ad verbum conuenire reperi. Vterque magnam antiquitatem ipsis characteribus manuscriptis præ se ferebat. Inscriptio item clara & per omnia conueniens rubro descripta minio, nempe hæc: Incipiunt gesta Brytonum à Gilda sapiente composita. Videtur libellus ille primum à Gilda compositus, at postea à litteratoribus aliquot qui in eum inciderant, mirè deprauatus. Nam
suppu-

supputationem quam ipse ad suam tempestatem deduxerat; illi expunxerunt, & ad sua tempora applicauerunt: vt ex lacunis quas huiusmodi lituris fœdauerunt liquet. Orditur enim sic: A principio mundi vsque ad Diluuium, anni sunt. 2242. A Diluuiio vsque ad Abraham, anni. 942. Ab Abraham vsque ad Moysen, anni. 640. A Moysen ad Dauid. 500. anni. Et à Dauid vsque ad Nabuchodonosor, anni 569. Ab Adam vsque ad transmigrationem Babiloniæ, anni computantur. 4779. Et à transmigratione Babiloniæ vsque ad Christum. 563. Ab Adam verò vsque ad passionem Domini nostri IESV Christi 5228. A passione autem Christi peracti, sunt anni 796: hic apparet lacuna, vbi veteri scriptura expuncta, nouis characteribus hic numerus suppletur, videlicet. 796. nempe ipso Literatore, temporis supputationem ad suam tempestatem traduce, quum prius ad Authoris duntaxat tempestatem applicita fuisset. Deinde in contextu historiæ vbi libelli author Incolas huius Insulæ qui suo tempore fuerint, commemorat, hæc habuit: Et in ea habitant quatuor Gentes, Scoti, Picti, Saxones, ac Brytones. Nouus hic scilicet Aristarchus pro (habitant) prius habitabant inscripsit, quod nouiter adiectum esse præter veteris exemplaris contextum, ex recentiori tum characterum tum atramenti specie, liquido constat, nulla ratione habita temporis quo superiora scripta sunt, sed suæ duntaxat tempestatis. Et ad eum modum quamplurima eius libelli loca

P.ij. dum

dum corrigere vellet, viciauit & corrupit. In eo tamen libello fit mentio de D. Patritio, necnon de Arthuro admodum luculenta, & de bellis insignioribus numero duodecim ab eo patrat, à quo & VVilhelmum Malmesburiensem & Henricum Huntingdonensem ea quæ de ipso Arthuro suis historijs ex Gildæ authoris fide cōmemorant, mutuatos esse crediderim. Hinc igitur aliqua subijcere statui ad rei de qua agimus maiorem faciendam fidem, quando nihil post Gaufredi tempora ab aduersarijs hîc admitti video. Et hunc quidem libellum longè ante Gaufredi ipsius æuum, quicumquet tandem ipsius author fuerit, vel ex recentiori temporum supputatione in eo subducta, liquidò apparet. Et quamuis aliqua ei à posterioribus aliquot sciolis adiecta videantur, quæ Gildæ tempestati minime conueniant, ex Gildæ tamen commentarijs hunc desumptum esse facile crediderim. Non enim nouum est veterum chronicis, recentiora vt emergunt rerum euenta addere, inscriptione tamen primi authoris minime abolita. In eo quidem libro hæc de sancto Patricio habentur ad verbum. A primo anno quo Saxones venerunt in Brytanniam, vsque ad annum quartum Mermini Regis, supputantur anni quadringenti viginti nouem. A natiuitate Domini nostri Iesu Christi ad aduentum Sancti Patricij ad Scotos, quadringenti quinque anni sunt. A morte Patricij vsque ad obitum Sanctæ Brigidæ, quatuor anni sunt. A morte Columchillæ vsque ad obitum Sanctæ Brigidæ quatuor sunt anni. Initium compoti viginti tres Cicli decennouales. Ab incarnatione Domini vsque ad aduen-

Alius libellus
habet ad Hiber-
niam.

aduentum Sancti Patricij in Hiberniam & ipsi annos efficiunt numero quadringentos triginta octo. Et ab aduentu Sancti Patricij in iam dictam Insulam usque ad Ciclum decennoualem in quo sumus, viginti duo Cicli sunt, id est quadringenti viginti unus sunt. Duo anni in ogdoade usque in hunc annum in quo sumus. Haftenus ille: Atque hæc ideò adscripsi, ut scriptoris huius tempora innotescant, qui longè ante Gaufridi Monomutensis tempora ex supputatione predicta floruisse constat. Hinc ea quæ Gulielmus Malmesburienſis se in gestis Brytonum de Vortigerno legiſſe ait: Et quæ de Vortimero scribit Chronica habere, Arthurumque in obsidione Badonici montis, fretū imagine Dominicæ matris, stupenda geſſiſſe ſcribit, deſumpſiſſe credendus eſt: Nam ea hoc in libello memorantur, neque ea ex Gilda quem Polydorus euulgandum curauit ſumere potuit, quippe qui nec Vortigerni quidem ſpeciatiſimam mentionem facit, nedum Vortimeri aut Arthuri. Deinde ex Gaufrido ea deſumere non potuit, nam hſtoriam Brytannicam nondum euulgauerat, quum Malmesburienſis ſuam ederet. Henricus Huntingdonenſis integras habet clauſulas ex hoc libello ad verbum deſumptas in ſua Brytanniæ deſcriptione, quum nondum videret Gaufridi translationem, nam eundem Henricum ſuam edidiſſe Anglorum hſtoriam longè ante Gaufridi translationem hſtoriæ Brytanniæ factam, tum ex ipſo Gaufrido in fine, tum ex libro alio ab ipſo Henrico poſtmodum edito, quem de ſummitatibus rerum inſcripſit, ſatis liquet. Authorem tamen non nominat.

Nota quod tempore ſcriptoris hic floruerit.

speciatim, vnde ea exceperit, quæ de primo incolatu
 Brytanniæ ibidem refert, sed ait quod in Beda non
 inuentum alijs authoribus reperi: ac mox ea subdit
 quæ habentur in libello iam dicto, Gildæ nomine in-
 scripto. Sunt & alij, inter quos Ioannes Anglicus,
 qui quædam ex hoc libello citant sub Gildæ nomine.
 Leylādus Nennium nescio quem huius libelli autho-
 rem putat. Quicumq; is demum fuerit non multum
 refert, quando perantiquum esse satis liquet. Is qui-
 dem hæc de Arthuro ad verbum habet. Tunc Arthu-
 rus contra illos, videlicet Saxones pugnabat, sed ipse
 dux erat bellorum. Primum bellum fuit in ostio flu-
 minis quod dicitur Gleni. Secundū, & tertium, quar-
 tum & quintum super aliud flumen quod dicitur Du-
 glas. Sextum super flumen quod vocatur Bassas. Sep-
 timum fuit in silua Celidonis. i. Cath coed Celydon.
 Octauum fuit in Castello Guinion, in quo Arthurus
 portauit imaginem sanctæ Mariæ semper virginis su-
 per humeros suos, & Pagani versi sunt in fugam in
 illo die, & multi ceciderunt, & cedes magna fuit super
 illos per virtutem Domini nostri Iesu Christi, & per
 virtutem sanctæ Mariæ virginis genitricis eius. Nonū
 bellum gestum est in vrbe Legionis. Decimum gessit
 bellum in littore fluminis, quod vocatur Tribuit. Vn-
 decimum factum est bellum in monte quod dicitur
 Assuet, alias Catregomon. Duodecimum fuit bellum
 in monte Badonis, in quo corruerūt in vno die non-
 genti sexaginta viri de vno impetu Arthuri, & nemo
 prostrauit eos nisi ipse solus, & in omnibus bellis vi-
 ctor extitit, & ipsi barbari dum in omnibus bellis pro-
 sterne-

Nennius.

Alias Rhybro-
 yth forte Rhyd
 Rhwyd, quod
 vadum peruium
 Brytannicè so-
 nat.

sternerentur, auxilium à Germania petebant, & augebantur multipliciter sine intermissione, & Reges à Germania deducebant, vt regnarēt super illos in Britannia, vsque ad tempus quo Ida regnavit, qui fuit Eobbæ filius, ipse fuit primus Rex in Beornica. Hætenus ille. Quæ etsi incomptis verbis sunt prolata, non mediocre pondus habere debent ob scripti vetustatem, quam tūc ex supputationibus in eo memoratis, tūc ex ipsa scripturæ specie, permagnam esse constat, præsertim quando hunc scriptorem tam vetustum à Gaufredo nihil mutuatum esse, vllō modo suspicari quis poterit. Quare & aliam supputationis nōtulam in fine illius libelli ascriptam, hīs adiiciendam putavi, quæ talis est: A mundi principio vsq; ad Constantinum & Rufum. 5658. anni reperiuntur. Itē à duobus geminis Rufo, & Rubellio, vsq; in Stilliconem Consulem. 373. anni. Item à Stillicone vsq; ad Valentinianum filium Placidæ & regnum Guorthigerni. 28. anni, & à regno Guorthigerni vsq; ad discordiam Guitolini & Ambrosij anni sunt. 12. quod est Guoloppum, id est Catguoloph. Guorthiger-nus autem tenuit Imperium in Brytannia Theodosio & Valentiniano Consulibus, & in quarto anno regni sui, Saxones Brytanniam venerunt Felice & Tauro Consulibus. 400. anno ab incarnatione Domini nostri Iesu Christi. Ab anno quo Saxones venerunt in Brytanniam & à Guorthigerno suscepti sunt, vsque ad Decium & Valerianum, anni sunt sexaginta nouem. Et sic clauditur libellus ille. Atque hinc liquet bellum montis Badonici ab
Arthu-

Arthuro confectum esse, non autem ab Aurelio Ambrosio, quod Polydorus affirmat. Ad quod insuper astruendum, atq; ad Arthuri nomen asserendum, liber hîc quædam Brytânica carmina Thaliessini illius prothouatis inter ipsos celeberrimi, ante annos mille scripta, quæ ad rem de qua agimus comprobandam plus ponderis habere debent, quàm aliud quicquam quod hætenus viderim. Nam hunc Thaliessinū tempore Mailgonis qui Venedotus cognominatur à Brytannis, & Maglocunus à Gilda Polydori dicitur, floruisse constat, cui quidem Mailgoni, ex ipsius carminibus iam dictus Thaliessinus plurimum infestus fuisse videtur, & ipsius carmina tot exemplaribus ijsque tam vetustis scripta sunt, & tam concorditèr eius nomen proferunt, eaq; locutionis phrasi cū Thaliessino ipsi, tū ipsius temporis peculiari proferuntur, ut nulla penitus suspitio excogitari possit spuria, aut aliena fuisse carmina: Ea porrò vna odula sunt huiusmodi.

Gwaethant wy yz ynbydyon, pan by swaith baddon

Arthur benn haelion y lasneu by gochyon

Gwonaeth ar y alon gwaith gwyz gofynion

Gouynion gwaed darcdd mach deyzn y gogledd.

Heb dzais heb dzossedd.

Dy bo rhad na gwedd ar Maelgwn gwynedd

Dzwy na ddialer ar Kun y etyuedd

Boed byz bo y bychedd, boed disfaith bo y diredd

Boed hir diaruedd o Maelgwn Gwyneth.

Thaliessin benn beyzdd ae Kant.

Quæ quidem carmina Latinis auribus in hunc modum exprimi possunt.

O misc-

O miseros illos nimium, sub monte Badone,
Quum cruor, Arthuri magnatum principis ense
Inficeret : fusiq; foret iam sanguinis ultor,
Heroum, quorum auxilio Borealia iustè
regna steterè diu.

Infaustus, gratus nulli, Malgo venedotus
sit, modo ne Rhunus filius ista luat.

Esto brevis vitæ, vasti sine frugibus agri,
perpetuò à proprijs sedibus exul agat.

Thalieffinus Prothouates Brytannicus cecinit. Legi
item alia Merlini carmina antiquissima, quæ mentio- Merlinus.
nem faciunt rei gestæ ab Arthuro ad Calydoniam
siluam, quæ huc ascribenda non temerè putavi, ad
perpetuandam huiusmodi antiquitatis memoriam:
Ea sunt huiusmodi.

*Saith ugein haelion a aethant ygwylion
yng koed Belydon y daruyant :
kangs mi byrdin wedy Thaliessin
Bythad kyffredin byn darogan.*

Quorum quidem Brytannicorum Rythmorum
sensus, Latino carmine sic efferri potest.

Iamq; aberant procerum viginti terq; quaterq;
Sylua quibus vitæ tulerat Celedonia finem :
Quod non obscuro cecini clamore fucurum,
Post Thalieffinum Merlinus.

Quibus quidem carminibus, centum quadraginta ge-
nerosi animi viros in silua Calydonia extinctos fu-
isse innuit, idq; à se Merlino post Thalieffinum vate
publico attestatum. Item in Chronicis Brytannicè
scriptis antiquissimis, de hoc Badonico bello scriptum
reperi in hanc sententiam. A tempore Vortigerni,

Q.

aliàs

aliàs Guorthigerni, vsq; ad bellum Badonicum quo Arthurus dimicauit aduersus Saxones & eos debellauit. 128. anni sunt: A bello Badonico vsq; ad bellum de Camilan in quo cæsus est Arthurus. 22. anni sunt. Omnis denique Brytannorum antiquitas, hoc bellum Badonicum ab Arthuro gestum proclamat. Ita vt non mediocris Arthuro ipsi iniuria inferri videatur, si rei tam illustris tamque vniuersim notæ & confessæ gloria, eidem subtrahatur, ob id solum quod Gildas hic non luculenter meminerit, sub cuius auspicijs gestum sit hoc bellum, quod tamen discretis verbis Aurelio Ambrosio tribuere non veretur Polydorus, citra authoris alicuius euidentem assertionem, quia nimirum hic Ambrosius, Romanæ stirpis originem (licet materna ex parte duntaxat) traxerit. Quidam insuper ex nostris antiquissimis Bardis, siue Thaliessinus ipse sæpè dictus, siue illius contemporaneus aliquis in carmine quodam funebri, quod in mortem Gerentij filij Erbini Dannoniorum principis, qui ex Arthuri commilitonibus censetur vnusq; eximius, hos reliquit versus rithmo Brytannico scriptos.

*Pn lhongbozth y lhas gereint
Gwz delwz o goder disneint
Pntwy n lhadgit ashedaint
Pn lhongbozth lhas y Arthur
Gwz delwz kymyunt o dur
Amherowdyz lhywyawdyz lhasur.*

Hæc quoq; carmina Latine vtì sequitur
exprimenda duximus.

Proxima

Proxima quos nobis generis cognatio iunxit,
Strenuus atque tuis Dauonia finibus ortus,
In nauium cecidere sinu primumq; perempti:
Arthuro fortes, nauium sinus abstulit, arma
Ingentem ferri molem, quorum arma potente
digna duce accipiunt.

Hic vides de Arthuro luculentam haberi mentionem:
Sanè carmen est antiquissimum, & Thaliessini illius
fuisse non dubitauerim. Nam etsi anonymon erat in
eo quem ego legi libello, tamen inter alias eiusdem
Thaliessini odulas & carmina satis nota, interfereba-
tur. At vt Brytannicè gnari faciliùs locū deprehēdant,
carmen iam dictum hunc in modum orditur.

*Danet anet gereint sed agozed
Pyzth nef Rhodei Crist a arched
Pyit mirrein pydein agoned
Molet paub yz rad ereint*

Quæ in Latinum sermonem traducta
hunc habent sensum.

Viuere cognatis quoniam non contigit ultra,
(Vota cui facimus, cœlestia regna recludas
Christe) quibus Brytonum tam magni gloria constat:
Hunc laudent, animas qui conseruauerit omnes.

Similia carmina eodem loci scripta reperi, de Cedwal-
lonis victorijs & prælijs ab eo gestis, qui Edwinum
Regem Northumbriæ debellauit, nec non de Kynde-
lano filio Kédroini, & de Vriano cognomēto Rheget,
qui milites Arthuriani prædicātūr, quæ authorem hijs
viris contemporaneum planè attestātur. Sed & non-
nulla alia per antiqua monumēta Britānicè, tum prosa

tum rithmo scripta habentur, longè ante Gaufredi Monomutensis tempora, quibus de Arthuro nostro luculenta fit mentio, cuiusmodi sunt illa, quæ inter Triades eorum connumerantur in hunc sensum, videlicet, quod tres viri maximo dedecori huic Insulæ fuerint. Primus Auaroïus filius Lud qui Mandubratius à Cæsare & Androgius à vulgata Gaufredi historia dicitur, verū corruptè utrūq; . Is primus, odio quo Patruū suū Calsibellaunū prosequutus est, inuitauit Cæsare & Romanos in hanc Insulā. Secundus erat Guorthigernus, qui prim⁹ induxit Saxones in eandē, quibus terrā hīc inhabitandā dedit. Is quoq; necem Constantis filij Cōstantini dolo procurauit, duosq; ipsius fratres Ambrosiū, & Vtherū cognomēto Pendragō in Armoricā profugere cōpulit, & sibi regni diadema per tyrānidē arripuit. Cæterum hūc Guorthigernum, Ambrosius tandē atq; Vtherus concremarūt in Castello, quod ex nomine ipsius Guorthigerni, etiā in hęc tēpora Guorthigernion dicitur, locus est satis notus in Demetica regione Cábrię in comitatu Radnorie. Tertius cēsetur Mordredus ille proditor, quē Arthurus ad regimē huius Insulæ moderandū, dum ipse aduersus Romanos vectigal hinc exigentes dimicaturus, expeditionē faceret, post se reliquit, qui eo absente, foedere cū Saxonibus inito, regni diadema sibi vsurpauit. Quod vt rescivit Arthurius, cōserto prēlio, fufisq; Romanis maturē redijt. Atq; huic Mordredo qui Saxones Pictosq; sibi cōsociauerat, magna Insulæ parte eius foederis ergò donatos, bellū supremū intulit, vbi & Mordredus ille interficitur, itidēq; Arthurus, etsi eo bello superior letaliter

liter vulneratus, in Insulā Auallonię quasi curāduſ mit-
titur, & inibi ſecretò, nè mors illius, animos hoſtibus
adderet, ſepultus eſt. Sexcenta inſuper alia huiuſmodi
ex Brytannicis literis ante annos quingētoſ ſcripta, hīc
proferre poſſem, quibus Arthuruſ Brytannorum re-
gem fortiffimū, multa egregiē geſſiſſe demonſtran-
tur. Verū quia hæc ſufficere arbitror rei Brytannicę
utrumque expertis, pluribꝯ huiuſmodi monumentis
citandis hic ſuperſedendum duximus: & ne alij linguę
Brytannicę ignari nobis obijciant, hæc noſ ex noſtro
ut dicitur cerebro excogitaſſe, & plura huiuſmodi ad
libitum cōfingere poſſe, habemus quidem ipſa protho-
typa tantam antiquitatem præſeferentia, ut ex ipſa li-
terarum ſpecie fidem cuiuſ facere debeant, non minus
annos abhinc quingentoſ ſcripta, quibus hæc nullo
modo efficta aut nuper excogitata demonſtremus. Ve-
rū nunc aliorum de Arthuro proferemus teſtimonia,
quę ſi ante Gauſfredi ipſiuſ tempora ſcripta fuerint,
nulla relinquetur occaſio ſuſpicandi, ea à Gauſfredo ip-
ſo tum primum excogitata. Et primuſ eiꝯ generis
prodeat V Villielmuſ Malmesburienſiſ, qui libro pri-
mo de geſtiſ Regum Anglię, hæc habet verba: Sed eo
(videlicet V Vorthemero) extincto, Brytonum robur
emarcuit, ſpes imminutę retro fluxere, & iam tum pro-
fecto peſſum iſſent, niſi Ambroſiuſ ſoluſ Romano-
rum ſuperſteſ, qui poſt Vortigerum regni monarcha
fuit, intumeſcenteſ Barbaroſ eximia bellicoſi Arthuri
opera preſiſſet. Hic eſt Arthuruſ de quo Brytonum
nugę hodieque delirant, dignuſ planē, quem non falla-
ceſ fabulę, ſed veraceſ prædicarent hiſtorię, quippē

W. Malmesb.

Q. iij.

qui

Ecce iterum Ar-
thurus asseritur
Dux belli Bado-
nici.

Henricus Hun-
tingdonensis.

qui labantem patriam diu sustinuerit, infractasque
civium mētes ad bellum acuerit, postremò in obsidio-
ne Badonici montis, fretus imagine Dominicæ matris
quam armis suis infuerat, nongentos hostium solus
adorsus, incredibili cæde profligauerit. Hactenus ille:
Deinde Henricus Huntingdonensis Archidiaconus in
sua Anglorum historia, eadem bella ab Arthuro ge-
sta, & loca bellorum enumerat, quæ superius referun-
tur, quæ quidem loca à quodam ante se historiogra-
pho descripta, ætati suæ incognita fuisse asserit, quod
palàm facit, scriptorem illum ex quo hæc hauserit
Henricus, fuisse peruetustum vel ipsius Henrici tem-
poribus, quum nomina ab eo prodita, per id tempus
vsque adeò obsoleuerint, vt vel tunc essent incognita.
Et constat utrūque, videlicet & V Vilhelmum & Hen-
ricum hæc ante historiam à Gaufreddo æditam scri-
psisse, quod tunc ex temporibus quibus æditi eorum
libri declarantur, tunc ex fine historiæ Brytonum à
Gaufreddo ipso translata, manifestum est, ita vt nulla
deinceps relinquatur suspitio arbitrandi Gaufredum
Monomutensem hæc de Arthuro effinxisse, vt qui-
dam recentiores eum videri volunt fecisse, quantum-
uis exiguam fidem habendam censeant, posterioribus
qui Gaufredum subsequuti sunt scriptoribus, puta
Giraldò Cambrensi, Radulpho Cestrensi, Geruasio,
Ioāni Anglico, & similibus: & hij subodorari potuis-
sent, vtrum historia à Gaufreddo translata, & præcipuè
tam admiranda Arthuri facinora, tum primùm efficta
& diuulgata fuissent, quorum aliqui ipsius Gaufredi
temporibus superstites nullo modo siluissent, tot Reges

vno partu, vt Polydorus vult, editos fuisse ab ipso Gau-
 fredo : Verum nihil suffragij expetimus hac in parte à
 Gaufredi ipsius sequacibus, ne aliquam suspensionem
 causetur quifquam ab eodem acceptum fuisse, quod in
 hanc rem astruendam protulerint. Priscatatummodo
 exquirimus, quale est hoc, quod de primaria fundatio-
 ne Landauensis Ecclesiæ Cathedralis, quam ante mil-
 le annos extructam & dotatam esse constat, ex vetu-
 stis ipsius Ecclesiæ monumentis accepimus, vbi inter
 cæteras ipsius Ecclesiæ donationes vna recensetur, à
 Noe quodam filio Arthuri de terra vocata Penalynn,
 necnon Landeiliavv vavvr super ripam Teyuij flu-
 minis (qui Tibius à Ptolomeo dicitur) tempore Du-
 britij Archiepiscopi facta, in cuius donationis calce, &
 testes citantur complurimi, vt ferè fit in huiusmodi
 vetustis Chorographis, & fines huiusmodi terrarum
 limitantur Brytannicis vocabulis adhuc non ita ob-
 scuris, quin magna ex parte intelligantur. Quod de
 Arthuri nomine saltem asserendo, præclarum sanè &
 Autenticum mihi quidem videtur testimonium, vt nul-
 lum aliud existimem luculentius : Liber est apud me
 in hoc proferendus, vt fidem rei faciam, si quis de Ar-
 thuro adhuc dubius hunc videre desiderat. Deinde in
 eodem libro, vbi vita Sancti Dubritij recolitur, lucu-
 lenta fit mentio de eodem Arthuro & de rebus ab eo
 gestis, ad eundem ferè modum, quo in historia ab Gau-
 fredo translata memoratur. Quam quidem vitam lon-
 gè ante Gaufredi tempora in Ecclesia Landauensi, die
 D. Dubricij memoriæ dicato, quotannis ab ipsius Ec-
 clesiæ cultoribus, repetitam fuisse liquet. Extant

Fundationes Ec-
 clesiæ Cathedra-
 lis Landauensis.

Vide Ptolomeum

præ-

Meneuensis Ec-
clesiæ Chronica.

Mors Arthuri.

præterea Annales peruetusti, in Cœnobijs & Ecclesijs antiquis huius Regni diligenter olim adseruati, quibus superiorum temporum res gestas, eorundem locorum cultores adnotare solerent. Atq; hijs non exiguam habendam esse fidem censeo, rerum quæ in ipsis referantur, vtpotè qui etsi à diuersis seorsim positis scriberentur, in vnum tamen conuenire vt plurimumprehenduntur. Huiusmodi libellus peruetustus, ex ærario Meneuensis Ecclesiæ Cathedralis, quæ V Valliæ Metropolis olim erat, ab eiusdem ærarij præfecto mihi transmissus est, vbi plura de rebus in V Vallia gestis, à Brytannici excidio regni habetur, quàm vsquam aliàs me legisse meminerim. Is de Arthuri tempestate hæc continet: Leo Maior sedit Imperator annis octodecim: Tempore istius Imperatoris pugnauit Arthurus Rex Brytanniæ cōtra Romanos, & Lucium Hiberum procuratorem Reipublicæ in Burgundia deuicit, & Romanos & ipsum Lucium Hiberum interfecit. In vltimo verò anno istius Leonis, pugnauit contra Mordredum nepotem suum, iuxta fluuium Cábulan, & eum cum suis omnibus interfecit. Sed & ipse Arthurus grauius vulneratus, ad sananda vulnera sua in Insulam Auallonis perrexit, & Constantino cognato suo Brytanniam regendam dimisit, anno ab incarnatione Domini quingentesimo quadagesimo secundo. Eadem complectitur Chronica Maridunensis Cœnobiij, in Demetica, australi videlicet Cambriæ parte, quæ itidem habeo. Eadem & Chronica Cantuariensis Ecclesiæ Metropolis Angliæ, vbi quamplurima huius Regni antiqua monumenta adseruabantur, confirmant. Vbi
& hoc



& hoc quoque adseueratur, in historia Regis Edouardi à conquestu primi, quod ipse Rex, quum apud Caernaruon urbem Venedotiæ ageret, post deuictum Ludouicum vltimum eius loci ex Brytannico scilicet iure Principem, Coronam Arthuri Regis, inter præciosissimas res Principum Venedotorū quos tum demum subegerat, repererit, & inde plurimum gauisus, secum abstulerit. Depingit item Leylandus noster sigillum ipsius Arthuri, quod V Vestmonasterij adseruatur, tam commodè tamque appositè, vt id monumēti etsi materia ipsa casu aliquo intereat, effigies tamen & forma illius nunquam sit interitura. Deinde Giraldus Cambrensis, homo sui temporis non vulgarter doctus, affirmat se ossa Arthuri contrectasse atque vidisse. Epitaphium ipsius in lamina plumbea inscriptum legisse, modumque & occasionem perquirendi exhumandique ea, libro quem scribit Distinctionum, cap. 18. fusim explicat, cuius verba hīc interferere opere præcium duxi, quia liber ille Giraldi non passim habetur à quibusuis, necdum typis excusus est, quemadmodum neque alia nonnulla huius Regni monumēta omnino indigna quæ pereant: Imò quædam quæ Regiæ maiestatis plurimum intersit vt perpetuò exent, nam pacta, conuenta, & ipsa Chirographa continent inter Angliæ, Scotiæ, & Francorum Reges, de rebus non mediocris momenti. Atque hæc igitur, etsi non tam vniuersim venalia forent, quàm libri fortè alij, eos tamen expensis Regiæ maiestatis typis excudi conueniret. Opera inquam V Villicmi Malinesburiensis, Henrici Huntingdonensis, Aluredi, Ioannis

R. Anglici,

Giraldus.

Anglici, Henrici Houedensis, ipsiusque Giraldi, qui de rebus Hibernicis & Brytannicis plurima scripsit obseruanda. Sed iam quæ de Arthuro habet Giraldus ipse referamus. Regnante (inquit) nostris in Anglia diebus Henrico secundo, contigit, vt apud Glasconienſe Cœnobium, quondam nobile Sepulchrum Arthuri Regis Brytanniæ dicto Rege monente, & Abbate eiusdem loci Henrico de Sayle (qui ad Cathedram VVigornia translatuſ poſtea fuit) procu-
rante, diligenter quæſitum, in Cœmeterio ſacro à Sancto Dunſtano dedicato, inter duas Pyramides altas & literatas in Arthuri memoriam olim erectas, multis laboribus effoderetur, & corpus eiusdem in puluerem & oſſa redactum, ab imis ad auram & ſtatum digniorem transferreretur. Inuenta eſt in eodem Sepulchro, tricha muliebris flaua & formoſa miroque artificio conferta & contricata, vxoris Arthuri, viro ibidem conſepulta. Porro quoniam de Rege Arthuro & eius exitio dubio multa referri ſolent, & fabuloſè conſingi à Brytonum populis, ipſum adhuc viuere fatuè contendentibus, vt fabuloſis exufflatis, & veris ac certis aſſeueratis, veritas ipſa de cætero circa hæc liquidò pateat, quædam hîc adijcere curauimus indubitata veritate comperta. Poſt bellum de Kamlan apud Cornubiam, interfecto ibidem Mordredo proditore nequiſſimo, & Regni Brytanniæ cuſtodia ſuæ deputati, contra auunculum ſuum Arthurum occupatore, ipſoque Arthuro ibi lætaliter vulnerato, corpus eiusdem in Inſulam Aualloniam, quæ nunc Glasconia dicitur, à nobili matrona quadam eiusdem cognata

gnata & Morgain le faye vocata, est delatum: quod postea defunctum, in dicto Coemeterio sacro, eadem procurante, sepultum fuit. Propter hoc enim fabulosi Brytones & eorum cantores fingere solebant, quod Dea quædam phantastica, scilicet Morganis dicta, corpus Arthuri in Insulam detulit Aualloniam, ad eius vulnera sananda. Quæ quum sanata fuerint, redibit Rex fortis & potens ad Brytones regendum, ut dicunt, sicut solet, propter quod ipsum expectant adhuc venturum, sicut Iudæi Messiam suum, maiori fatuitate & infœlicitate ac infidelitate decepti. Notandum hîc autem, quod Glasconia dicta est Insula, quoniam Marisco profundo vndique est clausa, quæ Mediamnis propriè diceretur, quasi medijs scilicet amnibus sita, sicut melius Insulæ dicuntur, quæ in salo, hoc est in mari sitæ noscuntur. Aualonia verò dicta est ab (Aual) brytannico verbo, quod pomum sonat, quia solet locus pomis & pomerijs abundare, vel ab Auallone territorij illius quondam dominatore. Item solet antiquitus locus ille Brytannicè dici (ynys vvydrin) hoc est Insula vitrea, propter amnem scilicet quasi vitrei coloris in marisco circumfluentem, & ob hoc dicta est postmodum à Saxonibus terram occupatibus, lingua eorū Glasconia, Glas enim saxonice vitrum sonat. Paret ex hijs igitur quare Insula, & quare Aualonia & quare Glasconia dicta, & hoc quoque quo pacto Dea phantastica Morganis à fabulatoribus nuncupata. Notandum hîc etiam, quod licet Abbas prænominatus aliquā habuerit, ad corpus Arthuri querendum, ex scriptis antiquis & Chronicis notitiā, nonnullā quoque

ex literis Pyramidum inscriptis, quanquam antiqua-
tis tamen & ferè omnino vetustate deletis, maxi-
mam habuit per dictum Regem Henricum ad hæc
evidentiam, dixerat enim ei pluries, sicut ex gestis
Brytonum & eorum cantoribus historicis Rex au-
dierat, quod inter pyramides, quæ postmodum ere-
ctæ fuerant in sacro Cœmeterio, sepultus fuit Ar-
thurus valde profundè, propter metum Saxonum,
quos ipse sæpè expugnauerat, & ab Insula Brytan-
nica prorsus eiecerat, & quos Mordredus nepos eius
pessimus contra ipsum post reuocauerat, nè in mor-
tuum etiam, vindicis animi vicio desæuerent, qui
totam iam Insulam post mortem ipsius iterum oc-
cupare contenderant: Propter eundem etiam me-
tum, in lapide quodam tanquam ad sepulchrum à
fodientibus inuento, quasi septem pedibus sub ter-
ra, quum tamen sepulchrum Arthuri nouem pedi-
bus inferius inuentum fuerit, reperta fuerit crux
plumbea, non superiori sed potius inferiori parte la-
pidis inserta, literas has inscriptas habens:

HIC IACET SEPULTVS INCLITVS REX
ARTHVRVS IN INSVLA AVALLONIA CVM
WENEVERIA VXORE SVA SECVND A.

Crucem autem hanc extractam è lapide, dicto Abbato
Henrico ostendente, perspeximus, & literas has perle-
gimus. Sicut autem Crux inferius lapidi inserta fuit,
sic & crucis eiusdem pars literata, vt occultior esset, ver-
sus lapidem versa fuit, mira quidem industria, & ho-
minum tempestatis illius exquisita prudentia, qui cor-
pus viri tanti, Dominique sui, præcipuique loci illius
patroni,

Arthurus Patro-
nus Ecclesie
Glasconiensis.

patroni, ratione turbacionis instantis, totis viribus tunc occultare volebant, & tum vt aliquo imposterum tempore, tribulatione cessante, per literarum saltem cruci insertarum & quadoq; repertarum indicia propalari possit, procurarunt. Sicut dictus itaq; Rex totum Abbati prædixerat, sic Arthuri corpus inuentum fuit, non in sepulchro marmoreo, vt Regem decebat eximiū, nō in saxeo aut parij lapidibus execto, sed potius in ligneo ex quercu ad hoc cauato, & sexdecim pedibus aut pluribus in terra profūdo, propter festinam potius quā festiuam tanti principis humationē, tēpore nimirū turbationis vrgētis id exigēte. Dictus autē Abbas corpore reperto, monitisq; regis Henrici, Marmoreum sepulchrum fieri fecit ei egregium, tanquam Patrono loci illius præcipuo, qui scilicet ecclesiam illam præ ceteris regni cūctis plus dilexerat, terrisq; largis & amplis locupletauerat. Ideoq; nō immeritō, sed iusto quoq; dei iudicio, qui bona procul dubio cuncta, non solum in coelis verumetiam in terris, siue in vita siue post mortem plerūq; remunerat, in cœnobiali demūm Ecclesia antiqua præ ceteris Regni totius & autentica, corpus Arthuri egregiē sepultum fuit, & glorificē sicut debuit & tantum virum decuit collocatum. Hactenus Giraldus. Quæ cum ipse statim à re gesta diuulgauerit, nullo modo credendus est vana prodidisse, quin statim refelleretur, nec tanti nominis viros mendacij alicuius testes citare ausum fuisse. Neq; mirum cuiquam videri debet, quòd tam reconditē sepultus fuerit. Nam hoc idem & alios antehac in Ducum suorum gratiam quos mirificē amauerint, factitasse legi-

R. iij.

mus

mus. Siquidem Alaricum quondam Vandalorum Ducem extinctum, qui urbem Romam Stilliconis proditione sub Honorio Imperatore cepit, sui milites, ne effusum cadauer hostes ludibrio haberent metuētes, alueo Bussenti amnis mutato, excauatoq; ypo-geo (sic enim scribit Pomponius Lætus in vita Theodosij magni) suo more congestis opibus sepelierunt, & fluuium pristino alueo immiserunt: Et ne quis audiens Gweneueriam Arthuro consepultam, putet eam fuisse quæ à nepote Arthuri Mordredo constuprata est, nouerint in Britannicis antiquitatibus contineri, Arthurum duxisse tres vxores omnes nomine Gweneuerias, primam cuiusdam Goryti filiam, secundam Credilo quodam prognatam, tertiam ex Gogourano cognomine Giganteo æditam, quumq; Epitaphiū supra dictum, Gweneueriæ vxoris suæ secundę mentionem faciat, subinnuere videbatur, non eam intelligendam quam tertio loco duxerit, quod & Epitaphium ab alio nescio quo postea adiectum itidem subinnuere videtur, vbi inquit.

Hic iacet Arthuri coniunx tumulata secunda,

Quæ meruit cœlos virtutum prole fecunda.

Cumq; Leylandus quantumuis Antiquarius nusquā legerit tot vxores Arthuri habuisse cognomines, neq; crederet Archurum aut eius amicos voluisse eam, quæ ipsum Arthuri, & thori & regni iure ipsaq; vita spoliauerit, sibi vnquam consepeliri, ideò & ipse Leylandus, & alij Brytannicæ linguæ ignari, multa commiscuntur incerta, quò videri posset credibile, ipsam Gweneueriam adulteram, ab alio quodam longè post
Arthuri

Arthuri exitum ad eius tumulum translatam fuisse. Ex verbis vtriusq; Epitaphij liquet, Arthurum ipsum duas habuisse vxores easq; Gvveneuerias nomine, alioquin superfluum erat addere secundam, quum satis ex nomine ipso nota foret, si solam eius nominis duxisset. Tertiam verò habuisse cognominem, tum monumenta ipsa Britannica, quorum superiùs memini, tum vel ipsa præsumptionis vehementia cōprobat, quum secundam adeò sibi charam habuerit, vt eidem consepeliri lubens voluerit, quod de vltima ipsius vxore quidem adultera, nullo modo credendū est. Sed vt semel finiam rem iam satis superq; tot testibus confirmatam, atq; à Leylando iam dicto abūdè comprobata, vt nihil supra desiderari possit. Atq; huius quidem Arthuri tot ausim dicere (nescio quo fato) adhuc extare monumenta, quot de nullo alio vix produci possint. Cuius enim à tot annis extincti Sepulchrū, ossa ipsa, Epitaphiū hæc attestans, Sigillū, Singrapha deniq; ipsa, præter innumeros literatos testes, & historiographos, non exteros quidē sed domesticos ideoq; locupletiores, mihi proferri possint? Si eos quidē illustres viros omnes, de quibus tot tātaq; proferri testimonia aut monumēta non poterūt, è rerū penitus memoria tollantur, ingentē profecto nobiliū virorū turbam, magna antiquitatis iactura, prorsus sublatā iri oportet. Idq; ob vnius (si dijs placet) leuiculi scriptoris silētiū. Gilde scilicet: Nam reliquorū, ab hoc vno dimanauit error omnis, de quo postea fusiùs. Ceterū vt recētiore quidā, sua facundia, ceteris persuadeant scriptoribus de Arthuro silēre, nūquā tā gloriosā ipsius memoriā iam
inde

inde ab eius excessu vicissim veluti per manus traditâ atq; acceptam, ex vulgi ipsius ore excutient, quin perpetuò virtutum suarum immortalium ergò decantetur & celebretur. Et quanquā multa, vulgaribus quidem illis præconijs prædicentur incredibilia, non est tamen vlllo modo credendum, tam memorabilia de quoquam vbiq; ab omnibus & semper ab eius tempestate decantari, si aut nullus fuisset, aut minus illustris vir de quo talia effingeretur. Imò hoc ipsum vel maximè comprobare videtur Arthurum ipsum tantæ fortitudinis, magnificentiæ, & industriæ fuisse virum, ut eum ipsum præ cæteris omnibus quasi virtutum omnium exemplar sibi ad imitandum, homines generosi animi omnes delegerint, adeò ut nullū virtutis genus esse crederent, quod in ipsum non deceret conferri. Huiusmodi est quod Zenophon de Cyro rege Persarum effingendo, citra nephas aliquod commentus est. Hoc ipsum spectabant & recentiores, qui de Marco Aurelio Imperatore historiæ speciem excogitarūt, eos sibi nimirum deligentes depingendos, quibus cum decoro aliquo ea tribuere maximè possent, quæ optimis Principibus inesse conveniret. Deniq; ut homines ipsi de Arthuro fileant, inclamabunt saltem montes, saxa, & rupes huius Regionis, ipsius perpetuò nomē, adeò virtutis omnis comes tam indiuulsa est gloria. Testatur Giraldus sæpè dictus suo (Οδοποιον) Cambriæ libello, vel suis temporibus, nempe ante annos quadringentos, in Brechonia montem ibi sublimem Arthuri nomine, vallemq; inter ipsum mōtem & alium ex modico interstitio aduersum, Cathedram Arthuri
appel-

Cyropoedia Ze-
nophontis.

appellari. Id quod ego verum esse scio, nempe ad radicem montis eius, nempe in Brachonia vrbe natus & educatus. Quid de porta Arthuriana apud montem Gomerici in finibus Cambriae, de quo Leylandus. Est praeterea Saxum ingens alijs minoribus suffultum atq; pensile in summitate collis, qui medius est inter Herefordiam (quae nunc mihi adoptiua est patria, ideoq; charissima) & Brechoniam ipsam, quod Arthuri Saxum vulgò appellant. Sunt & alia passim in finibus Valliae sexcenta huiusmodi loca & Rupes, quibus Arthuri nomen inditum est iam olim, quae ut duratiora sunt ipsa materia, sic & diuturnius caeteris manufactis monumentis, nomen Arthuri conseruabunt. Et quia & ipsis Poëtarum carminibus suis inest genius nunquam interiturus, libet hîc adijcere carmina quaedam Thaliessino nostro vati inscripta, de hoc Arthuro nostro composita, quae sunt haec.

Insula Pomorum quae Fortunata vocatur,
Ex re nomen habet, quia per se singula profert.

Et post aliqua haec subsequuntur.

Illuc post bellum Camblani vulnere laesum
Duximus Arthurum nos conducente Barincho,
Aequora cui fuerant & coeli sidera nota.
Hoc rectore ratis cum Principe venimus illuc,
Et nos quo decuit, Morgain suscepit honore,
Inq; suis thalamis posuit super aurea regem
Fulchra, manuq; sibi detexit vulnus honesta:
Inspexitq; diu, tandemq; redire salutem
Posse sibi dixit, si secum tempore longo
Effet, & ipsius vellet medicamine fungi.

S.

Gaude-

Gaudentes igitur regem commisimus illi,
Et dedimus ventis redeundo vela secundis.

Item Ioannes Auuellanus poëta non inelegans hæc
de Arthuro in suo libello quem Architremium in-
scribit, habet carmina :

De orbiculari
mensa.

Arthurus teretis mensæ genuina venustas

A Ramo phrigijs dandi non vnda sed æquor.

Vbi adnotandum est, & non temerè colligendum, vt
quæadmodū ipse Arthurus primus orbicularis mensæ
sodalitijq; ex selectissimis viris sub eo nomine coa-
cti, quod Principi viro multū amicitia subsidijq; pa-
rare solet, si excellentes viros vndiq; conquirat, & eius-
modi comitatis & intimi sodalitiij vinculo tam arctè
sibi coniungat, vt quæcunq; vni ex eo sodalitio iniuriā
oblata sentierint, hanc sibi quisq; intentatā arbitretur,
ita eundem morem inde in hæc nostra tempora à prin-
cipibus viris vsurpatum fuisse crediderim, vt sodalitia
consimilia sibi peculiaria instituerint. Quale est Gar-
therij ordinis apud nostrū, Aurei quidē velleris apud
Carolū quintū nūc Imperatorē Alemaniae, aliudq;
eius generis apud regem Gallorū. Si non ab Arthuro
hoc moris primū emanauerit, ostendat mihi quis, à
quo iam alio? Legitur quidē in Brytannicis monumē-
tis, nullū ab Arthuro in sodalitium suæ teretis mensæ
ascitum fuisse, nisi quem aliqua virtus præclara, exi-
mum præ cæteris & insignē redderet, siue ob bellicam
virtutem, siue ob eius prudentiā eximiam, siue ob elo-
quentiæ suauitatem, atq; in legationibus conficiendis
mirā dexteritatē, siue ob liberalitatē summā & be-
nignitatem, qua homines in sui amorem dictosq; audi-
entes

entes esse citra vim aliquā alliceret. Quorum virorū præsidio fretus, talia fecisse credendus est, qualia de eo narrantur (fabulas autē voluptatis ergō confictas excipio) vnde in nouē illorū Heroum quos pares vocāt, collegium, omniū consensu atq; suffragijs iam olim ascriptus est. E quibus nullū exemptum video, præter vnicum nostrū Arthurū, nescio quo fato, aut maleuolentia. Nec leue id putet quisquam, quod à vulgo talia iactentur, nunquā ego sanè crediderim, etiam si nulla de eo extarent literarū monumēta, vt in tam cōspicuo, excelso & famigerato cōstitueretur loco, quisquā mediocris virtutis homo, multo minus vmbra aliqua vel sompniū (vt ita dicā) hominis, qui nusquā fuerit. Atq; hanc famæ celebritatē non vltimis nostris temporibus de Arthuro exortam, neq; nostram hanc Insulam vsq; adeò virorum fortium sterilē, atq; à Polydoro nostræ gentis scilicet Encomiaste censetur, testis est Iosephus nostræ gentis Poëta (vt mihi quidem videtur omnino indignus, qui à publica editione supprimatur) in opere quod Antiocheida inscripsit. Cuius quidem carmina etsi à Leylando nostro iam sciam in suo de Arthuri assertione libello adscripta, libet hijs denuo adijcere, cum ob eorum venustatem & elegantiam, quibus vel bis repetita placere debent, tū vt rei de qua agimus suffragentur. Hæc itaq; sunt.

Inclita fulsit

Posteribus ducibus tantis, tot diues alumpnis,
Tot sæcunda viris, premerent qui viribus orbem,
Et fama veteres : hinc Constantinus adeptus
Imperium Romam tenuit, Byzantion auxit.

S.ij.

Hinc

Sczua forte leg.

Hinc Senonum ductor captiua Brennius vrbe
 Romuleas domuit flammis victricibus arces.
 Hinc & sæua satus pars non obscura tumultus.
 Ciuilis, magnum solus qui mole soluta
 Obsedit, meliorque stetit pro Cæsare murus.
 Hinc celebri fato scælici claruit ortu
 Flo: regum Arthurus, cuius cum facta stupori
 Non micuere minus, totus quod in aure voluptas.
 Et populo plaudente fauus. Quæcunque priorum
 Inspice Pelæum commendat fama Tyrannum:
 Pagina Cæsareos loquitur Romana triumphos,
 Alcidem domitis attollit gloria monstris,
 Sed nec pynetum corili, nec fidera solem
 Aequant: Annales Latios Graiosq; reuolue.
 Prisca parem nescit, æqualem postera nullum
 Exhibitura dies. Reges supereminet omnes
 Solus, præteritis melior, maiorque futuris.

Eant nunc Arthuro mastiges isti, & dicant tam glorio-
 sa tamq; memoranda à doctis viris (ne dicam imperito
 vulgo) de Arthuro temerè deprædicari. Nemo fanè
 erit æquus rerum æstimator qui id vnquam existima-
 uerit. Quare de eo hæc dicta sufficiant. Pauca verò de
 Gildæ silentio, quod vnicum in Arthuriani nominis
 internicionem argumentum adducunt aduersarij,
 nempe à quo reliqui errorem hunc omnem hausisse
 videntur, subijcere dignum existimaui, quo omnes
 demùm perspiciant quàm parui momenti id fuerit, ad
 euertenda tot illustria de Arthuro monumenta.

Proba-

*Probabiles coniecturæ, cur Gildas quem
Polydorus nuper typis excudendum cu-
rauit, Arthurum silentio prætermi-
serit.*

ET si primùm quis nō omnino temerè du-
bitauerit, an libellus iste Gildam autho-
rem habuerit necne, partim quòd Bry-
tànica vocabula malè reddit, partim quod
quinque Reges Brytannorum ceu vno &
eodem pariter tempore regnantes, simulque supersti-
tes alloquitur. Nempè Constantinum, A. Conanum,
Vortiporium, Cuneglasium qui Cunedagius, & Ma-
glocunum qui Mailgocunus diceretur, hos enim coar-
cuit, increpat, & hortatur, vt in melius resipiscant.
Quod frustra esset iam mortuis dictum, quando om-
nis Brytannica historia & antiquitas, hos sibi inuicem
fucceſſiſſe, nec vno simul tempore rerum vnquam po-
ſitos eſſe conſtanter aſſeueret: vt ne quid interim de
tam crassa huius ſcriptoris, quam in rebus Brytannicis
præ ſe fert ignorantia, commemorem, vt proximi an-
te ſe Regis Gvorthigerni ac Vortimeri eius filij ſtre-
nuiſſimi, cuius bella fortiter geſta, VVillielmus Mal-
meſburiensis & alij recensent, & ſimilium quantum-
uis illuſtrium & famigeratorum Principum nomina
prorſus reticuerit, quaſi eorum eſſet ignarus, quæ Gil-
dam hominem Brytannum latere nullo modo poſſent.

S. iij.

Nec

Nec illius Gildæ opus esse facile crediderim, qui res Britannicas iusto volumine illustrasse, singulos etiam, de legibus Molmutinis, de laudibus Aurelij Ambrosij, de vitis nonnullorum diuorum Brytanniæ, libros scripsisse, à veteribus passim prædicatur. Nam quàm parum præstat in hoc qui typis excusus est à Polydoro libello, Brytonum historiam, quam à Gilda conscriptam fuisse omnes proclamant, vel ipso Polydoro teste, satis constat. Præterea quamplurima in hoc desiderantur, quæ à nonnullis historicis antiquioribus ex Gilda citantur. Deinde tantopere eloquētiam affectat huius libelli author, ut gloriosuli cuiusdam opus potius quàm alicuius modesti viri, qualis fuisse Gildas perhibetur, videri possit: Ad hæc tam anxie probrosa omnia conquirat, tam dissimulanter laudabilia quæq; huius Insulæ transfilit, ac ut in his eleuandis, sic in illis modis omnibus exaggerandis, omnes ingenij & loquentiæ suæ (sic enim aptius dixerim quam eloquentiæ) nervos intendit, ut nullam prorsus historiæ speciē, quin potius vituperationem gentis Brytannicæ, studio adhibito, instituisse videretur. Hinc est quod quæ à Porphyrio illo heresiarcha, si huic credendum est accepta, & ad D. Hieronimi Pelagij Brytanni, in quem scribebat, odium detorta acceperat, ceu vulgò iam decantata in terræ huius probrium ei aculatur. Nempè quod fertilis sit prouincia Tyrannorum &c. Eiusmodi & illud est quod à Iulio Cesare in quosdam milites ignaros sub se merentes dictum, quos quia neque bello fortes, neque pace bonos, aut vtilis compererat militia, à se missos fuisse in Commetarijs suis commemorat, hoc eisdem penè verbis in gentem Brytannicam detorquet. Hæc inquam tam anxie

xiè conquisita, & tam iniquè detorta, me diu cò incli-
narunt, vt Gildæ hoc opus neutiquam fore crederem.
Quando illa quidem ab hoc prætermiffa, ignorare
nullo modo potuerit Gildas, nec tam maleuolus esse
in Brytannos mihi quisquam crederetur, vt hæc tam
manifesta, aut dissimularet, aut tam odiosa de hijs &
tam vana vlllo modo prædicaret. Atque vt nonnulla
ex hoc libro sub Gildæ nomine tum à D. Beda, tum à
Gaufredo ipso, & alijs citata comperi, quod Gildæ no-
men hunc libellum vel iam olim circumtulisse com-
probat, sic & alia sub Gildæ nomine quamplurima à
scriptoribus nonnullis citata reperi, quæ in hoc Gildæ
libello non continentur. Hæc dum (fateor) anxium me
& dubium diu tenerent, quis author huius libelli fo-
ret, ac satis superq; exploratum nihilominus haberem
taliam non ab alio, quàm qui Brytannis infestissimus es-
set profecta esse, commodè occurrebat Giraldus Cam-
brensis sæpè dictus, & quidam alij rerum Brytannica-
rum scriptores antiqui, qui vno ore omnes adseuerant,
Gildam ob cædē fratris sui Hoëli siue Huelini, sic enim
à Brytannis dicebatur, ab Arthuro perpetratam, eidem
tam infestum fuisse, vt quæ prius de Arthuro laudan-
da scripserat, post fratris cædem suppressisse, & quoad
maximè potuerit, eius famæ & gloriæ derogasse. Hoc
non commentus est aliquis Recentiorum, quippè an-
te quadringentos annos exactos, iam dictus Giraldus
huius rei meminit, qui vetus esse vel tum tempo-
ris inter Brytannos hoc dictum attestatur. Hoë-
lum siue Huelinum ipsum fuisse Gildæ fratrem, anti-
quissimæ apud eos Genealogiæ attestantur, quodque
Arthurus

Arthurus iam dictum Hoëlum siue Huelinum occiderit, & antiquissima Brytannicè scripta monumenta, & latinè nonnulla alia videlicet, quæ de vita ipsius Gildæ habentur, comprobant. Atque in libro Chronicorum Glasconia hoc ipsum legisse memini. Extat item adhuc locus in Venedotia, qui cædis huius memoriam adhuc retinet, lapidemque ingentem nomen huius Huellini præferentem habet erectum, ut mos erat antiquis, ad huiusmodi rerum memoriam perpetuendam. Verum quæcumque tandem causa fuerit, sanè vel odio vel studio aliquo insigni Brytānorum nomen perstringendi, huius libelli scriptorem, quisquis fuerit, adductum fuisse constat, neque quicquam minus sibi proposuisse, quàm historiam aliquam Gentis componere. Tamen si non aliorum quoque recētiorum Principum nomina huius libelli Author iuxta ac Arthuri nomen reticuiisset, scrupulus fortè aliquis suspicacibus adhuc insidere potuisset, ut crederent hunc non exempturum Arthuri nomen è Regum Catalogo Brytannorum, quātumlibet ei inuisum, sed & Gvorthigernum, qui proximè Aurelium Ambrosium præcedebat, quem nemo vnquam inficiatus est huius Insulæ gubernaculatu tenuisse, quique ob introductos primū Saxones plusquam famosus erat, penitus omittit. Nisi quod sub Tyranni nomine eum subinnuere, & ex corruptis moribus deliniare videtur. Ut taceam priores retro Principes omnes, quos vel Brytannorum vel Latina historia commemorabat, imò memoria adhuc vigens hominum relegebat. Quod si eos ænigmaticè & obscuro sermone innuisse aliquibus satis videbitur, nec quæ
circa

cisca Arthorum gesta fuere, videtur eo modo intacta reliquisse, etsi inuolucris quibusdam ea obrexit, ut non nisi cum historia Brytonum collata facile intelligatur. Et ut id lector dilucidius intelligat ab ipsa Aurelij Ambrosij mentione, eius verba sunt perscrutanda. Ait enim sic: Ne ad internitionem usque delerentur, duce Aurelio Ambrosio, qui solus forte Romanæ gentis tantæ collisioni, occisis in eadē parentibus, purpura nimirum indutus superfuerat, cuius nunc temporibus nostris soboles auita bonitate degenerauit. Hoc enim conuenit cum historia vulgata, quod Constantius pater Ambrosij & Vtheri, dolo Saxonū occisus fuerit, quodque illi post patris obitum in Armoricam Brytanniam metu Gvorthigerni Tyranni, qui fratrem eorum Constantem paulo post vita & regno priuauit, transmissi fuerint. Deinde belli Badonici mentionem facit, quod sub Arthuri auspicijs gestum fuisse, superius abunde (ut arbitror) ostendimus. Huic subiungit. At illis decedentibus, cum successisset ætas tempestatis illius nescia, & præsentis tantum serenitatis non expers, ita cuncta veritatis ac iusticiæ moderamina concussa atque subuersa, ut earum ne dicam vestigium, sed ne monumentum quidem in supradictis ordinibus appareat. Hinc liquet ætatem hinc interuenisse à quiete primum parta ab Aurelio Ambrosio, imò pristinae tempestatis nesciam in causque tempora, quæ iam præ obliuione, priorum malorum corrupta, adseuerat, quod tempore Aurelij Ambrosij contingere non potuit. Nam ipse non diu Regia dignitate potitus est. Quare tam longam quietem & tranquillitatem tempore ipsius captam, & per Vtheri eius

T.

fratris

fratris, atq; Arthuri tēpora protractam, subintelligere videtur, vt ætatem prioris tempestatis nesciam, interea successisse dicat, quod cum ratione tēporum in Brytannica historia subducta conuenire videtur. Nam Saxones primū à Vortigerno inuitati Insulam hanc adierunt, sub annum Domini quadringētesimum quadragēsimum nonum, ac non longè post, idem Aurelius regnum arripiēs, Gvorthigernum solio deturbat regio, & paulò post Hengisto Saxonum Duce bello à se occiso, & ipse Aurelius apud superos esse desijt. Cui Vtherus frater successit, atque huic Arthurus eius filius, qui in bello de Cāblan, lætali accepto vulnere occubuit, anno Domini iuxta supputationem eorum qui hac de re scripsēre. 542. Post quem successit Constantinus, quem hic Gildas immūdx Leenæ Dannoniæ tyrannicum catulum appellat. Filius enim Cadoris Ducis Dannoniæ (quæ nunc Cornubia dicitur) in historia Brytannica perhibetur. Vide nunc igitur, candide Lector, quātum interfit à Gvorthigerni tempore, quem Ambrosius subegit, vsque ad hunc Constantinum, & facilè colliges, non posse bellum Badonici montis, quo anno se hic Gildas natum dicit, in tempora illius Ambrosij incidere, cū Gildas se eo natum anno dicat, & de hoc Constantino, Conano, Vortiporio, & Mailgono, qui post Ambrosium successēre mentionem faciat. Mailgonus autem circa annum Domini quingentesimum quinquagesimum floruisse dignoscitur, quem Gildas circa annum Domini quingentesimum nonagesimum mortem obiisse testatur. Demus fuisse illum nonagenarium quum obiret, tunc obsidionem montis

Bado-

Badonici in annum Domini quingentesimum incidisse oporteret, quod post quinquaginta annos à Gvvorthigerno fuisse necessum esset, in quod vsq; tēpus, Aurelium Ambrosiū qui proximè Gvvorthigerno successit, non produxisse suum regnū liquet, verū in Arthuri tēpora hoc belli incidisse, ex temporum supputatione iam memorata, cōmodè intelligitur: Hinc pergit Gildas iste in Reges illius tēporis infesto stili mucrone inuehi, quos Tyrannos appellat: Belligerātes (inquit) sed ciuilia & iniusta bella gerentes: quum hoc frustra dictum esset, si inter Ambrosium & Constantinum nulli prorsus intercessissent Reges: & mox notam periurij huic Constantino inurens, hæc subdit. Cuius tam nephandi piaculi non ignarus immundæ Leenæ tyrānicus catulus Constantinus, qui hoc anno post horribile iuramenti sacramentum, quo se deuinxit, nequaquam dolos ciuibus, Deo primū iureq; iurando, sanctorum demū choris & genitrice comitatibus facturum, in duabus venerandis matrum finibus ecclesiæq; carnalis, sub sancto Abbate Amphibalo, latera regionū tenerrima puerorū vel præcordia crudeliter duum, totidēq; nutritorū, inter ipsa (vt dixi) sacrosancta altaria, nephando ense hastaque pro dentibus lacerauit. Hæc quidem de filiis Mordredi proditoris dicta voluit, cui Arthurus bello externo euocatus, curam Regni totius commiserat, & rediens, bellum supremum in loco qui dicitur Camlan, vt proditori scelestissimo vnā cum Saxonibus rebellanti intulit, quo & ipse Arthurus occidit, & dictum proditorem contrucidauit. Cuius quidem duos filios vt maioris mali segetem, pa-

T.ij.

ternaq;

ternæq; perfidiæ germina, atq; novos iam motus molientes, Constātinus iam dictus, Arthuri nepos & successor neci dedit, alterum V Vintoniæ, alterum Lōdini in ipsis sacris sedibus, quo, à bello infœliciter gesto salutis causa confugerant. Atq; hos regios pueros appellare non veretur Gildas hic noster, quos proditoris illius scelestissimi liberos non ignorabat, & eosdē mox singularis in re militari virtutis viros prædicat, sic in-
quiens. Quorum brachia nequaquā armis, quæ nullus penè hominum fortiùs hoc eis tempore tractabat, sed Deo &c Vnde liquet hūc Rhetorem cōmiserationem hominum vnde quaque aucupari, primū ex eo quod pueri essent, deinde mox à contrario, videlicet, quod tam excellentes fuerint in armis tractādīs, quæ quomodo simul constare possint non video, vt & pueri, & tam armorum tractandorū periti esse simul possent. Nōne hinc se propēsiorem ostendit libelli huius author quisquis fuerit, in Mordredi illi⁹ proditoris factionē, quā ipsius Arthuri & eius sequacium? Quod non omnino vanum esse, quod de ipso Brytannica monumenta attestantur, videlicet ipsum Arthuro infestum reddidisse, fratris sui Hoëli ab Arthuro illatā necem. Inde in Aurelium Conanum, tum in Vortiporiū, hinc in Cuneglasium (quem Cunedagium legēdum arbitror) & postremò in Maglocunium, qui Mailgo diceretur cognomēto Venedotus, acerrimē inuehitur, nec id quidē fateor ab re, sic & vulgaris historia ex his quosdā vt ciuiliū bellorū incentores atq; adulteros taxat, atq; huic postremo Sodomiticæ nequitiae infamiā impingit perinde atq; ille. Atq; vt huius libelli author hūc Mailgo-

nem

nem Insularū appellat Draconem, & multorū Tyrannorum depressorē, sic & Brytānica historia attestatur, hūc Insulanos regulos omnes quos Arthurus prius subegerat, facere imperata coegisse. Verū hęc omnia ab hoc Gilda tā succinctē perstringuntur, vt nisi ab historia vulgata illustrarentur, ænigmata potius quā aliquam historiæ speciem referre viderentur. Deinde vt nihil minus quā historiam concinnare existimetur, nè vllam quidem temporis rationem, quo aliquid à se memoratum gestum sit, in hoc libello subductam aut annotatam esse constat. Quare vt quod mitius est de hoc sentiamus, Gildāq; ipsum fuisse concedamus, hoc solum in libello isto sibi proposuisse videtur, vt Brytannos suos vel pudore saltem suffusos resipiscere velle existimaret, si eorum vituperanda potius omnia collegisset, atq; ob oculos poneret, quā si aliqua laude digna, quæ vel ipsi vel eorum antecessores gessēre, intermiscuisset. Ideò eos partim omni probrorum genere obruit, partim diuinis oraculis procellit, vt nihil suspicari libeat eorum illū odio aliquo deprompsisse. Sanè id ad liquidum constat, quacūq; motus fuerit tandem occasione, quod vituperanda solum coaceruauerit, & laudabilia gentis (data opera) transiluerit, quod passim ex ipsiusmet verbis colligere licet. Nam in Prohemio hæc habet. Quia non tam fortissimorū militum enuntiare trucidis belli pericula mihi statutum est, quā desidiosorum. Huiusmodi est, quod ait Romanos imbellem populum non tam ferro, igni aut machinis vt alias gentes, quā solis minis, vel indiciorū concussionibus subiugasse ait. Deinde quā nullo

T. iij.

negotio

negotio rebellantes compescuerint, relinquentes quosdam præpositos indigenarum dorsis mastigias, cervicibus iugum, ita ut non tam militari manu quam flagris callidam gentem macerauerint. Quæ, quàm longè à veritate ipsa dissideant, vel Romanis ipsis testibus liquet, tum Cæsare ipso, tum Cornelio Tacito historico sanè fidelissimo, hij non tam facilè gentem Brytannicam subactam affirmare audent. Deinde obseruet lector velim, ut Cassibellauni, Aruiragi, Cinobelini, & Constantini magni, & aliorum quos in Insula natos Romana testatur historia, nullam penitus mentionem facit. Etsi prius illa in medium se proferre conaturum polliceretur, quæ temporibus Romanorū Imperatorum & passa sit hæc Insula, & alijs intulerit ciuibus & longè positis mala, at quàm parum id præstiterit, facile cuiuis, vel Romanos scriptores modicè gustanti erit iam perspectum. Ita ut non Immeritò illud Horatianum hîc ei succinere liceat. Quid feret hic tanto dignum promissor hiatu. Et quamuis hic scriptor fateatur Brytannos omni armato milite, militaribus copijs, ingentique iuuentute à Maximo Tyranno spoliatos, æreque & commodis omnibus exutos, nullosq; Rectores habuisse præter Romanos, qui eos ad viuum vsque corradebant, tamen illis vitio dare non erubescit, quod suis ipsorum viribus absque Romanorum subsidio Scotos & Pictos ab iniurijs eis inferendis non propulsauerint. Cùmque à regum illorum, quos vel Romana personat historia, vel memoria adhuc recens nondum obliuionis iniuriam subire sinebat, nomina subticuerit, nec temporis aliquam

aliquam rationem iniuerit, quo ea quæ commemorat
gererentur, nec quicquam præter quòd gentem Bry-
tannicam vellicare videretur congesserit. Nemo re-
or hunc, quisquis fuerit, arbitrabitur historiam gen-
tis, hac veluti declamatione, siue potius inuectiua con-
dere voluisse. Sed quòd in hominum vitia quæ tunc
maximè vigebant, tam acriter inuectus sit, quodque
ob eadem, regnum Brytannicum à gente nostra in ali-
am transferri prædixerit, & hijs ego facile subscrip-
serim. Nam & veterum nostrorum scripta id quoq;
clarè docent, quod ob quatuor potissimum res, reg-
num ab eis Deus Regnorum omnium moderator
transtulerit: Primum, videlicet ob Principum suorum
superbiã, dum quisq; sibi primatum arrogaret, nullo
cedente alio in principatu. Ita vt ea propter, mutuis
se cædibus detererent & affligerent. Vnde omniũ rex,
primatũ ab eis omnem transtulit: Et ob Prælatorum
& ministrorũ ecclesiasticorũ desidiã, torporẽ, & ob-
mutescentiã in non corripiendis & castigandis no-
bilium erratis, præ timore magis hominũ quàm Dei,
atq; èo quòd primores populi in suis peccatis compu-
trefcere, absq; aliqua admonitione aut libera correp-
tione, præ timore amissionis terrenorum commodorum
passi fuerint. Quare Deus ab illis meritò hono-
rem omnem sustulit, & ignobiles despectosque red-
didit. Tertiò ob avaritiã & iniusticiã Iudicum
suorum & officialium, qui rectè ac iustè pro meri-
to causarum, non autem partium aut commodi ali-
cuius respectu iudicare obnoxij, econtra verò facien-
tes, muneribus ac donis corrupti, pro hijs qui plura
largie-

largiebantur, iudicabant, vtcunq; se res haberet iustæ
 nè an iniqua : quare Deus à quo potestas est omnis,
 eos omni potestate priuauit, nè in aliquos vltra iudi-
 candi ius haberent. Quartò ob peccata & scelera im-
 probosq; mores plebis & populi, nempè latrocinia,
 violētiam, luxuriam, & in sanguine fundendo prom-
 titudinem, omnem principatum ab hac gente transtu-
 lerit, fatentur qui quicquam sapere inter eos visi sunt.
 Vnde in Ecclesiastico habetur, quod regnum à gente
 in gentem transferetur, propter iniustitiam & contu-
 melias & diuersos dolos. Hæc inquam à nostris scrip-
 toribus Britannicis ingenuè agnoscuntur, nec com-
 municipes meos post tam diutinam manifestamq; dei
 vltionem in eos irrogatam, vel iam nunc tam benè
 compositis esse moribus agnosco, quàm ipse summo
 meo dispendio maximè optarim. Manent enim
 inter eos vestigia imò indicia manifesta horum scele-
 rum, quæ superius sunt memorata, adeò vt eorum æ-
 muli hæc ipsis velut innata peculiariaq;, esse vitia ar-
 bitrentur. Nempè latrocinium, luxuriam, fideiq; non
 tantum verbis, verùm & Iureiurando firmatæ lubri-
 citatem & inconstantiam, primorumq; inter eos viro-
 rum direptionem & expilationem tam receptam &
 tritam, vt plebs sic despoliari tandem assueta, vel regio
 in aduersum fulta patrocinio, à talibus largitionibus &
 expilationibus nondum possint vindicari. Tantè enim
 vel ad seruitutem perpetuandam valet diuturna rei
 consuetudo. Hactenus tamen iurè forsan causari po-
 tuimus non naturæ vitio, verùm ex diuturna bellorū,
 tumultuum & seditionū perturbatione, quæ à multis

retro

retro seculis in hac posteriora ferè tempora inter nostrates durauère, hæc vitia velut huiusmodi rerum motus & perturbationis germina, inter eos pullulasse. Nunc verò postquam & à bellis & tumultibus huiusmodi, alta quies, legumque cum cæteris regni huius municipibus summa æqualitas, parque omnibus libertas nobis maximè diuino beneficio prouenerūt, quum Henricus eius nominis septimus verus nobis & natiuus cōtigit rerum moderator, tum etiam ex quo Hēricus eius nominis octauus, nos multis antea seruitutibus pressos, in legis suę æqualitatem paremque libertatem cum cæteris huius terræ municipibus asciuit. Si à vitijs iam dictis posthac nos non continuerimus, non video quid ultra causari poterimus, præter innatam nobis ipsis & ingenitam præ cæteris gentibus malignitatem. Quare id præbri à contribulibus meis charissimis amorū summo opere cuperem, & votis omnibus exoptarem, ne bonos iuxta ac malos hæc contumelia velut gentile quoddam probrum inuoluere videatur. Cæterum, vt hac nullo naturæ vitio, quam Deus arbitrio nostro creauit moderandam, sed nostro prauo instituto vitiosaque liberorum nostrorum educatione prouenire sciant nostrates: Videant & obseruent quotusquisq; ex nostris, qui extra natale solum, si in literarum studijs siue in bonorum virorum familijs primam triuere ætatem, hijs vitijs quæ nobis veluti peculiaria tribuunt, sit magis obnoxius quàm gentis alterius quiuus. Quare nullam hinc vel à temporis calamitate, vel à naturæ vitio, nostrates excusationem suis erratis prætereendere velim. In seipsos omnem culpam necesse est transferant,

ferant, si hæc vitiorum portenta ultra sectari perrexerint. Scio ad latrocinium exercendum quædam ex oportunitate loci ibi magis quàm aliàs fore incitamenta. Nempè animalia palantia & vaga custodibus aut pastoribus destituta, terræ solitudinem & vastitatem nullis sepibus aut limitibus interruptam, & inuestigandi abacta difficultatem, propterea magnam ista (fateor) præbent maleficis furandi oportunitatem: Sed non vsque adeò tantam, quin partim recta Iuuenum educatione & institutione à parentibus tolli, partim ab eorum primoribus qui muneribus publicis inter eos præsunt, si eò sedulam operam darent, corrigi possit. Si vel illi suos liberos à teneris (vt aiunt) vnguiculis honesto aliquo artificio imbuerent, & quos apud se commodè alere aut huiusmodi exercitio insuefacere non possent, vnde sibi victum grandiore ætate comparare possint, aliò amandarent ad obsequium aliquod necessarium obeundum, vel hi tales furunculos sedulò inuestigarent, & vel in deprehenso non gratia, non sordibus corrupti, secundum leges animaduernerent, vel otiosos ac vagos ac proinde suspectos, ad operis aliquid exercendum, vel ad se in officio continendos præstitis bonis vadimonijs cogerent. Sed vereor mihi nè non hæc pleriq; nostratum non agant, verùm hijs oppositum, & ne iuxta Prophetæ illud oraculum: Si viderint furem currât cum eo, & cum adulteris portionem suam ponât. Nimium in propatulo est, quosdam ex nostris Heroibus, qui se generosos iactant, ex ipsis furibus suum compendium facere, ac proinde eos
velut

velut suorum commodorum curatores alere & confouere, imò ad furta ipsa adeò inuitare, quàm vt locus sit bonis hac in parte dissimulandi. Quid enim aliud faciunt hij, qui apprehensos fures accepto munere venditant, quàm si quis canem ouicidam deprehendens, ouibus mactatis ei ablatis, mox ad plures cedendas oues, quarum particeps esse possit dimittat? Nonne hij maximè fures censendi sunt? Generosos tamen interim (si Dijs placet) se haberi volunt, & Iusticiæ legumque custodes sanctissimos. Apagè talibus pseudogenerosis, qui ex furtis & latrocinijis quæstum faciunt. Hoc denique affirmare ausim, si huiusmodi non essent furum fautores & licitatores inter nostrates, hoc quicquid est de latrocinio infamiæ, à nobis breui prorsus elutum iri: Proinde seueriùs aliquid in tales sanciri velim legibus, quo vel metu saltem se ab huiusmodi scelere contineant, quando Dei timore inde minimè deterreantur. Atque huius generis sunt hij maximè qui nullis aut perquam modicis censibus ditati, generosi tamen haberi, & munus publicum aliquod gerere volunt. Agnoscamus igitur ingenuè nos diuina quidem ultione, ob scelera nostra atrocissima, meritò iam olim castigatos. Nec melius nobis futurum fore, quoad mores nostros in melius formaue- rimus: Nec est quòd mihi hac in parte succenseant mei communicipes, si quid asperius à me in quēquam dictum videatur, meminerint quippè boni, nihil à me in illos proferri: mali verò, si quid eos momordeat, non odio id profectum esse, imò ardenti studio, famæ honori, & saluti eorum tum corporis tum animæ

me summopere consultum velle. Quare tam diuturna Dei ultione castigati, & suorum tum veterum tum recentiorum authorum increpationibus atq; admonitionibus correpti, exterorumque infamia & contumelijs pudefacti, nunc tandem ad cor redire festinent, neque ulterius & Dei iram, & seculi opprobrium ferant, imò prioris infamiæ notam, vitæ & morum integritate refarciant. Si huc respexerit Gildas hic, qui in Brytannorum deiectionem profertur, libenter ei subscripserim: Si vt illustrium virorum res gestæ obliterarentur, planè ipsum id ne quicquam efficere potuisse, vt maximè vellet, manifestum est. Nam si professus historiam conscribere, & Regum Brytannorum nomina, vitas & mores & exitus recensuisset, temporumque rationem, quod maximè proprium historici fuerat, subduxisset atque adnotasset, & præterea vnus Arthuri nomen transiluisset intactum, non tanti tamen valere debet huius vnus silentium, ad tam celebrati viri nomen obliterandum; quantum tot aliorum scriptorum tum veterum tum recentium testimonia, ipsum Arthurum disertis verbis asserentia. Plus enim vbique valet vnus testis rem affirmantis, quàm vel centenum qui se negent quicquam de re controuersa scire asserant, testimonium, multò minoris eius testamentum esse censendum est, qui rem omnino intactam relinquit: Hic verò scriptor, nec rei ignorantia, neque incertitudine aliqua, tam Arthurum quàm nonnullos alios illustres viros intactos reliquisse, & ex hijs quæ diximus satis liquet, & eius libellum attentius consideranti, magis etiam erit manifestum. Ait enim: Hæc erecta
cervice:


cervice & mente ex quo inhabitata est, nunc Deo, interdum ciuibus, nonnunquam etiam transmarinis Regibus ingrata cōsurgit. Ex quibus verbis liquet, se non ignorasse ea quæ hac in Insula obtigerint, vel à primo eius incolatu. Quod etiam magis perspicuum reddunt hæc, quæ mox subduntur verba. Igitur omittens priscos illos errores, patriæque portenta, & tacens vetustos immanium Tyrannorum annos. Nonne hijs ingentem fatetur se consultò, non ignorantia aliqua, hæc omnia præterijisse? Etsi mox polliceatur, se illa tantum in medium proferre conaturum, quæ temporibus Romanorum Imperatorum & passa est hæc Insula, & alijs intulit ciuibus mala. Quàm parum id præstiterit, Polydorum ipsum testem non recuso. Deinde animaduertat Lector huius libelli velim, quàm parum sibi constiterit huius Author, nunc Brytannos rebellionis, quod in transmarinos Reges ingrati consurgerent, notans, quasi nō meliori iure libertatem suam histueri liceret, quàm illis vi eripere & retinere, ac mox quasi horum omnium oblitus, Brytannos acriter taxat, quod fortiter pro patria non dimicarent. Nam ad Romanorum aduentum, qui ad motus huiusmodi sedandos destinabantur: Non (inquit) militaris in mari classis parata fortiter dimicare pro patria, nec quadratum agmen neque dexterum cornu, aliusque belli apparatus in littore conspiciuntur, sed terga pro scuto fugantibus dantur, & colla gladijs gelido per ossa tremore corrente, manusque vinciendæ muliebriter protenduntur. Vide Lector, nunc ingratos appella teos, quod in transmarinos Reges consurgerent, nunc ignauos, quod non for-

tiùs restiterint : quid hijs inconstantius aut magis contrarium dici possit ? Et statim quod hijs omnibus est magis repugnans , vbi Duce Maximo , qui & Maximinus dicebatur , non solum patriam à Romanorum incurfu tueri cœperunt , verumetiam eos Romano ad tempus imperio deturbare , non sunt veriti : Non minus in eos inuehitur , vbi ait : Itemque tandem Tyrannorum virgultis crescentibus , & in immanem siluam iam iamque erumpentibus , Insula nomen Romanum , nec tamen morem legemque tenens , quin potius abijciens , germen suæ plantationis amarissimæ , ad Gallias magna comitante militum caterua , Maximum Imperatorijs insignibus , quæ nec decenter vnquam gessit , non legitimè , sed ritu Tyrannico initiatum mittit , & tandem subijcit : Quemadmodum hic Maximus duos Imperatores legitimos , vnum Roma , alterum religiosissima vita pepulerit . Quid tandem facerent Brytanni , quod huic non maledicendi occasionem satis amplam præberent , quum insurgunt , perfidi , quum non fortius insistent , ignaui , quum insurgunt & fortiter repellunt , hostes iniqui censentur , adeo nullum hijs obtingere potuisset euentum , quod hic in malam non interpretaretur partem . Deinde quòd Constantino Authores fuerint nostri Brytanni & Imperium Romanum nanciscendi , & Tyrannos quamplurimos , qui tum fortè Imperium illud inuaserant subigendi ; prorsus dissimulat . Nec non ex ea profectioe maximas huius Insulæ vires exhaustas , quò factum est postea , vt multo quàm prius imbecilliores fuerint Barbarorum circumiacentium incursionibus.

tionibus sustinendis . Sed vt huius scriptoris de hoc Constantino nonnullisque alijs Regibus silentium, nihil ipsis præiudicij generauit, ita neque Arthuro debet, quando pari modo vt illi silentio prætermittitur. Neque quicquam mouere debet, quod à Beda etiam præteritur . Nam ex hoc Gilda id erroris hauserat, quando nihil ex Brytannicis rebus ipsum legisse videretur, præter ea quæ ab hoc acceperit . Multò minus id momenti est, quòd à Romanis non celebratur scriptoribus, quandoquidem in ea incidit tempora, quibus nec sua ipsorum facinora memorare, nedum aliena ipsis licuerit. Nam quum à Gothis Italia, Vandalis Hispania, Francis Gallia, à Saxonibus verò Brytannia pulsi & profligati iam essent, credemus ne tum, quum de salute sua penitus animos desponderent, & vel in remotissimas oras se subducerent, vel cum Gothis pro suis Laribus, aris, atque focis decertarent, ipsis aut licuisse aliorum res strenuè gestas illustrare, aut libuisse suas calamitates enumerare? adeò vt per ea tempora res in Italia gestæ penè in obscuro delituissent, nisi à Græcis scriptoribus obseruarentur. Cæterum vt non omnia possumus omnes, sic multa à Romanis, multa à Græcis, nonnulla etiam ab alijs vulgaribus linguis & monumentis petenda sunt, nec tantum cuiquam vni linguæ aut nationi tribuendum authoritatis censeo, vt præterea nihil vsquam certi aut firmi apud alias gentes reperiri posse credamus. Quare non adeò mirum videri debet, quòd Polydorus noster, partim dum nimium tribuit Romanis scriptoribus

bus & nihil penitus exteris, partim quia patrię linguę, cuius res gestę memorantur, ignoraret. Nonnulla gentis nostrę egregia facinora vel ignorauerit, vel quia à Romanis scriptoribus non referuntur prorsus reiecerit. Quod rectè ne an fecis fecerit, aliorum esto iudicium. Satis meo instituto factum duxi, si ea quę me in hac parte mouerent, in medium proferrem, non odio cuiusquam aut aliorum studio gratiaue ductus, sed ne rerum vetustas eo, quo maximè valerem, patrocinio destitueretur.

FINIS.



Index Capitum, quæ in hoc opere continentur.

Quod Britannia, rerum in ea gestarum monumentis, nullo vnquam tempore à primo eius incolatu, caruisse videatur. pag. 1. cap. 1.

Summa totius Commentationis insequentis. pag. 21. cap. 2.

Quod Gaufredus Monomutensis, historiæ Britannicæ quæ sub eius nomine circumfertur, non Author, sed duntaxat Interpres fuerit, deque ipsius historiæ fide & antiquitate. pag. 23. cap. 3.

De Britannicæ Etymologia disquisitio. pag. 40. cap. 4.

Polydori opinionis, de primis Britannicæ incolis, conuulsio. pag. 46. cap. 5.

Quod Brytanni Continentis, ex huius Insulæ Britannis, non econtrà hij ab illis, originem sumpserint. pag. 47. cap. 6.

Quod à Bruto Britanniam denominari verisimilius sit, etiamsi historia recepta nullo penitus loco haberetur, quàm ex aliqua alia ratione, quæ ab huiusmodi historiæ aduersarijs adducitur. pag. 54. cap. 7.

De Londno, quod idem sit quod olim Trinouantum vrbs, quod à Polydoro item denegatur, deq; vtriusque vocabuli etymologia, & quod Augusta dicta sit etiam olim. pag. 65. cap. 8.

De vocabulis aliquot Britannicæ locorum priscis, etiam nunc antiquitatem ipsam redolentibus, eorumque etymologia. pag. 70. cap. 9.

Index Capitem.

Quòd Polydorus Virgilius nonnulla de Brytannis à classicis authoribus honorificè memorata, ex composito eleuare & imminuere studuerit, alia verò in eorum contumeliam inclinantia, & plus æquo intenderit, & studio adhibito, hinc inde conquifierit. pag. 77. cap. 10.

De Brenno, quòd idem fuerit Brytannus, & qui Romanam cœperit, & qui Gallos in Græciam & Macedoniam deduxerit. pag. 97. cap. 11.

De Arthuro Brytonum rege illustrissimo. pag. 109. cap. 12.

Probabiles coniecturæ, cur Gildas, quem Polydorus nuper typis excudendum curauit, Arthurum silentio prætermiserit. pag. 141. cap. 13.



*Index rerum quæ in hoc opere continen-
tur maxime memorabilium, secundum ordinem Alpha-
beticum digestus.*

- A** Damus Crassus. pag. 12.
 Albion Neptuni filius. pag. 57.
 Albion Insula unde dicta. pag. 56. & 57.
 Albionis ne an Brytaniæ antiquius nomen. pag. 55. 56. & 58.
 Albania, quæ nunc Scotia, unde dicta. pag. 60.
 Angliæ etymologia. pag. 74.
 Androgeus à Beda & Gaufrido, qui à Cæsare Mandubratius, à Brytannis Auroius verius dicitur. pag. 33. 34. & 67.
 Armorica Gallia, quo tempore & à quibus dicta sit Britannia. pag. 47. & 48.
 Armoricorum Brytannorum origo. pag. 49. 51. & 53. Eorundem linguam à veteri Brytânica non multum differre. ibidem.
 Armoricanos, Corinnios, & Cambrenses Brytannos, ex vna gente Brytânica oriundos. pag. 20.
 Artium liberalium, scientiarum, & literarum inuentiones, è Græcia primùm fluxisse. pag. 3.
 Arthurus Rex, vnus ex nouem Paribus siue Heroibus illustribus. pag. 28. & 139.
 Arthuri Sepulchrum in Glasconiensi Cœnobio positum. pag. 109. Inuentum tempore Hêrici. 2. ibid. & pag. 130.
 Eiusdem Corona ab Edwardo. 1. in vrbe Caernaruô inuenta. pag. 129. Eiusdem sigillum VVestmonasterij adseruatum. ibid.
 Arthurus in bello de Camblâ lethaliter vulneratus, & inde in Glasconiâ delatus. pag. 130. & 137. Eiusdem mors. pag. 146.
 Arthurus Glasconiensis ecclesiæ patronus. pag. 132. & 133.
 Arthurus tres habuit vxores nomine Gvveneuerias. pag. 134. & 135.
 Arthuri nomen, Môtibus, Saxi, & Rupibus Cábriæ iam olim inditum. pag. 136. & 137.
 X.ij. Asia

INDEX.

Asia à Brēno subiugata & tributaria facta. pa. 104. & 105.
Astutia mira in sepeliēdo Arthuro rege. pa. 131. 132. & 133.
Auaroius filius Lud regis, qui Mādubratius à Cēlare, Androge⁹ à Gaufredo corruptè dictus. pa. 33. 34. & 124.
Auallonia Insula, quæ nunc Glasconia vnde dicta. p. 131.
Authoris huius operis natale solum. ibid.

BAdonici montis bellum, ab Arthuro gestum. pa. 119. 120. 121. 122. 126. 146. & 147.
Bardi qui dicti. pa. 7. 8. Eorundē munus. pa. 9. 10. 11. & 16.
Eosdē Pryduides & Druides olim appellatos. pa. 11.
Bella. 12. insignia ab Arthuro aduersus Saxones gesta. p. 118.
Belgius, qui Belinus diceretur. pa. 98.
Britannia Insula vnde dicta. 40. 41. 58. 60. 63. Eiusdem diuisio inter filios Bruti. pa. 60. Olim habuisse quinque prouincias, & totidem Metropoles. pa. 73. Quo tēpore Scotorū & Pictorū incursionibus obnoxia fuit. pa. 50. Eiusdem tā cœli quā soli tēperies. pa. 1. Non ca-

ruisse literis, atq; rerū gestarū monumentis, à primo eius incolatu. p. 1. 3. 4. 5. 8. 9. 14. 17. & 27. Eius lōgitudo. pa. 57.

Britannos vsos fuisse grēcis literis tempore I. Cæsaris. pa. 3. 4. habuisse literarum vsum æquē maturē vel maturius quā Romanos. ibid. Itē constantē scribendi rationē & orthographiā. pa. 4. & 5. Itē Grāmaticā exactā. pa. 7. Itē principia & canones quosdā generales cuiuslibet Doctrinæ. p. 14. Itē Leges habuisse olim municipes. ib. Nimis esse curiosos in genealogijs Maiorū suorū enarrādis. pa. 15. 16. & 18. Primos fuisse Incolas Britāniæ Insulę. pa. 18. 46. & 55. Abnuisse Romanā linguā tempore Cor. Taciti. pa. 54. A Troianis oriundos. pa. 59. & 60. Bellicofissimā esse gentem & cædis audissimā. p. 48. & 84. Multis prælijs fuisse Romanos & Macedones. p. 104. Eorū ciuile diffidiū fuisse in causa quòd à Romanis subiugati essent. pa. 85. Causa quòd à Saxonibus deuicti essēt. ib. Brytannicam linguam, gręcæ proxi-

INDEX.

- proximè accedere. pag.60.
Britānos, Scotos, Piētos, & Sa-
 xones simul inhabitasse hāc
 Insulam. pag.25.
Brechonia, quæ nunc Aber-
 honthy. pag.136.
Brennū fuisse Brytānū, & cœ-
 pisse Romam, & Gallos in
 Græciā & Macedoniam de-
 duxisse. pag.97.98.&.99.
Brennū & Belinū fratres, post
 sopitā inter eos discordiā, &
 post Gallias subactas, Alpes
 transisse, urbemque Romam
 cœpisse, plurimasque alias
 Regiones deuicisse. pag.99.
 104.&105. Brēnū oppugnās-
 se tēplum Apollinis Delphis
 positū, ibique occubuisse. ib.
 Condidisse Mediolanū, Co-
 mum, Brixiam, Veronā, Ber-
 gomum, Tridentum, & Vin-
 centium in Italia. pag.100.
 Deuicisse Zibiam Regē Bi-
 thiniæ. pag.103.
Brutus vnde originem sump-
 serit. pag.58.&.63.
CAdvvaladerus vltimus
 Brytānorum rex. pa.14.
Cambria quæ nunc VVallia à
 Cambro Bruti filio dicta.
 pag.60.&.74.
Caernaruon, vrbs Venedotiæ.
 pag.129.
Cambrobrytannos adhuc &
 Patriam & linguam anti-
 quam retinere. pag.20.
Cæsarē subegisse hanc Insulā
 non tā armis quàm proditio-
 ne, & intestinis ciuiū odijs &
 factionibus. pag.33.&.85.
Cæsarem ostendisse Romanis
 Brytaniā potius quàm sube-
 gisse. pag.38.&.90.
Cæsaris loca à Polydoro cor-
 rupta & mutilata. pag.79.
 80.&.81.
Cæsarē, ope Mādubratij Brytā
 ni deuicisse Brytānos. pa.85.
Cæsarem à Brytānis fugatum.
 pag.88.&.89.
Carātaci Brytāni laus. pag.78.
Castra legionum vrbs, nunc
 dicta Caerleon ar Vsk, vbi
 sita. pag.26.
Cathedra Arthuri. pag.136.
Cassiuellaunus rex Brytanno-
 rum, Dux bellorum contra
 Cæsarem. pag.32.
Cedvvallo. pag.123.
Christiana fides, quo tempo-
 re primū in Brytannia
 plantata. pag.73.
Corinnij qui Cornubienſes
 nunc dicti. pag.19.
Cinobelinus. pag.28.
Coelus. ibid.

INDEX.

Conanus Meriadocus Brytā-
nia minori donatus. pa. 50.
Cuneglafius, qui Cunedagius
diceretur. pag. 141.

DAuid cognomēto Canus.
pag. 12.

Dauid Nanmorus. ibidem.

Dauid filius Gulielmi. ibid.

Dauid cognominat⁹ niger. ib.

Dauid Sanctum, ab Arthuro
rege factum Episcopum a-
pud Castra legionum. pag.
26. Eundem transtulisse se-
dem Episcopale inde, Me-
neuiam. ibidem.

Dauid cognomēto Penubras.
pag. 12.

Demetia regio, brytannicè
Dyuet, quæ nunc australis
Vvallia dicitur. pa. 15. & 72.

Dorobernia vnde dicta. pag.
74. Eadē olim Metropolis
fuit. ibidem.

Druidum disciplinam in Bry-
tānia repertam, & inde in
Gallias translata. pag. 3.

Druides ijdē qui & pryduides
& Bardi olim dicti. pag. 11.

Dubritius S. Episcopus apud
Castra legionū. pa. 26. & 127

Dunvvallo. pag. 28.

EBoracus, pag. 28.

Eboracum ciuitas, quæ à Bry-
tannis Euoraug, ab Anglis
olim Euervvick, nunc York
appellatur. pag. 69.

Ederius cognominat⁹ Chrys-
ostomus. pag. 12.

Ecclesiæ Brytannicæ olim ha-
buerunt Chronica peculia-
ria. pag. 16. & 17.

Epytaphium in Arthuri regis
sepulchrū inscriptū. pa. 132.

Etymologia cuiusque nomi-
nis ab ea lingua est peten-
da, quæ id nomen cuique
rei indidit. pag. 55.

Exercitus quatuor selecto-
rum virorū ex Insula Bry-
tannia olim profecti, qui
nunquam rediere. pag. 51.

FOeminarum Brytannicarū
40000. in Armoricam
Brytanniam ad nubendum
transmissæ. pag. 51.

Faganus & Duuiā⁹ ab Eleu-
therio Papa missi, ad præ-
dicandum Euangelium in
Brytannia. pag. 73.

Franci ab Antenore Troiano
oriundi. pag. 59.

Fuga Cæsaris ex Brytannia.
pag. 38.

GAllogræciam à Gallis qui
sub

INDEX.

- sub Brenno militauerunt, nomen sumpſiſſe. pa. 103.
- G**auſfredus Monomutēſis hiſtorię Britannię non Au-
thor ſed Interpres fuit. pa.
23. 28. 29. 30. 31. 32. 36. 37.
61. & 62.
- G**auſfredi error, quod Labie-
num pro Laberio, & Sulpi-
tium pro Simplicio men-
doſe ſcripſerit. pa. 34.
- Gerardus** Canæiubæ. pa. 12.
- Germanus** S. pa. 113.
- Gerentius** filius Erbinī Dan-
noniorum princeps. pa. 122.
- Gildam** Polydori, nō hiſtoriā
ſed potius declamationem
de Brytannorum excidio
compoſuiſſe. pa. 91. 92.
& 106.
- Gildas**, quāobrem in Arthu-
rum regem & Brytannos
adeo infeſtus. pa. 114. 143.
& 148.
- Giraldus** Cambrēſis Henrico
regi. 2. familiaris. pa. 30.
- Glaſconia** vnde dicta. pa. 131.
- Glaſconienſis** Cœnobij anti-
quitas. pa. 110. 111. 112. & 133.
Eiuſdē Patroni qui. pa. 111.
- Græcos** mutuatos fuiſſe ſuas
literas ab Hebreis. pa. 62.
- Griffinus** filius Conani Prin-
ceps Venedotiæ. pa. 11.
- Gymnaſia** publica olim apud
Brytannos. pa. 7.
- Gvorthigernus** qui & Vor-
tigernus dictus eſt. pa. 119.
121. & 122. Is primum in-
duxit Saxones in hanc In-
ſulam. pa. 124. Eiuſdem
mors in Caſtello de nomi-
ne eius appellato Gvvor-
thigernion. ibid.
- H**enicum regem eius no-
minis ſeptimum, à Bry-
tānorum principum ſtem-
mate prognatum. pa. 86.
- Hibernia**, à Ptolomeo In-
vverna, à Brytannis Ivver-
don dicta. pa. 72.
- Hibernienſes** quo tempore
Chriſtianam fidem ſuſce-
perunt. pa. 113.
- Hominum** ſcelera in cauſa
eſſe, quod Regna & Impe-
ria de alia in aliam gentem
transferantur. pa. 86.
- Hoelus** Surdeuallis. pa. 12.
- Hoelus** ſine Huelinus Gildæ
frater ab Arthuro rege in-
terfectus. pa. 143. & 144.
- I**Manuentius à Cæſare, qui
Teneuantius à Gauſfredo
dictus. pa. 34. Idem frater
Androgei ſive Mandubra-
tij.

INDEX.

- tij. ibid.
 Iollaus Rufus. pa.12.
 Ieuanus filius Roderici. ibid.
 Iosephus Arimathēsis. pa.111.
- K** Envvalchius rex paganus
 Glasconiensis Ccenobij
 patronus. pa.111.
 Kymraeg.i.linguam Cambri-
 cam, non à Cam græco, i.
 distorto græco, sed à Cam-
 bro Bruti filio dictam. pa.
 60. & 61.
 Kyndelous cognomine Poeta
 magnus. pa.12.
- L** iterarum vsum fuisse rarū
 apud Romanos, ante Vr-
 bem Romam à Gallis ca-
 pram. pa.4.
 Literarum Britannicarum nu-
 merus, sonus, atq; diuifio.
 pa.4.6.&7.
 Loegria quæ nunc Anglia, à
 Locrino Bruti filio dicta.
 pa.60.
 Lundinum à Lud rege nomē
 accepisse. pa.65. Idem olim
 Trinouantum & etiam
 Augusta dicta. pa.67. Ea-
 dem vrbs olim Metropo-
 lis. pa.74.
 Lud rex, Lundini vrbs Instau-
 rator. pa.28.65.&68.
- Ludouicus vltimus Cambriæ
 iuris princeps, ab Edvvar-
 do.1. deuictus. pa.129.
 Ludouicus cognomine Bar-
 dus. pa.12.
 Lucius Brytannorum regum
 primus qui Christianam
 fidem suscepit. pa.73.
 Lucius Hiberus Romanus ab
 Arthuro rege deuictus.
 pa.128.
- M** Agiam tempore Plinij
 in Brytannia mirè cele-
 bratam. pa.3.
 Mailgo, aliàs Maglocunus.
 pa.120. quo tempore flo-
 ruit. pa.146.
 Mandubratius Dux Treno-
 uantum Cæsaris fidem se-
 quutus. pa.32.33.&124.
 Maridunum, nunc Caermar-
 den. pa.72.
 Merlinus Siluestris, & item
 Ambrosius, quo tempore
 floruerunt. pa.10.
 Meneuensis Ecclesia olim
 Metropolis totius Cam-
 briæ. pa.26.&128.
 Mona Insula, Britānicè Môn,
 anglicè vero Anglesey dic-
 ta. pag.71.
 Monoada Insula, quæ Brytan-
 nicè Manavv, anglicè Man
 dicitur.

INDEX.

dictur. ibid.
Mordredus ab Arthuro in bello de Camblan interfectus. pag. 128.

Mordredi filij, à Constantino rege Arthuri nepote interfecti. pag. 147. & 148.

Morgain le faye, Arthuri regis cognata. pag. 131.

NOrthampton oppidum unde dictum. pag. 68.
Norvvici oppidi etymologia. pag. 70.

OEneus Keueiliocus Princeps Venedotiæ. pa. 12.

Orbicularis siue teretis mensæ ordo, ab Arthuro rege institutus. pag. 138.

Oska flumen, nunc Vske. pag. 26.

Patricius S. Hiberniensium Apostolus. pag. 112 113.
Quo tempore floruit. ibid. & 116.

Polydorus plagij conuictus. pag. 61. Eiusdem error in situ Trinouantium. pag. 67. Item circa Northampton, Ordouices, Monam insulam, & Cornugalliam. pag. 68. 70. & 71. Eius astu-

tia in perperam citadis authoribus. pag. 78. 79. 80. 81.

Prothotypon Brytannicum à Gaufredo translatum. pag. 61. & 62.

Prouinciarum sanguine, prouincias à Romanis acquisite, potius quàm propria virtute. pag. 93.

QVintus Laberius Durus Tribunus militum à Brytannis interfectus. pag. 80.

REgnum à Brytannis translatum ob quatuor potissimum res. pag. 151.

Rhesus filius Griffini princeps Demetarum. pag. 12.

Rhesus Brechamus. ibid.

Rhesus Nahmorus. ibid.

Romani opum & laudum auari. pag. 2.

Romani Imperatores Brytannici agnomen inter maximos honores sibi ambiebant. pag. 85.

Romani olim appellabant Transalpinos omnes, Gallos. pag. 98.

SAxones, quo tempore primum in Brytanniam venerunt. pag. 119. 124. & 146.

Y.

Scotia

INDEX.

Scotia, olim Albania & etiam
Valentia dicta. pa. 72. 73.
& 74.

Simplicius Ro. Episcopus tē-
pore Arthuri regis. pa. 34.

Sosthenes Macedonum dux
à Brenno profligatus. pa.
99. & 101.

TAcitus à Polydoro perpe-
ram citatus. pa. 78. & 79.

T. Liuius sibi ipsi contrarius.
pa. 102.

Thaliessinus vates Brytanni-
cus, quo tempore floruit.
pa. 10. 27. & 120. Eiusdem
Carmina Brytannica anti-
quissima. pa. 120.

Theodorus Ayletus. ibid.

Trinouantum vrbs, quæ nunc
Lundinum vnde dictum.
pa. 68.

Trahaernus Poeta Britanni-
cus. pa. 12.

Trisamtonis ostia, nunc South-
hampton. pa. 71.

VAlentia olim, quæ nunc
Scotia dicitur. pa. 72.

Venedoria, quæ nunc Septen-

trionalis VVallia dicitur.
pa. 11.

Venta Cimenorum, quæ nunc
Norvvicum appellatur.
pa. 66.

Venta, quæ nunc VVinchester.
pa. 71.

Veētis Insula à Vespasiano
Imperatore subiugata. pa.
84.

Vespasianus ob Vectem In-
fulam adiectam Imperio
Triumphum egisse. ibid.

Vlissam Calidoniz in Scotia
olim appulsum. pa. 57.

Vortiporius. pa. 141.

Vortimerius, Vortigerni fili-
us. pa. 141.

Vrsula, cum Virginibus Bry-
tannicis. 11000. Coloniz
Martyrium passa. pa. 51.


Vrianus Rhegatus Arthuri
Regis miles. pa. 27. 123.

Vrbs Legionum, quæ nunc
Caerleon at Vsk dicitur,
olim Metropolis totius
Cambriæ fuit. pa. 74.

VVallia vnde dicta. pa. 61.

VVorthemerus. pa. 125.

Finis Tabule.



DE MONA DRVI- DVM INSVLA, ANTIQVITATI

sux restituta (cuius in Angliæ descriptione me-
minimus) Epistola Nobilis & eruditi viri

Humfredi Lhuyd: In qua etiam
de Armamentario Romano, cuius in Hol-
landia facta est mentio, non inelegans
disceptatio.



V O D initam inter nos nuper amici-
tiam obliuioni non tradidisti, meque tuis
literis salutare, & munerem mihi gratissi-
mo donare dignatus es, summas ago ti-
bi gratias doctiss. Orteli: Deumque te-
stor, nihil vnquā mihi gratius accidere potuisse, quā
inter viros doctos & Antiquitatum assertores, si per
longissimam terrarum distantiam hoc liceret, versari.
Sed antequam ad plenum tuæ dulcissimæ Epistolæ re-
sponsum deueniam, hoc præfari libet: Me, post-
quam bonas literas vix à limine salutassem, meipsum
in familiam illustrissimi Principis Comitis Arunde-
lij inseruisse, ibique hos quindecim annos continuos
mansisse, vbi nec Latinè loquendi nec scribendi toto
hoc tempore aliqua mihi concessa fuit opportuni-
tas, vnde contigit me Latini sermonis elegantiam ser-
uare non potuisse. Tuam igitur humanitatem precor,
vt meam hanc barbariem boni consulas, & non elo-
quentiam, sed rem ipsam verbis vtcunque vulgaribus,
& phrasi parum Latina expositam, animumque tui de-
ditiss.

Aa.

Monæ Insulæ

ditiss. consideres: & si quid posthac ad te mittam, quod libro tuo (cuius mēto aliquod rarum mihi promittere videtur, inferere libuerit, te logodædalum & dictionis illustratorem constituo. Interim quid ego de hac turri Britannica (cuius nomen Ortelius iam mundo illustre suis elegantiss. typis fecit) coniectura assequi possim, (cū certi nil me legisse contigit) accipito, Britannos, omnesq; Oceani accolæ olim pyratiscam exercuisse, ex nostris Annalibus Britānica lingua scriptis liquet, eosq; sæpenumero in Morianam, Rutheniam, & Germaniam traiecisse cōstat, quæ nomina Morianæ & Rutheniæ, nostrates & Angli nostrarum historiarum interpretes, ob linguæ & historiarum imperitiā, in Mauritanos & Russos satis infœliciter pro Morinis & Flandris contorquent. Igitur cū nullus esset commodior portus quā ostium maximi fluvij, verisimile est eos in illum locum sæpius traiecisse, & inde incolas turrim aliquā ad eorum impetū resistendum fabricasse, & Imperatores Romanos hoc ædificiū (nomine servato) postea in alium vsum conuertisse. Alia etiam coniectura ex eadem officina fabricari potest: Antonini tempore etiam, cū iam mare per Saxones & Phrisios infestaretur, ipse hoc ædificiū instauravit, impositis in eodem ex Brytannico exercitu miliibus, vnde & nomen adipisci potuit. Restat vna quæ instar omnium erit. Cū Brytannia tunc temporis esset quasi horreum Occidentalis Imperij, & annona illinc transferebatur per Britannos, ad exercitum limitis Germanici custodem alendum, nullus aptior locus erat deponendi onera, quā in ostio
maximi

Descriptio.

maximi fluminis Rheni, vbi iterum alterius generis
nauib; contra cursum aquæ per Menapios ad Colo-
niam & Maguntiam vsque (vt nunc faciunt) vehe-
retur, vnde ille locus cum & esset Mercatorum Bry-
tannorum receptaculum, & annonæ ab illis inuectæ,
quasi horreum (qualia refert Ammianus Marcellinus
Iulianum Cæsarem multa per Galliam & Germa-
niam pro Brytannica annonâ conseruanda extruxisse,
& alia incensa & diruta restaurasse) à frequentia Bry-
tannorum, Brytannici nomen meruit. Has autem nu-
das coniecturas nullis testimonijs corroboratas, tuo
iudicio excutiendas relinquo, quem non dubito ex mul-
tijuga tua cognitione, multò meliora in medium ad-
ferre posse. Restat, vt de Monæ Insulæ nomine & si-
tu, quæ apud Antiquiores & modernos Authores
obseruaui, quæque ipse experientia & ex linguæ Bry-
tannicæ (quæ iam illius Insulæ Incolæ vtuntur) cogni-
tione didici, tibi cui aliquid denegare, quod vires meæ
præstare possint, apud me piaculi loco erit, aliquid scri-
bam; quamuis scio me hoc faciundo, nomen meum
multorum calumnijs exponere, quia errores semel
imbibiti difficillimè euelluntur, maximè, cum Poly-
dori Vergilij viri docti, & non vulgaris eloquentiæ,
authoritate confirmantur: sed pace eorum dixerim,
virum hunc Annales suos manifestis erroribus &
mille mendis impleuisse: idque non solum ei acci-
disse ob imperitiâ linguæ Brytannicæ (quam nunc
Angli more Germanico, tanquam illis non intelle-
ctam VVallicam vocant) sine qua nec nomen ipsius

Aa. ij.

Insulæ

Monæ Insulæ

Insulæ rectè intelligitur, cùm alij per p, alij per b, alij per ph, literas scribunt: sed etiã quòd meliores Authores non legerit, vel quòd inuidia Brytannici nominis (quod Nobilissimi Roma. Imperatorũ nimis studiosè amplexi sunt) tumens, eorum Authoritates parui pendens, & sibi nimitum tribuēs (spretis melioribus) Guilhelmi cuiusdam, & re & nomine Parui cæcutientis cæcus vestigia secutus sit. Sed crepat licet Brytannicæ gloriæ vellicator impudentissimus, dum extant inter Græcos, Diodorus Siculus, Dion Cassius bis Consul, Herodianus, Plutarchus, Pausanias, Ptolomeus & Strabo. Inter Latinos, Caesaris commentaria, Corn. Tacitus, Eutropius, Suetonius, Orosius, Aelius Spartianus, Iulius Capitolinus, Aelius Lampridius, Flavius Vopiscus, Aurelius Victor, Ammianus Marcellinus, Sextus Rufus, Panegyrica Mamertini, & aliorum Plinius, Antoninus, Mela, & Solinus, præter Annales antiquissimos Brytannicè scriptos, Gyl das tres, Nennium, & clarioris eruditionis multos alios, qui ante aduentum Anglorum (quos nostrates veteri nomine adhuc seruat Saxones vocant) res Brytannicas scriptis suis illustrauere, & post deuictam ab illis illam Insulæ partem, quam illi Angliam, nos verò Loegriã, antiquum nomen retinentes, dicimus: Asserius, Obbernus, Felix, Monumetensis, Huntintonensis, Malmesburienensis, Annouillanus, Iscanus, Necchamius, Gyraldus, Parisiensis, Treuetus, & infiniti alij, crepat (inquam) licet imperiosus Urbinas, & clarissimis Brytanorum rebus gestis oblatret, dum hij classicum Brytannicæ gloriæ cantent, nusquam poterit mendacissimis

Descriptio.

mis suis calumnijs Brytanniæ decus, & nominis famam à tot clarissimis viris decantatam, vel obscuram reddere, vel aliqua infamia inurere. Iam ad Monam redeundum est, quam Polydorus satis pro imperio nomine antiquo priuauit, anonymaque relinquens, Menaiam utroque decorauit, quod facile & ex Romanis, Græcis, & Brytannicis scriptoribus, & Incolarum lingua, hunc in modum probatur.

Constat ex Cæsare, Tacito, & reliquis, Monam esse Insulam Brytanniæ finitimam, inter ipsam & Iuerniam sitam, in quo mari duæ sunt tantum alicuius nominis & magnitudinis (præter Hebrides) Insulæ. Igitur necesse est vnā harū, antiquorum Monam fuisse, itaque situm vtriusque Insulæ ante oculos ponendum esse duxi, ut inde cætera facilius intelligantur. Prima, quā Polydorus Angliscam vocat, finitima est ea Brytanniæ parti, quam nos Cābriam, Angli verò VValliam vocitant, à qua tenuissimo separatur Maris sinu (ab incolis **Mennai** dicto) ita quod iuxta medium Insulæ, non lōgius quā mille passus pateat. In Orientali parte Insulæ est castrum fortissimum, & elegans Vrbs, opus Edvvardi primi Angliæ Regis, cui Bello Marisco nomen est inditum. In aduersa verò parte est locus traijeiendi in Iuerniam aptissimus, & Anglis vsitatissimus, quod illi **Holy head** quasi sacrum caput, nos verò **Caerocybi**. i. Ciuitatem Kibij dicimus. In ea Insula est **Aberffrau** ante trecentos annos Principis Guynedhiæ (quam Angli Northvalliam, & Barbari Venedociam vocant) Regia: bouum & ouium multitudinem (pro Insulæ magnitudine) clara, triticique ita

abundans

Aa iij.

abundans

Monæ Insulæ

abundans, vt ob fertilitatem, mater Cambriæ vulgò nuncupetur; arborum inopia maxima, quamuis quotidie ingentes trunci, & radices, abietesq; miræ longitudinis in campis passim sub terra inueniuntur. Incolæ Britannica vtuntur lingua, Anglice penitus imperiti: Angliæ tamen Regibus post. 300. annos cum reliqua Cambria parent. Nunc verò ad secundam quam Polydorus nuper Monæ nomine donauit, deueniamus. Ea sita est in medio Maris, à proximo Brytanniæ promontorio distans. 25. miliaribus, magnitudine priori penè æqualis, magis tamen sterilis & inculta, hominesq; imbelles (nisi qui ab Anglia ob Insulæ custodiam à Comite Derbensi (cuius patrimonij est) mittuntur) gignit. Lingua Scotica siue Iuernica quæ eadem est, vtuntur. Distantia vtriusq; ab Iuernia ferè eadē. Iis prælibatis, quid Romani de ea scripsere discutiamus, inter quos Cæsar primus Monæ meminit, & post eum Plinius & Dion Cassius, sed nihil præter nudum nomen, & eam in Mari inter Britanniam, & Iuerniam sitam esse, in mediū attulere, quod vterq; nostrum etiam fatetur. Corn. Tacitus vir doctissimus & rerum Britannicarum (à Iulio Agricola focero suo edoctus) scientissimus, de eius situ & à Continenti distantia, plura nobis communicauit Hūc igitur audiemus lib. 14. Ita loquentem: Sed tum Paulinus Suetonius obtinebat Brytannos, scientia militiæ & rumore populi, qui neminē sine amulo sinit, Corbulonis concertator, receptæq; Armeniæ decus æquare, domitis perduellibus cupiens. Igitur Monam Insulam Incolis validam & receptaculum perfugarum aggredi

Descriptio.

aggredi parat, nauesq; fabricatur, plano alueo aduer-
sus breue littus & incertum, sic pedites, equites vado
secuti, aut altiores inter vndas adnantes, equis trans-
misere. Stabat pro litore diuersa acies, densa armis
virisq;, intercurrentibus sceminis, in modum Furia-
rum, veste ferali, crinibus deiectis, faces praeferabant,
Druidæq; circum, preces diras sublati ad caelum ma-
nibus fundentes, nouitate aspectus pertulere militem,
vt quasi haerentibus membris immobile corpus vul-
neribus praeberent: dein cohortationib. Ducis & se-
ipsi stimulant, ne muliebri & fanaticum agmen pa-
uescerent, inferunt signa, sternuntq; obuios, & igni
suo inuoluunt, Praesidium posthac impositum vicis,
excisiq; luci, sauis superstitionib. sacri. Nam cruore
captiuo adolere aras, & hominū fibris consulere deos,
fas habebant. Audi obsecro optime Lector, pedites va-
do, & altiores inter vndas equis adnantes transmisisse.
Etiam idem Author Agricola in eandem Insulam
expeditionem in eius vita depingens ita scribit: Iulius
agricola Monam Insulam, cuius possessionem reuo-
catum Paulinū rebellionē totius Brytanniae supra me-
morauī, redigere in potestatem animo intendit, sed vt
dubijs consilijs naues decrant, ratio & constantia
Ducis transuexit: depositis omnibus sarcinis, lectissi-
mos auxiliarium, quibus nota vada, & patrius nandi
usus, quo simul seq; & arma & equos regunt, ita re-
pentē immisit, vt obstupescerent hostes, qui classem, qui
naues qui Mare expectabāt, nihil arduū aut inuietum
crediderint, sic ad bellum venientibus. Ita petita pace,
ac dedita Insula, clarus ac magnus haberi Agricola:
quippe

Monæ Insulæ

quippe cui ingredienti Prouinciam, quod tempus alij
per ostentationem aut officiorum ambitum trāsigunt,
labor & periculum placuisset. Audi iterum : Milites
sine classe, sine nauibus, nando in Monam euasisse,
neq; hæc author audiuit ab aliquo obscurioris famæ,
sed ab ipso Agricola, socero suo viro vndecunq; cla-
rissimo & expeditionis Duce. Sed audi quid huic re-
spondet Polydorus. Scribit lib. Anglicæ historiæ 1.
Hæc olim (scilicet Mona) mari disiuncta angusto,
quoties decrescebat Oceanus, cuius magni fiunt omni
tempore æstus, adeò prope terram erat, vt sine nauigijs
adiri posset. & postea, Vide (inquit) quid possit vetu-
stas, Insula nunc ab omni terra abest amplius. 25.
millibus, quæ quondam vix mille passus procul erat.
In quod nominis & famæ discrimen (etiam excellen-
tiss. ingenia) non impellit inuidia, & contradicendi
studium. Somniat Vrbinas maximam terrarum in-
undationem, cuius nec Latini scriptores, nec Anglici,
nec Hibernici, nec Scoti vnquam meminere, & quod
magis mirum est, nec in vulgus rumor aliquis huius
diluuij dimanauit. Queritur etiam de angustia alte-
rius Insulæ & inopia frugum & arborum, vbi simi-
liter fides in illo desiderari possit, nam hæc Insula
(Angliscam eius, quæ verè Mona est, intelligo) habet
in longitudine milliaria nostra circa. 25. in latitudine.
16. quorum vnum quodque ad minus. 1200. passus
Geographicos continet : igitur in circuitu patet circa.
72. milliaria Italica, quia quibusdam locis angustior
est. Quod de inopia arborum dicit, verum est : nam
Tacitus affirmat lucos esse excisos, quorum (vt antea
dixi)

Descriptio.

dixi) trunci innumerabiles passim terra obruti inueniuntur. Sylvas etiam illic fuisse ante. 400. annos ex nostris historiis patet. Nescio quid dicam de sterilitate, cum hic affirmare non veretur, quod omnes sciunt esse falsis. Nam ob fertilitatem in proverbium inter nostrates abiit, **Non mam Gynny**, i. Mona mater Cæbriæ. Et Incolæ (pro ratione nostræ Regionis) sunt ditissimi, etiam & validissimi, ut ex historiographis Anglicis liquet: nam sæpius Angli classe inuerti Insulam inuasere, sed frustra: nam ab Incolis ad internecionem cæsi sunt: testis erit Hugo Salopiæ & Arundelij Comes illic occisus: testis etiā Henricus filius naturalis Hærici primi, & cum eo multi Nobiles ibidem deleti. Quid plura? Polydori Mona à terra. 25. miliaribus distans, hac nihilo maior, multò magis sterilis, & imbellium hominum Iuernorum parens, Mona cum Polydoro esse desijt. Sed quid reliqui de hac re sentiunt, discutiamus. Geographiæ Princeps Ptolomæus ad Orientalem Iuerniæ plagam quatuor ponit Insulas, Monarinam (alia exemplaria Monaidam legunt) Monam, Adron & Lymnon: hæ ultimæ nobis optimè cognoscuntur, antiqua retinentes nomina. Adros à nostratibus. **Unysadar**, quod Insula auium significat, dicitur: Lymnos à nostratibus. **Enlli**, ab Anglis **Bardeley**. i. Bardorum Insula vocitatur. Restant reliquæ duæ, quarum necesse est, ut vna sit nostra, altera Virgilij Mona. Monarinā ponit Ptolomæus multò magis ad Septentrionem, & Orientem Monam. Mona Polydori magis vergit ad Aquilonem & Ortum, quā nostra. Ergo Monarina, non Mona Ptolomæo est, & nostra Mona etiam

Monæ Insulæ

apud ipsū Monæ nomen obtinebit. Hæc ex externis, ad nostros veniamus, quibus magis in nominib. quā homini Italo nostræ linguæ imperito, credendum esse arbitror. Sed ut hæc melius intelligantur, pauca prius interferenda sunt. Brytannos ante aduentum Anglorum totam hanc Insulam possedisse, omnibus notum est, à quibus dolo victi, à meliori eius parte in extremas eius Regiones depulsi sunt, & nomina à locis accepere, ut qui in Cambriam abiere, Cambri: qui in Cornouiam, Cornouij appellarentur. Angli tamen eos omnes more Germanico (qui Italos & Gallos VVallos vocant) VVallos nuncupauere, additis etiam Regionum vocabulis, ut ex libris lingua Saxonica scriptis (etiam nunc extantibus) apparet. Nam nostrates, Brytas VValas, Cornouientes Cornuvalas in libris illis vocantur, non ut rudiores somniāt, à Cornugallia dicti. Nec hinc silentio præterire possum impudentiam Virgilij, qui se gloriatur hoc primò scriptis tradidisse. Cū hanc veram VVallici nominis Etymologiam ex Syluestri Gyrardo furatus est, sed ut reuertar vnde digressus sum. Iam Britanni in angustias terrarum pulsi linguam Britannicam seruauere, ita ut Regiones, Ciuitates, Fluuij, Insulæ, & populi, apud nostrates nomina obtinent antiqua. Nam Anglorum nomen nescimus, **Saillon.** i. Saxonas (nā x literā nō habemus) omnes Anglos in hūc diē appellitantes Angliā verò antiquo nomine **Loeget.** i. Loëgriā, VValliā **Cābry,** i. Cābriam, Cornugalliam **Corniw.** i. Cornouiam, Scotiā **Alban.** Hiberniam verò **Preordhon,** quam etiam antiquiores Geographi non Hiberniam sed Iuerniam dixere,

Descriptio.

dixere, appellamus. Ita & omnium Angliæ Ciuitatum nominibus utimur antiquis, quibus olim ante aduentum Saxonum vocitabantur. Sed ad Monam redeamus. Nostrates omnes & Incolæ ipsius Insulæ (eadem hac antiquissima lingua vfi) nullum aliud eius nouere nomen præter **Mon**, ita ab omnibus vocitatur. Polydorus Angliseam, id est, Anglorum Insulam appellat, fateor hanc insulam ab Anglis domitam eorum nomine decoratam fuisse, & Anglos ita eam vocare. Sed obsecro, an cum Anglis emerfit Insula, vel nullum habuit ante Anglorum aduentum nomen? heus expergiscere Polydore: eadem ratione, nec Anglia erit Brytannia, nec Francia Gallia. Sed quod magis est, in hac Insula Incolæ (quamuis Anglo subditi) nec quid sit Anglus, nec Anglisea, norunt, cum Anglum **Sais** singulari, plurali verò **Saillon**, patriam suam dulcissimam **Mon** appellant. Præterea, vrbs elegans super illum sinum contra Occidentalem Insulæ partem erecta, haud procul à loco vbi olim Segōtiū, Romanis cognita Ciuitas sita erat, **Caeraruon** nūcupatur. i. Ciuitas supra Monā: nā **Caer** apud nostrates urbē muris cinctā, **Ar** supra significant, sed quod in vltima syllabam, in u, mutatur, vult Idiotismus linguæ, nā in omnibus dictionibus incipientibus ab m, in contextu sermonis illa post certas consonātes in u, vertitur, cuius loco nostrates f, utuntur, cū u, semp vocalis sit, vt dies Mercurij **Die Mercher**, nox Mercurij **Nos fercher** dicuntur, ita Mariā **Mair**, Fanū Marię, **Lhā Uair** vocant. Nec solū Vrbs, sed totus ille Cōtinentis cōtra Insulam tractus **Aruon**. i. contra vel super Monam appellatur.

Monæ Insulæ

Esto tamen hanc nō fuisse Monā, debuisset Polydorus pro sua autoritate aliud ei finxisse nomē, & nō Anonymā reliquisse. Iam ad alterā accedamus, quam nostrates **Menaw**, Incolæ omnes, Angli & Scoti, etiam Britannicū nomen contrahentes, **Man** dicunt, itaque nemo hominū (quod sciam) præter Urbinatē & quendam impuriss. hominem Hectorem Boëthiū Monæ nomine hāc decorauit. Sed relictis hijs luce meridiana clarioribus argumentis, ad authoritates deueniamus, quibus fultū, utræque Insulæ sua genuina nomina tribuamus. Restat adhuc fragmentum antiqui scriptoris Gylde Brytanni, viri vndequaue doctissimi in singulari illa & omni genere bonorum Authorum refertiss. Bibliotheca, Illustriss. Herois & vnici inter nostrates Doctorum virorum Meccenatis, Domini mei suspiciendi Hērici Arundelij Comitiss, in quo hæc verba in descriptione Brytāniæ habentur: Tres habet Brytannia Insulas, Vectam contra Armoricas, secunda sita est in vmbilico maris inter Iuerniam & Brytāniam. Nomen eius Eubonia, vulgò **Manaw**. Audi optime Lector, Brytannum Brytannicè loquentem: nam ita nos vernacula lingua Monā Polydori hoc tēpore vocamus. Beda etiā Anglus vir in omni literarū genere clarus, lib. suę Historię. 2. cap. 9. hæc habet verba: Quo tēpore etiam gens Nordan Humbrorū, hoc est, ea natio Anglorū, quę ad Aquilonarē Hūbri fluminis plagā habitabat, cū rege suo Edwyno verbū fidei prædicāte Paulino (cuius supra meminimus) suscepit, cui videlicet regi in auspiciū suscipiēde fidei & regni cęlestis potestas & terreni creuerat Imperij, ita vt (qd' nemo Anglorū
ante

Descriptio.

ante eum fecit) omnes Brytanniæ fines, qua vel ipso-
rum vel Brytonum prouinciæ habitabantur, sub ditio-
ne acceperit. Quin & Menanias Insulas, sicut & supra
docuimus, Imperio subiugauit Anglorum: hinc ego cre-
diderim Menauias pro Menanias scribi oportere, cum
facilis sit lapsus ab n, in u. Hæricus præterea Huntyng-
tonensis Ecclesiæ Archidiaconus, historicus egregius,
qui scripsit circa annum nostræ Redemptionis 1140.
Bedæ vestigijs inhærens, hunc lapsum declarare vide-
tur. Edvyni Northumbrorum Regis potetiam & vi-
ctoriam enarrans in hæc verba prorumpit: Edvyn Rex
Northumbrorum, cunctis qui Brytanniam incolunt
Anglorum pariter & Brytonum populis præfuit, præter
Cantuarios, nec non Menauiam Insulam, quæ inter Hi-
berniam & Brytanniam sita est, & vulgò **Man** dicitur,
Anglorum subiecit Imperio. Notandum hinc est, hinc An-
glum, Anglicum etiam Insulam (quam Vergilius Monam
falsò vocat) tribuisse nomen: nam **Man** vulgò (inquit)
dicitur, quo nomine ab Anglis in hunc diem nota est. Et
præter hos, Ranulphus Cestrensis in suo Polychroni-
co libro primo, cap. 44. ita de Insulis Brytanniæ vic-
inis loquitur: Brytannia (inquit) tres habet Insulas sibi
adiacentes (præter Orchades) quæ tribus eius principa-
lioribus partibus quasi respondere videntur. Nam Ve-
cta adiacet Loegriæ, quæ nunc Anglia dicitur: Mona,
quæ ab Anglis **Anglesea** vocatur, ad Cambriam (quæ
& Vallia est) pertinet: Insula verò Eubonia, quæ
duo alia habet nomina, Menauia scilicet & Mania,
Scotiæ contermina est. Hæ tres, Væta, Mania, & Mo-
na, eiusdem ferè sunt quantitatis. Hæc ille. Quod Gil-

Monæ Insulæ

das & alij hanc Insulam Euboniam Latinè vocāt, hinc videtur originem traxisse, quòd ab eadē natione, nēpè Iuernica, à qua & Eubonię (quas Hebrides aliqui dicunt) incoletur Beda & Huntyngtonensis Brytānioo nomini Manau, cū Menauia appellitant, alludere videntur: sed nulli horum Mona dicitur. Ex hijs argumētis & testimonijs liquet, Monam, eam esse Insulam, quam Incolæ (vt superius dixi) Monam etiam vocant, nullo alio nomine cognito, & quæ Anglis Anglifica dicitur: altera verò, quæ Polydoro & in eius luto hærentibus Mona dicitur, à Gylda Eubonia, ab Huntingtonensi Menauia, ab alijs Mania vocitatur. Hic finem (vno, quod instar multorum erit, prius in medium adducto testimonio) faciam: nempè Syluestris Gyraldi Cambrobrytanni viri non minus natalibus illustris, quàm eruditione clari, vtpotè ex Nobili Gyraldorum familia ortus, quibus debent Reges Angliæ deuictam Iuerniam, & ipsi Regi Henrico secundo charissimus, ac filio eius Ioanni, à Secretis fuit: cuius nomen in Decretis Pontificum Romanorum (quòd cū Episcopus esset Meneuensis, cū Archiepiscopo Cantuariensi de prærogatiua eius Ecclesiæ certaret) est admodum celebre: ille inquam in libro cui titulum fecit Itinerarium Baldvini Archiepiscopi Cantuariensis, Crucem in infideles per Cambriam prædicantis, cuius etiam indiuiduus Comes fuit, hæc de Mona Insula memoriæ prodidit: Craftino transuimus per Castrum de Caeraruon, & per valles & montes difficiles ad Bangor peruenimus, ab Episcopo decenter exhibiti, cuius nomen Guianus, qui ad Crucis susceptionem

Descriptio.

ptionem ferè compulsus, cum magna lamentatione
& vociferatione hominum vtriusque sexus: Inde in
Monam Insulam duobus millibus passuum inde di-
stantium transiimus, breui maris brachio transna-
uigato, vbi iunior Oeni filius Rothericus, cum Inco-
lae totius & terrarum adiacentium populo, deuotus
nobis occurrit: ibi facto quasi Theatro in petrosis ru-
pibus propè littus, prædicanti Archiepiscopo & loci
Archidiacono Alexandro, multi ad Crucem sunt al-
lecti: sed Iuuenes electi de familia Rotherici, qui con-
tra nos sedebant, nullo modo allici poterant ad Cru-
cem sustinendam: quorum aliqui paulò post dum præ-
dones sequeretur, occisi, alij vulnerati, vltronei in car-
ne sibi inuicem Cruces affixerunt. Rothericus Resi-
Principis filiam sibi tertio gradu cognatam, vxorem
habuit, quam nullis monitis à se pellere voluit, sperans
inde auxilium contra fratris filios, quos exhæreda-
uerat: at paulò post illi omnia recuperauère. Habet
hæc Insula. 343. Villas, & tamen pro tribus cantredis
habetur: habet Brytannia tres Insulas sibi adiacentes
eiusdem ferè quantitatis, ab Austro Vecta, à Zephy-
ro Mona, à Circio Mania: sed duæ priores propin-
quius Continenti adiacent, modicis distinctæ maris
interstitijs: tertia verò, quæ Mania dicitur, medio in-
ter Hibernicam, Vltoniam & Scoticas Galouidias
libramine iacet. Mona verò, ab Incolis **Mon mam**
Cymbry ob tritici fertilitatem, dicitur. Et postea,
Hugo comes Slopesburiensis & Arundelij, cum Hu-
gone Comite Cestrensi, cum hanc Insulam vi in-
grederetur, canes in Ecclesia sancti Fefridanci no-

æc

Monæ Insulæ

„ &c occlusit, quos omnes manè rabidos inuenit, & ipse
„ postea à piratis de Orcadibus venientibus, quorum
„ Princeps Magnus sagitta in oculo (quæ pars corporis
„ sola ferro nuda erat) ictus à naui per ipsum Magnum,
„ in mari mortuus cecidit: quod videns Magnus, dixit
„ Danica lingua, **Leit loupe**, quod significat, sine eum
„ saltare. Item cum Henricus secundus exercitum in Ve-
„ nedotiam ducens apud Caleshull, bellicam aleam in
„ arcto syluestri expertus est, classem in Monam misit,
„ quæ Ecclesiam prædictā cum alijs locis spoliauere: vn-
„ de ab accolis, multi à paucis, armati ab inermibus, victi,
„ vulnerati, & capti, & interempti ferè omnes fuere.
„ Fuerāt duo Nobiles viri, & eius qui scripsit hæc Auun-
„ culi, cum alijs huc à Rege missi, Henricus scilicet Re-
„ gis Henrici primi filius, & secundi Auūculus, ex No-
„ bili Nesta Resi filij Theodori filia, in Australi Cābria
„ Demetiae finibus oriundus, & Stephani filius Henrici
„ frater non germanus, sed vterinus, vir qui nostro pri-
„ mus tēpore alijs viam præbens, Hibernicam non lon-
„ gè post aggressus est expugnationem, cuius præconia
„ vaticinalis depromit historia. Hēricus nimia fretus au-
„ dacia, bonaq; destitutus omnino sequela inter primos
„ lanceis confossus occubuit. Robertus verò de defensio-
„ ne diffidens, vix ad naues grauitè vulneratus euasit.
„ Hæc Insula foris sterilis & hispida vt terra de Pebi-
„ dion propè Menauiam apparet, quamuis multis fer-
„ tilissima. Hucusque Gyraldus. Quid vnquam pla-
„ nius aut dilucidius de Monæ nomine, loco, fer-
„ tilitate, & incolarum strenuitate: etiam de alte-
„ rius Insulæ & situ & nomine, literis mandari po-
tuit?

Descriptio.

ruit: Idem Author in sua Cambriæ Topographia, ita de hac Insula loquitur: In Northvallia inter Monam & montes Eryri, sedes Banchoriensis Danielis patrocinio gaudet. Et iterum: Totius autem V Valliæ sicut Australis pars circa regionem Cereticam, & præcipuè Demetiam campestri planicie, maritimoque litore longè amœnior est, ita Borealis Venedotia, & situ terrarum munitior, & robustis virorum cordibus fœcundior, vbique gleba fertilior esse dignoscitur. Nam sicut montes Eryri, cunctis V Valliæ armentis in vnum coactis ad pascua, sic Mona Insula tritici fertilitate, toti V Valliæ fertur aliquandiu sufficere posse. Hijs lectis & pensiculatis, quis hominum ita stupidus, qui dubitet Angliscam Polydori veram esse Monam Druidum sedem, & Romanis armis literisque nobilitatam? Aliam verò Insulam Brytannis **Manau**, Anglis verò **Man** dictam, quam ille, & alij viri docti ex eius lacunis turbidam bibentes, Monam falsò appellauere, rectius Monarinam vel Monaidam, vt Ptolemæus: Euboniam, vt Gildas: aut Merrauiam vt Beda, & Huntyngtonensis: aut Maniam vt Giraldus, dici oportere. Plura etiam, & argumenta, & doctorum virorum testimonia in medium adferre possem: sed ne lectori tedium adferam, hijs in præsentis supersedebo: non dubitans, quin hæc omni viro docto, & in historijs Brytannicis exercitato, ad omnes aduersariorum calumnias diluendas satis firma esse videntur. Igitur te, pro eo quo præditus es candore & humanitate, oratum velim, vt hæc qualiacunque sint, boni consulas, Monamque nostram suæ pristinæ gloriæ, typis tuis re-

Cc.

stitues.

Monæ Insulæ

stitues . Speroque me propediem tibi non solum Mo-
næ, sed etiam totius Cambriæ certissimam descriptio-
nem nominibus tum Antiquis, Romanis, & Brytan-
nicis, tum Anglicis modernis illustratam missurum.
Angliæ etiam Chartam Geographicam, additis ex
Ptolomæo, Plinio, & Antonino, antiquis nomencla-
turis, vt Hæctoris Boëthij innumera mendacia hinc fa-
cilius dignoscantur, in quem Lælandus noster aptissi-
mum ædedit Epigramma,

*Hæctoris historici tot, quot mendacia scri-
psit,*

Si vis vt numerem, Lector amice, tibi?

*Me iubeas etiam fluctus numerare ma-
rinos,*

Et liquidi stellas connumerare Poli.

Habeo etiam exactissimam tractus maritimi Sco-
tiæ descriptionem, quæ omnia cum Londinum venero
(quod Deo fauente ante finem Aprilis fiet) ad te mit-
tam, ex quibus virorum quorundam doctissimorum
manifesti patebunt errores: qui imperitis quibusdam
nimium fidentes, situs, & nomina multorum loco-
rum, Urbium & Fluviorum, in Chartis suis Geogra-
phicis satis infœliciter, & multum à vero aberrantia
depin-

Descriptio.

depinxêre. Interim te bene valere iubeo, & si quid aliud sit, in quo tibi placere possim, non roges, sed imperes, quod voles. Richardus Cloughus, vir integerrimus & contractæ inter nos amicitiae Author, idemque cõmunis noster amicus, & literas tuas ad me perferendas dabit, & meas tibi (pro ea quæ inter nos est familiaritate) reddet. Vale dulcissime Orтели.

Denbighiæ, Northvalliæ siue Guy-
nedhiæ. quinto Aprilis.

1568.

*Tuus per saxa per ignes, Humfredus
Lhuyd Denbighiensis, Cam-
brobritannus.*

Cc.ij.